



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

3093

1908 № 2449

ՀԱՏԱՐԱԿՈՒԹՅՈՒՆ Գ. ԳԱԼՍՏԵԱՆԻ

№ 23

ВНИМОТЕНА
ИНСТИТУТ
ОСТОРОЖЛИВО
Академия наук
СССР

Դ Ա Ս Ա Գ Ի Ր Ք

ԸՆԴՀԱՆՈՒՐ ԱՇԽԱՐՀԱԳՐՈՒԹԵԱՆ

Ե Ի Ր Ո Պ Ա

Գ. ԳԱԼՍՏԵԱՆԻ ՄԱՍ

ԿԱԶՄԵՑ

ԼԵԻՈՆ ԲԱԲԱՅԵԱՆ



Թ Ի Յ Լ Ի Զ

Տպարան Տ. Մ. Ռոտինեանցի

1907

91(075)
F-12

-5 OCT 2011
5 FEB 2011

91 (075)

P-12

ՀՐԱՏԱՐԱԿՈՒԹՅԻՆ Գ. ԳԱԼՍԵԱՆԻ

№ 23

Դ Ա Ս Ա Գ Ի Ր Ք

БИБЛИОТЕКА
ИНСТИТУТА
ВОСТОКОВЕДЕНИЯ
Академии Наук
СССР

ԸՆԴՀԱՆՈՒՐ ԱՇԽԱՐՀԱԳՐՈՒԹԵԱՆ

Ե Ի Ր Ո Պ Ա

Գ. ՔԱԼԱՔԱԿԱՆ ՄԱՍ

ԿԱԶՄԵՑ

ԼԵԻՈՆ ԲԱԲԱՅԵԱՆ



Թ Ի Ֆ Լ Ի Ս

Տպարան Տ. Մ. Ռոտինսկայի

1907

1902-1907

26 FEB 2013

2055

ՆՈՒՐՈՒՄ Է



Յ Ա Ր Գ Ն Լ Ի Տ Ի Կ Ի Ն

Գ Ա Յ Ի Ա Ն Է Ա Թ Ա Բ Է Գ Ե Ա Ն Ի Ն

Նրախտագիտութեան խորին զգացմունքով



Կ Ա Ջ Մ Ո Ղ Ը

61055-67

Յ Ա Ռ Ա Զ Ա Բ Ա Ն

Լոյս ենք ընծայում մեր դասազրքի Գ. հատորը՝ Երրուպայի ընդհանուր աշխարհագրութեան քաղաքական մասը, որ կազմում է մեր դպրոցների Գ. դասարանի կամ վեցերորդ ըստանմունքի դասընթացը:

Այս հատորն էլ, ինչպէս եւ Բ. հատորը կազմել ենք, այսինքն օգտուել ենք ռուսական եւ գերմանական յայտնի դասազրքերից, մի քանի մասեր փոխադրելով, միւս մասերն էլ ինքնուրոյն կերպով գրելով: Բ. հատորը լաւ ընդունելութիւն գտաւ մեր դպրոցներում, որի շարունակութիւնը կազմում է այս հատորը: Միաժամանակ տպագրութեան յանձնեցինք եւ այս դասազրքի առաջին՝ ԲՅԱԿԱՆ մասը, որի լոյս տեսնելը մինչեւ այժմ ձգձգել է մեզանից անկախ պատճառներով, որը, սակայն մօտ ապագայում պատրաստ կլինի, որովհետեւ կարենոր կլիշէները արդէն օտացւած են:

Լ. Բարպեան

Ե Ի Ր Ո Պ Ա

ԵՒՐՈՊԱՅԻ ԴԻՐՔՆ ՈՒ ՄԵԾՈՒԹԻՒՆԸ

Եւրոպան, որ իր մեծութեամբ շարրորդ մայր ցամաքն է, գրեթէ ամբողջապէս գտնուում է հիւսիսային կիսագնդում եւ աւելի մօտ է հիւսիսային բևեռին քան հասարակածին կամ էկվատորին: Բացի Եւրոպայից հիւսիսային կիսագնդում գտնուում են նաև Ասիան եւ հիւսիսային Ամերիկան: Եւրոպայի ամենահիւսիսային ծայրը Նորդկապ հրուանդանն է, որ ընկնում է 71° հիւսիսային լայնութեան տակ, ամենահարաւայինը՝ Տարիֆա հրուանդանը (36° հիւս. լայն. տակ), ամենարեւմտեանը՝ Լաբրադոր հրուանդանը (8° արևելեան երկարութեան տակ) եւ ամենարևելեանը՝ Կարեան խորշը (85° արևել. երկ. տակ): Ասիայի նման Եւրոպան էլ աւելի իր երկարութեամբ է տարածւած, քան իր լայնութեամբ: Եւրոպայի ամբողջ մակերևոյթի տարածութիւնը հաւասար է 180,000 քառ. մղոնի: Եւրոպան միակ մայր ցամաքն է, որ գրեթէ իր ամբողջ տարածութեամբ գտնուում է հիւսիսային բարեխառն գօտու մէջ: Բացառութիւն է կազմում նրա հիւսիսային մի փոքրիկ մասը, որ ընկնում է հիւսիսային Յուրտ կամ Սաուուցեալ գօտու մէջ: Հէնց այդ է գլխաւոր պատճառը, որ այդ գօտին Եւրոպայի աղգաբնակութեան կեանքի եւ զարգացման համար հանդիսացել է իբրև ամենայարմարը:

Եւրոպան, որ միւս մայր ցամաքների համեմատութեամբ ամենից շատ կտրատւած մայր ցամաքն է, երեք կողմից շրջապատուած է Ասիա, Ամերիկա և Աֆրիկա մայր ցամաքներով, իսկ միայն արևելեան կողմից անմիջապէս կպած է Ասիային: Եւրոպան իր դիրքի շնորհիւ հեշտութեամբ հաղորդակցութեան մէջ է մտել իրեն շրջապատող մայր ցամաքների հետ, դարձել է մարդկութեան մտաւոր զարգացման և քաղաքակրթութեան կենդրոնը, որի ազդեցութիւնը հետզհետէ տարածւել է աշխարհի միւս մասերի վրայ: Նա ներկայացնում է մարդկութեան լուսաւորութեան ամենազլխաւոր կենտրոնը և այնտեղ են ապրում աշխարհիս ամենաքաղաքակրթւած ազգերը:

ԵՒՐՈՊԱՅԻ ԱՓԵՐԻ ԳԾԱԳՐՈՒԹԻՒՆԸ

Իր ափերի գծագրութեան տեսակէտից Եւրոպան մի քաղմազան մայր ցամաք է ներկայացնում: Ատլանտեան և Հիւսիսային Յուրտ կամ Սառուցեալ ովկիանոսները իրանց մասերով շատ են կտրատում Եւրոպայի ափերը և կազմում քաղմաթիւ թերակղզիներ, կղզիներ, հրուանդաններ և այլն:

Եւրոպայի տարածութեան $\frac{1}{3}$ -ը թերակղզիներ են, իսկ $\frac{2}{13}$ -ը կղզիներ: Թերակղզիներից նշանաւոր են (Կանին, Կովա, Սկանդինաւեան (Եւրոպայի ամենամեծ թերակղզին), Ֆինլանդական, Իւթլանդիա, Նորմանդիա, Բրետան, Պիրինեան, Ապենինեան, Բալկանեան և Արիմ կամ Տարիկեան), իսկ կղզիներից՝ օրոնք մեծ մասամբ ցամաքային են, (Նոր-Երկիր, Վայգաչ, Կալգուե, Զպիցրիզէն, Իռլանդիա, Մեծ-Բրիտանիա, Իրլանդիա, Ֆիօնիա, Զելանդիա, Բալիարեան խումբ, Կորսիկա, Սարդինիա, Մալտա, Կրետէ կամ Կանդիա, Էվբէա և Արշիպելագի կղզիներ):

Երկու ովկիանոսների մասերը կտրատելով Եւրոպայի ափերը, զանազան կողմերից մտնում են մայր ցամաքի ներսը և առաջացնում են բազմաթիւ ծովեր, ծոցեր, խորշեր, նեղուցներ, ջրանցքներ և այլն, որոնք իրանց կողմից զգալի կերպով մեղմացնում են մայր ցամաքի կլիման, բարեխառն դարձնելով նրան: Այդ ջրերի ափերում Եւրոպան ունի շատ յարմար նաւահանգիստներ, որոնք Եւրոպայի ազգաբնակչութեան բազմատեսակ յարաբերութիւններն աշխարհիս միւս մասերի հետ հեշտացնում են:

ԵՒՐՈՊԱՅԻ ՄԱԿԵՐԵՒՈՅԹԻ ԿԱԶՄՈՒԹԻՒՆԸ

Եւրոպայի մակերևոյթի կազմութիւնը բազմազան է, մանաւանդ նրա արևմտեան և հարաւային մասերում: Նա չունի ոչ այնպիսի ընդարձակ և բարձր սարահարթներ, ինչպէս Ասիան և Աֆրիկան, ոչ այնպիսի երկար և բարձր լեռնաշղթաներ, ինչպէս Ամերիկան և ոչ էլ այնպիսի բազմապիսի հարթութիւններ, ինչպէս Աւստրալիան կամ Ովկանիան: Եւրոպայի ամենաբարձր լեռնաշղթաները մեծ մասամբ տարածւում են արևմուտքից դէպի արևելք: Նրա լեռնաշղթաներից ամենաբարձրն է Ալպեան լեռնաշղթան, որի նշանաւոր գագաթն է Մօնբլան: Վերջինս Եւրոպայի ամենաբարձր գագաթն է, որի բարձրութիւնը ծովի մակերևոյթից մօտ 5 վերստ է: Միւս լեռնաշղթաներից նշանաւոր են Ապենինեան, Պիրինեան, Բալկանեան, Դինարեան, Կարպատեան, Փրանսիական, Գերմանական, Սկանդինաւիական, Ուրալեան և այլն լեռնաշղթաները: Ուրալեան լեռնաշղթայով Եւրոպան արևելեան կողմում բաժանւում է Ասիայից: Այդ լեռնաշղթայի հարաւային ծայրի և Կասպից ծովի կամ Արկանայ լճի մէջ գտնւում է այն ցածր ու հարթ երկիրը, որ յայտնի է

«Ժողովրդների դուռ» անունով, որովհետև մի ժամանակ այդ երկրով են Ասիայից Եւրոպա գաղթել մի շարք ժողովուրդներ, որոնք համարուում են ժամանակակից Եւրոպայի մի քանի ազգերի նախնիքները:

Ուրալեան լեռնաշղթայի արևմտեան կողմում տարածւում է Եւրոպական Ռուսաստանի ընդարձակ հարթութիւնը, որ բռնում է Եւրոպայի ամբողջ տարածութեան գրեթէ արևելեան մասը: Այդ հարթութիւնը տարածւում է Հիւսիսային Սառուցեալ ովկիանոսից մինչև Կովկասեան լեռները:

Եւրոպայի այդ լեռնաշղթաները ձգւելով ու տարածւելով նրա մակերևոյթի գնահղան մասերի վրայ և իրանց մէջ պարփակում են մի քանի աչքի ընկնող ցածր հարթութիւններ, որոնցից նշանաւոր են. Լոմբարտական, Գերմանական, Ռուսական և այլն հարթութիւնները:

Այդ հարթութիւններն և բազմազան հովիտները, որոնք գտնւում են Եւրոպայի մակերևոյթի վրայ տարածուող լեռնաշղթաների մէջ, միմեանց հետ սերտ յարաբերութեան մէջ են գտնւում, որովհետև այդ լեռնաշղթաները բարձր չեն, ունին յարմար անցքեր, որոնց շնորհիւ Եւրոպայի բնակիչները կարողանում են իրար հետ հեշտ կերպով հաղորդակցութիւն ունենալ:

ԵՒՐՈՊԵՅԻ ՈՌՈԳՈՒՄԸ

Ուղղման կողմից Եւրոպան նախանձելի դրութեան մէջ է գտնւում: Նա իր բազմատեսակ ջրերով ամենահարուստ մայր ցամաքներից մէկն է: Եւրոպան ունի բաւականաչափ գետեր և լճեր, որոնք լաւ ոռոգում են նրա գրեթէ ամբողջ մակերևոյթը: Սակայն այդ գետերը Եւրոպայի մակերևոյթի կազմութեան շնորհիւ միւս մայր ցամաքների գետերի նման

այնքան էլ մեծ չեն: Այդ գետերը ոչ թէ որոշ, այլ զանազան ուղղութեամբ են հոսում և մեծ մասամբ նաւարկելի են: Նաւարկելի գետերի առատութեամբ Եւրոպան առաջին մայրցամաքն է: Գրանը յաճախ միացած են բնական և արհեստական ջրանցքներով, որոնք Եւրոպայի բնակիչների հազորդակցութիւնը միմեանց հետ հեշտացնում և մայր ցամաքներին առևտրի զարգացմանը շատ են նպաստում: Գետերի մեծ հոսանքները մեծ մասամբ զարգանում են Եւրոպայի արևելեան հարթ կէսում և միջին Եւրոպայում, այն ինչ այդ տեսակետից հարաւային երեք թերակղզիների գետերը չնչին նշանակութիւն ունին: Եւրոպայի գետերը գլխաւորապէս ըսկիզբն են առնում Ալպեան և միջին եւրոպական լեռնաշղթաներից: Իրանց հոսանքի և ջրառատութեան տեսակէտից Եւրոպայի գետերը կարելի է բաժանել երկու՝ միմեանցից տարբեր տեսակների: Այն ինչ արևելեան՝ ցածր Եւրոպայի գետերը դանդաղ են հոսում և տարւայ բոլոր եղանակներին ջրառատ չեն լինում, ընդհակառակը արևմտեան Եւրոպայի գետերը արագ են հոսում և ձիւնապատ լեռներից բղխելով, գրեթէ միշտ ջրառատ են:

Եւրոպան լճերով էլ հարուստ է: Նրա լճերը գլխաւորապէս գտնւում են Բալտիկ ծովի երկու կողմերում՝ Զվեդիայում, Ռուսաստանում, Իրլանդիա կղզու վրայ, Զվէյցարիայում և այլն:

Եւրոպայի գետերից նշանաւոր են. Պէչորա, Մեղէն, Հիւսիսային Դվինա, Օնեգա և Տանա, որոնք թափւում են Հիւսիսային Ցուրտ կամ Սառուցեալ ովկիանոսը: Իալ, Թօրնէօ, Նեւա, Նորովա, Արևմտեան Դվինա, Նեման, Վիսլա և Օդեր, որոնք թափւում են Բալտիկ ծովը: Հիւսիսային կամ Գերմանական ծովը թափւում են Էլբա, Վեգէր, Էմս, Հոհենսո, Զելդա և այլն: Լամանչի ջրանցքը թափւում է Սենա գետը: Բիսկայեան կամ Գառկօնի ծոցը Լուարա և Գարոննա: Ատլանտեան ովկիանոսը՝ Մինիօ, Դուրօ, Տալսօ, Գլադիանա և

Գլխադրակի վրա: Միջերկրական ծովը՝ Էբրո, Ռոնա, Պո կամ Պադուս և Տիրեր: Սև կամ Պոնտական և Ազովի ծովերը՝ Դանուբ, Դնեստր, Դնեպր, Դոն, Կուրան և այլն: Գասպից ծովը՝ Թերիկ: Վոլգա և Ուրալ գետերը:

ԵՐԻՌՊՈՍԻ ԳԼԻՄԱՆ

Երոպան ընդհանրապէս շատ նպաստաւոր կլիմա ունի: Կլիմայական պայմանների տեսակէտից էլ Երոպան գերազանցի է միւս մայր ցամաքներից: Որովհետև Երոպայի տարածութեան ամենամեծ մասը գտնուում է հիւսիսային թարեխառն գօտու ամենացուրտ մասում, դրա համար էլ նրա կլիման ըարեխառն և առողջարար է: Այնտեղ չէ կարելի պատահել կլիմայական այն ծայրահեղ տարբերութիւններին, որոնքին սովորական են Ասիայում: Երոպայի կլիման աւելի տաք է, քան այն միւս մայր ցամաքներինը, որոնք նրա հետ միկնոյն յայնութեան տակ են գտնուում: Այդ երկոյթն էլ կախւած է մայր ցամաքը ներս մտնող ծովերից, տիրապետող քամիներից, Գոլֆշտրոմի տաք հոսանքից, Երոպայի մակերևոյթի կաղմութիւնից և Աֆրիկայի հարևանութիւնից: Արևմտեան և հարաւային կողմերից մայր ցամաքը ներս մտնող ծովերը մեղմացնում են Երոպայի ամառայ և ձմեռայ նեղահասնների տարբերութիւնը, դարձնում են ամառը թարեխառն, իսկ ձմեռը տաք: Ատլանտեան ովկիանոսից վերոյիշեալ երկու կողմերով փչում է Երոպայի կլիման թաւական մեղմացնող մի քամի: Բացի դրանից արևմտեան Երոպայի ափերով՝ Աեկսիկայի ծոցից փչում է Գոլֆշտրոմի տաք հոսանքը, որ թաւականաչափ մեղմացնում է մայր ցամաքի կլիմայի խստութիւնը: Դրա համար էլ այդ տաք հոսանքը կոչւում է նաև «Երոպայի վառարան»: Երոպայի արևմտեան ափով փչող

հողմերը առաջացնում են յաճախակի անձրևներ, որոնք նոյնպէս մայր ցամաքի կլիմայի մեղմանալուն թաւականաչափ նպաստում են: Ընդհակառակը կլիմայական տարբեր պայմաններ են տիրում արևելեան Երոպայում, որովհետև այնտեղ տիրապետող հողմերը (հիւսիս-արևելեան և արևելեան հողմեր) գլխաւորապէս փչում են Հիսիսային Սառուցեալ ովկիանոսից կամ Ասիայի ջրազուրկ անապատներից, որոնք աստիկացնում են ձմեռը և աւելի ևս չորացնում ամառը:

Երոպայի հարաւ-արևմտեան մասը, որ միշտ ենթակայ է հարեան Աֆրիկայի անապատներից փչող Սոլանո և Շիքոկիւ տաք հողմերին, Երոպայում ամենատաք կլիմա ունեցող մասն է: Հէնց այդ միկնոյն անապատների հարևանութիւնն է գլխաւոր պատճառը, որ հարաւային Երոպայում ամառը անձրևներ գրեթէ չեն գալիս: Որովհետև Երոպայի ըստր մասերն էլ միատեսակ կլիմա չունին, դրա համար էլ այդ մայր ցամաքը կլիմայական պայմանների տեսակէտից քաժանւում է չորս միմեանցից տարբեր մասերի: ա.) Ռուսական ցածր հարթութեան ձմեռն ու ամառը խիստ տաք ընդունում են միմեանցից իրանց տարութեան աստիճանով: բ.) հարաւային Երոպայի թերակղզիներում ամառը չոր և անձրևազուրկ, իսկ ձմեռը տաք և խոնաւ է, գ.) արևմտեան Երոպայի կենտրոնական մասի կլիման ընդունում է Արևելեան և արևմտեան Երոպայի կլիմաների միջին տեղը և դ.) արևմտեան ափային երկրների, մանաւանդ Բրիտանական կղզիների կլիման շնչին տարբերութիւն է ցայց տալիս ամառայ և ձմեռայ տարութեան մէջ և անձրևներ շատ է գրեում:

Սակայն Երոպայի կլիման քաժանւում են նաև երեք գլխաւոր մասերի արևմտեան-Երոպական, Միջերկրական և արևելեան Երոպական կլիմաներ:

Արևմտեան երոպական կլիման սպառտիկ սառնամանիք

ձմեռը, տաք և անձրևային ամառ՝ Միջերկրական կլիման տաք ու շոր ամառ և մեղմ ձմեռ, իսկ արեւելեանը՝ խիստ ձմեռ և տաք ամառ:

ԵՒՐՈՊԱՅԻ ԲՈՒՄԱՎԱՆՈՒԹԻՒՆԸ

Եւրոպան իր բարեխառն կլիմայի շնորհիւ շունի այն հրուկայական բոյսերը, որոնք յատուկ են միւս մայր ցամաքներին: Միւս կողմից էլ Եւրոպայում չկան այնպիսի բնագործակ տարածութիւններ, որոնք բոյսերից բոլորովին զուրկ լինին: Եւրոպայի հողը իր հարստ ոռոգման շնորհիւ կանոնաւոր կերպով մշակուում և արտադրում է մի շարք կուլտուրական ու օգտակար բոյսեր: Իր բոյսերի առանձնայատկութեան շնորհիւ Եւրոպան սովորաբար բաժանում են հինգ միմեանցից տարբեր բուսական շրջանների. ա) Եւրոպայի հիւսիսային ափերը, որ կազմում են *դունդրաների* շրջանը: Այդ շրջանի բոյսերը իրանց քանակով շատ աղքատ են, իսկ եղածներն էլ շատ մանր, որովհետև կլիման այնտեղ շատ ցուրտ է: Այդ շրջանի բոյսերն են մամուռ, սպորենի, քոս և մի քանի ուրիշ բանջարեղէններ. բ.) *կոնաքերների անտառների* շրջան, որտեղ ամառը բուսական կարճատև և տաքութիւնը չափազանց քիչ է լինում. այդ շրջանում թէև մի քանի տեսակ ծառեր կան, սակայն դրանք կարճ ժամանակի ընթացքում են վերջացնում իրանց զարգացման շրջանը: Այդտեղ մեծք ամենուրեք պատահում ենք մշտական կանաչ եղևնի և կաղնի ծառերին. այդ շրջանում է սկսում և երկրագործութիւնը, որտեղ պլանտորապէս բնում է զարի և վարձակ. գ.) *Տերեւոտ* ծառերի շրջանը, որ սկսում է երկրորդ շրջանի ծայրից և շարունակւում է մինչև Եւրոպայի երեք հարաւային թերակղզիները: Եւրոպայի այդ մասում տիրույթ տար երկարատև ժամանակի և յաճախակի տեղացող անձրև-

ների շնորհիւ զարգանում են տերևոտ ծառերը, որոնք իրանց տերևներից միայն ձմեռն են զրկում: Այդ շրջանի ծառերից նշանաւոր են. կաղնի, թմրի, հացի, տխկի, խնձորի տանձի, շագանակի, և այլն ծառերը. հացահատիկներից՝ ցորեն, գարի, հաճար. բնում է նաև խալոզ, դեղձ և այլն. դ.) *Անապատների* շրջանը կազմում է Ռուսական հարթութեան հարաւարեւելեան մասը և Ուկրաինայի մի որոշ տարածութիւնը, որտեղ կանաչ տերևոտ ծառերը բացակայում են, որովհետև ամառը բաւարար չափով կլիման խոնաւ չէ, իսկ ձմեռն էլ չափազանց խիստ է: Սակայն այդ շրջանում հացահատիկները, (ցորեն, եգիպտացորեն) և պտղատու ծառերը (խնձորենի, խալոզ, դեղձ, նարինջ և այլն) աւատ են դ.) *մշտական կանաչ ծառերի և հարաւային պտուղների* շրջանը բնում է Պերսեան թերակղզու հարաւային մասը, Ապենինեան և Բալկանեան թերակղզիները և Միջերկրական ծովի բոլոր կղզիները: Բուսական այդ շրջանը ունի տաք ձմեռ, որ շատ է նպաստում մշտական կանաչ տերևոտ ծառերի զարգացման, օրինակ աղնիւ դափնի, մրտենի, խցակաղնի, օլեանդր, մշտադալար նոճի, աֆրիկական ազալին և կոզի: Խոպանիայի, Իտալիայի և Յունաստանի հարաւային մասերում նոյն իսկ պատահում ենք արևադարձային բոյսերի, օրինակ բանան, արմաւենի և այլն: Այնտեղ բացի ցորենից, եգիպտացորենից, բրնձից, խալոզից և ձիթապտղից աճում են նաև նարինջ, լիմոն. թուզ, թուլթ, նուշ, շարարեղէպն, բամբակ և այլն:

ԵՒՐՈՊԱՅԻ ԿՆՆԴԱՆԻՆԵՐԸ

Եւրոպայի կենդանական աշխարհը մեծ մասամբ նման է հարևան Ասիայի ֆաունային: Բայց որովհետև Եւրոպան խիտ աղղարնակութիւն ունի և հողը զրեթէ ամեն տեղ մշակ-

ւած է, դրա համար էլ Եւրոպայում անհամեմատ աւելի քիչ վայրենի կենդանիներ կան, քան Ասիայում: Դրա փոխարէն Եւրոպան հարուստ է իր ընտանի օգտակար կենդանիներով: Եւրոպայի ազգաբնակչութիւնը երկար ժամանակի ընթացքում կարողացել է ազնուացնել ընտանիների ամենալաւ տեսակները: Այդ տեսակէտից Եւրոպայի օրինակին հետեւել է միւս մայր ցամաքներից գլխաւորապէս Ամերիկան: Վայրենի կենդանիներով աչքի են ընկնում Եւրոպայի միայն այն երկրները, որոնք շատ նոսր ազգաբնակչութիւն ունին: Սկզբում այդ վայրենի կենդանիների տեսակները և թիւը շատ մեծ է եղել Եւրոպայում, սակայն դրանք ժամանակի ընթացքում ոչնչացրել են բնակիչների շնորհիւ: Եւրոպայի վայրենի կենդանիներից մինչև այսօր մնացել են միայն գայլերը, արջերը, եղջերուի մի տեսակը, վայրի այծն և այլն: Եւրոպայի թռչունները միւս մայր ցամաքների թռչուններից թէև ընդհանրապէս մանր են, բայց աւելի լաւ են երգում: Ծովային կենդանիների թիւը բաւական մեծ է. դրանցից յայտնի են բրաձուկ, ծովացուլ, և այլն: Ընտանի կենդանիներից նշանաւոր են ձի, կով, ոչխար, այծ, խոզ և այլն:

ԵՒՐՈՊԱՅԻ ԱԶԳԱԲՆԱԿՉՈՒԹԻՒՆԸ

Եւրոպան միւս մայր ցամաքների համեմատութեամբ ամենախիտ ազգաբնակչութիւն ունեցող մայր ցամաքն է: Նա ունի մօտ 390 միլիօն բնակիչ, հետևապէս այնտեղ իւրաքանչիւր քառակուսի մղոնի վրայ ապրում են մօտ 40 հոգի: Սակայն Եւրոպայի բոլոր մասերը չունին խիտ ազգաբնակչութիւն: Հարաւ-արեւմտեան Եւրոպան հիւսիս-արևելեան Եւրոպայից աւելի խիտ ազգաբնակչութիւն ունի:

Եւրոպայի գրեթէ բոլոր ազգերը պատկանում են Մի-

ջերկրական կամ Կովկասեան (սպիտակ) ցեղին. բացառութիւն են կազմում միայն *Ֆինները* (Ֆինլանդիայում), *ունգարները* կամ *մաճառները* (Ունգարիայում, *Թիրքերը* կամ *տաճիկները* (Բալկանեան թերակղզու վրայ) և *Թաթարները* (հարաւ-արևելեան Ռուսաստանում), որոնք սլաւկանում են մանդոլեան ցեղին: Սակայն այս վերջին ցեղը ժամանակի ընթացքում խառնելով միջերկրական ցեղին պատկանող ազգերի հետ, կորցրել է իր առանձնայատուկ տիպը:

Ըստ իրանց լեզուի Եւրոպայի ազգերը բաժանւում են երեք խմբերի. *Սլաւօնական*, *Գերմանական*, և *Ռոմանական* ազգեր: Սլաւօնական ազգերը (135 միլ.) գլխաւորապէս ապրում են Եւրոպայի արևելեան մասում, որ տարածւում է մինչև Էլբա գետը և Բալկանեան թերակղզու վրայ: Սլաւօնական ազգերն էլ բաժանւում են երեք խմբերի. *արեւելեան սլաւօններ* (ռուսներ, ուկրաիներ և այլն), *հարաւային սլաւօններ* (Աւստրիայի սլաւները, խրուաթները, սերբերը, չեքոսլովակացիները, բոսնիացիք, բուլղարները և այլն) *արեւմտեան սլաւօններ* (գերմանական սլաւօնները, վենգերը, լեհացիները, չեխերը և սլօւակները):

Գերմանական ազգերը (130 միլ.) ապրում են սլաւոնական ազգերից դէպի արևմուտք մինչև Հաենոս գետը, Թիւրանդիա և Սկանդինաւեա թերակղզիների և Մեծ Բրիտանիա և Իրլանդիա կղզիների վրայ: Գերմանական ազգերը հետևեալներն են. *շվեդներ* և *նորվեգները* (Սկանդինաւիա թերակղզու վրայ), *դանիացիները* (Իւթլանդիա թերակղզու վրայ), *հոլլանդացիները* (Հոլլանդիայում), *Գերմանացիները* (Գերմանական և Բալտիկ ծովերի ափերից դէպի հարաւ մինչև Ալպեան լեռնաշղթայի այն կողմը) և *անգլիացիները* (Մեծ Բրիտանիա թերակղզու վրայ):

Ռոմանական ազգերը (115 միլ.) ապրում են Գերմանական ազգերից դէպի արևմուտք և Ալպենիեան ու Պիրինեան

Թերակղզիների վրայ: Այդ ազգերին պատկանում են լող-
թուզալացիներն և իմպայացիները (Պիրինեան թերակղզու
վրայ), իտալացիները (Ապենինեան թերակղզու վրայ), Ֆրան-
սիացիներն և վալլունները (Ալպերից դէպի արևմուտք) և
ռումինացիները (ստորին Դանուպեան հարթութեան վրայ):

Եւրոպայի գրեթէ ամբողջ ազգաբնակչութիւնը կրօնով
քրիստոնեա է: 390 միլիօն բնակիչներից քրիստոնեա չեն
միայն հռէաները (8 միլիօն), մահմեդականները (7 միլ.)
և կայմիւնները (Վոլգայի ափերին), զնշունները և ուրիշները
(2 միլ.): Քրիստոնեաներից սլաւօնական ազգերը դաւանու-
թեամբ ուղղափառ են, գերմանական ազգերը՝ բողոքական և
սոմանական ազգերը՝ կաթոլիկներ, բացի ռումինացիներից:

Եւրոպայի 26 պետութիւններից 23 միապետութիւններ են,
4-ը հանրապետութիւն, 2-ը միացեալ պետութիւններ (Աւստ-
րիա և Ունգարիա և Ռուսաստան ու Ֆինլանդիա), 3-ը սառ-
սալական պետութիւններ (Քուրդարիա, Մօնակօ և Անդօրրա):
Դրանցից Գերմանիան, Փրանսիան, Մեծ Բրիտանիան, Իտա-
լիան, Աւստրօ-Ունգարիան և Ռուսաստանը կոչուում են մեծ
պետութիւններ, իսկ մնացած պետութիւններն երկրորդական
կամ երրորդական նշանակութիւն ունին:

Եւրոպա մայր գամարը իր նստատաւօր կլիմայի, մակե-
դոնյի կազմութեան և գիրքի շնորհիւ պատմական ժամա-
նակներից ի վեր առաջին տեղն է զբաւել միւս մայր ցա-
մարների վերաբերմամբ և այդ տեղն էլ մինչև այսօր էլ պահ-
պանում է ներկայացնելով համաշխարհային պատմութեան,
աւետիքի և հաղորդակցութեան գլխաւօր կենդրոնը:



Ա. ՀԱՐԱՒԱՅԻՆ ԵՒՐՈՊԱ

ՔԱԼԿԱՆԵԱՆ ԹԵՐԱՎԿՂՁՈՒ ՊԵՏՈՒԹԻՒՆՆԵՐՆ ԵՒ ԱԶԳԵՐԸ

79-55019

Հարաւային Եւրոպա ասելով հասկանում ենք մայր ցա-
մարի հարաւային այն երեք մեծ թերակղզիները, որոնք զան-
ւում են Միջերկրական ծովի ափին: Դրանք են Բալկանեան
(Ռումինիայով), Ապենինեան և Պիրինեան թերակղզիները,
որոնց տարածութիւնը կազմում է ամբողջ մայր ցամարի տա-
րածութեան գրեթէ 1/4 մասը, իսկ ազգաբնակչութիւնը մօտ
2/6-ը: Հարաւային Եւրոպայի տարածութեան և ազգաբնակու-
թեան մէջ համաչափութիւն չկայ նրա համար, որովհետև
Պիրինեան և Բալկանեան թերակղզիները համեմատաբար ա-
ւելի նոսր ազգաբնակչութիւն ունին:

Եւրոպայի հարաւային երեք թերակղզիներից մէկն է
Բալկանեան թերակղզին, որի տարածութիւնն է 8000 քառ.
մղոն և ունի 18 միլիօն բնակիչ: Այդ թերակղզին միւս եր-
կու թերակղզիներից տարբերում է նրանով, որ շրջապա-
տող ծովով աւելի շատ է կտրատւած և աւելի շատ յարմար
ժոցեր ու նաւահանգիստներ ունի: Աշխարհիս և ոչ մի եր-
կիրը շրջապատող ծովով այնքան շատ չէ կտրատւած, ինչպէս
Բալկանեան թերակղզու հաւաւային մասը, որ կոչուում է Պել-
լոպոննէս կամ Մօրէա: Այս թերակղզու արեւելեան ափը ա-
ւելի շատ է կտրատւած, քան արևմտեանը, որ աւելի ժայ-



ուտ, ճահճային և դժբարամտոյնքի է: Դրա համար էլ թե-
րակզու արևելեան ամբողջին մի շարք յարմար նաւահան-
գիստներ:

Միջերկրական ծովի մէջ մասերը, որոնք երեք կողմից
չըջապատում են Բալկանեան թերակղզին, ձևացնում են մի
մի քանի՝ աւելի մանր թերակղզիներ, որոնցից նշանաւոր
են. Գալլիպօլի, Զայքետոնի, Մօրէա և այլն թերակղզի-
ները: Թերակղզու հարաւային մասի ավերի մօտ գտնուում
են մի շարք կղզիներ. օր. Էվբէա, Մըշիպէլագի խումբ, Կրէ-
տէ կամ Կաննիա, Յոնիական խումբ, որից յայտնի են Կոր-
ֆու, Կեֆալոնիա, Զանթէ և այլն:

Բալկանեան թերակղզու մակերեւոյթի կազմութիւնը
բազմազան է, որը երբէք նման չէ Եւրոպայի և ոչ մէկ թե-
րակղզու: Նրա վրայ գտնուող լեռնաշղթաները տարածուած
են կամ հիւսիս-արեւմուտքից դէպի հարաւ-արևելք կամ արև-
մտքից դէպի արևելք: Հաւանական է ենթադրել, որ մի ժա-
մանակ Բալկանեան թերակղզու հարաւային մասը ներկայ
Յունաստանը միացած է եղել Փոքր-Ասիա կամ Անատօլիա
թերակղզու հետ, բայց յետոյ վուկանական ոյժերի շնորհիւ
այդ երկու թերակղզիներն իրար հետ միացնող մասը խոր-
ասուզել է ջրի տակ և կազմել է այժմայ Եղէյեան ծովը:
Այս վերջին ծովի մէջ գտնուող մի շարք մեծ ու փոքր կղզի-
ները հէնց այդ խորասուզած ցամաքի մնացորդներն են:
Բալկանեան թերակղզու վրայ տարածուող լեռնաշղթաներից
նշանաւոր են Դինարեան անտառազուրկ լեռնաշղթան, Սիւ-
լեռներ կամ Ղարաղաղ, Բոսնիական և Սերբիական լեռ-
նաշղթաները, որոնց հովիտներով հոսում են Բոսնա, Դրինա
և Մորաւա գետերը, Բալկանեան լեռնաշղթան, որի ճիւղե-
րից սկիզբն են առնում Մարիցա, Ստրիմօն և Վարդար գե-
տերը: Յետոյ նշանաւոր են Օլիմպոս և Պինդոս լեռները:

Բալկանեան թերակղզու վրայ տարածուող լեռները երբէ-

րի մակերեւոյթը բաժանում են բազմաթիւ՝ միմեանցից բոլոր-
ովին անջատուած մասերի, որոնք բնակիչների հաղորդակ-
ցութիւնը միմեանց հետ յժուարացնում են: Դրա համար բը-
նական է, որ Բալկանեան թերակղզին չունի մեծ, ջրառատ
և նաւարկելի գետեր: Բացառութիւն է կազմում միայն Դա-
նուպ գետը:

Բալկանեան թերակղզու կլիման Եւրոպայի հարաւային
միւս թերակղզիներից աւելի ցուրտ է: Ըստ իր կլիմայի այդ
թերակղզին բաժանուած է հիւսիսային և հարաւային մասերի:
Հիւսիսային մասի կլիման աւելի ցուրտ և ցամաքային է,
բան հարաւային մասինը: Այնտեղ լինում է ցուրտ ձմեռ, չոր
ամառ և անձրևային աշուն: Հարաւային մասը, ընդհակա-
ռակը ունի շատ տաք ամառ և մեղմ ձմեռ:

Բալկանեան թերակղզու ջոյսերից նշանաւոր են. կաղ-
նի, փեկոնի, խցանակաղնի, մրտենի, նոճի, դափնի և այլն
ծառերը. հացահատիկներից նշանաւոր է ցորեն, եգիպտացորեն,
ծառերից՝ խնձորենի, տանձենի, կեռասենի, դեղձ, նարինջ,
խաղող, ձիթապտուղ, լիմոն, ֆիւնիկեան արմաւենի և այլն:

Բալկանեան թերակղզու ազգաբնակչութիւնը բազմազան
է: Այդ ազգաբնակչութիւնը բաղկացած է դանազան ժողո-
վրաներից, որոնցից ոմանք Եւրոպայի նախնական բնակիչ-
ներն են, ոմանք էլ մեզանից մի քանի դար առաջ են գաղթել
այդ թերակղզին: Ազգաբնակչութեան գլխաւոր տարրը սլաւո-
կանում է սլաւոնական ցեղին՝ որից նշանաւոր են սերբերը
(ապրում են թերակղզու հիւսիս-արեւմտեան մասում), ռու-
ղարները (Բալկանի երկու կողմերում), ուումինացիները (Դա-
նուպի հարթութեան վրայ՝ բուլղարներից դէպի հիւսիս),
յոյները (բուլղարներից և սերբերից դէպի հարաւ, Եղէյեան
ծովի ավերում և կղզիների վրայ), ալբանացիները (թերակղ-
զու ամենահին ժողովուրդը: որոնք նոյնպէս բուլղարներից
և սերբերից դէպի հարաւ են ապրում) թիրքերը կամ տա-

Ճիւղները (որոնք ապրում են թերակղզու զանազան մասերում, գլխաւորապէս Ռումելիայի և Բուլղարիայի քաղաքներում)։ Բացի վերոյիշեալ ազգերից Բալկանեան թերակղզու վրայ ապրում են նաև բաւականաչափ հայեր, թաթարներ, զնչուներ, հրէաներ, չերքէզներ և այլն։ Բալկանեան թերակղզու աղգարնակութեան մեծ մասը կրօնով քրիստոնեայ է, իսկ փոքր մասը մահմեդական (թիւրքերը, թաթարները, ալբանացիները, չերքէզները և այլն)։

Բալկանեան թերակղզու ժողովրդների վրայ երկար ժամանակ ծանրացել էր թիւրքական լուծը։ 15-րդ դարում թիւրքերը նուաճեցին Բալկանեան թերակղզին և վերոյիշեալ ժողովրդներին ձգեցին իրանց տիրապետութեան ներքոյ։ Սակայն 19-րդ դարի ընթացքում թերակղզու ժողովրդներից շատերը կռիւ մղելով տաճիկների դէմ, քաղաքական անկախութիւն ստացան և հիմնեցին իրանց համար անկախ ու ինքնուրոյն պետութիւններ։ Թիւրքերը թերակղզու վրայ իրանց զօրութեան և փառքի գազաթնակէտին էին հասել Սուլէյման (1520—1566) սուլթանի ժամանակ, երբ թիւրքերին հպատակում էր ոչ միայն Բալկանեան թերակղզու մեծ մասը, այլ և Ունգարիան, Ռումինիան և Սև ծովի ափային մի քանի երկրները։ 17-րդ դարում թիւրքերը հետզհետէ զրկում են իրանց նուաճած երկրներից, որ և շարունակում է մինչև այսօր։ Ամենից առաջ թիւրքերը ըջեցին Ունգարիայից, յետոյ՝ ռուսները նուաճեցին Քօնի գետաբերանից մինչև Պրուզ հասնող երկիրը։ 19-րդ դարու առաջին կիսում յոյները քաղաքական անկախութիւն ստացան։ Ռուս-Տաճկական պատերազմից (1877—78) յետոյ թիւրքերը կորցրին Ռումինիան, Սերբիան և Ղաթաղաղը, Բուլղարիան վասսալական պետութիւն դարձաւ Բոսնիան և Հերցոգովինան ընկան աւստրիական կառավարութեան ներքոյ, իսկ Պրեսէ կամ Կանդիա կղզին էլ 1898 թւին ինքնավար երկիր դարձաւ։

Ներկայումս Բալկանեան թերակղզին բաղկացած է հետեւեալ պետութիւններից. Ռումինիայի թագաւորութիւն, Չերնոսօզորիայի իշխանութիւն, Յունաստանի թագաւորութիւն, Բուլղարիայի վասսալական իշխանութիւն, Թիւրքիայի եւրօպական մասը, և Սերբիայի թագաւորութիւն։

ՌՈՒՄԻՆԻԱՅԻ ԹԱԳԱՆՈՐՈՒԹԻՒՆ

Ռումինիայի թագաւորութիւնը, որի տարածութիւնը 2400 քառ. մղոն է, գտնւում է Բալկանեան թերակղզու հիւսիս-արեւելեան կողմում։ Ռումինիան, որ ամբողջապէս սուղւում է Դանուպ գետով և նրա մի քանի վտակներով, բաղկացած է երեք գլխաւոր մասերից՝ Մոլդաւիա, Վալախիա և Դոբրուչա։ Մոլդաւիան կազմում է Ռումինիայի հիւսիսային մասը և գտնւում է Տրանսիլվանիայի սարահարթի արեւելեան կողմում մինչև Պրուզ գետը։ Վալախիան Ռումինիայի հարաւային մասն է կազմում և բռնում է ստորին—Դանուպեան հարթութիւնը մինչև Դանուպ գետը, իսկ Դօբրուչան կազմում է Ռումինիայի հարաւ-արեւելեան մասը և հասնում է մինչև Սև կամ Պօնտական ծովը։

Ռումինիայի մակերևոյթի կազմութիւնը այնքան էլ լեռնոտ չէ, ինչպէս Բալկանեան թերակղզու միւս երկրները։ Եղած լեռները ծածկւած են անտառներով, որոնք ազգաբնակչութեան մեծամեծ օգուտներ են տալիս։ Նրա կլիման ցամաքային է, ունի տաք ամառ և դաժան ձմեռ։ Ռումինիայի տարածութեան 1/3 մասը շատ պտղաբեր է և խնամքով մշակւում է, տալով բաւականաչափ ցորեն և ուրիշ հացահատիկներ, որոնք արտահանւում են նաև ուրիշ երկրներ։ Ցայտնի են նաև ռումինական գինին, ծխախոտը, ոչխարները, ալժերը և հանքային հարստութիւնները (նաւթ, աղ և այլն)։

Երկրի արդիւնագործութիւնը բաւական զարգացած չէ։ Գործարանական ապրանքների մեծ մասը ներմուծում է Եւրոպայի մի քանի երկրներից, որոնց փոխարէն հում նիւթեր են արտահանում։ Ռուսիայի վաճառականութիւնն էլ այնքան նախանձելի չէ, որովհետեւ հալորդակցութեան համար յարմար ճանապարհներ չկան։

Ռուսիայի գլխաւոր բնակիչները ռուսացիները կամ վալախներն են, որոնք պատկանում են ռոմանական ցեղին և ուղղափառ դաւանութեան։ Բացի նրանցից այնտեղ ապրում են հրէաներ (250 000), հայեր, յոյներ, բուլղարներ, գնչուներ և այլն։ Ռուսիայի ազգաբնակչութիւնը (6 միլիոն) գլխաւորապէս պարապում է հողագործութեամբ և անասնապահութեամբ։ 1881-թւից ի վեր Ռուսիան սահմանադրական մի թագաւորութիւն է։ Թագաւորի իրաւունքները սահմանափակում են սենատը և պատգամաւորական ժողովը։

Ռուսիայի քաղաքներից նշանաւոր են, *Ռուսարէստ*, տէրութեան մայրաքաղաքը և թագաւորի աթոռանիստը։ Ունի 206,000 բնակիչ և համալսարան։ *Գալչաց* և *Բրախլով* առևտրական նշանաւոր քաղաքներ են։ *Նասսի*, որի բնակիչների գրեթէ կէսը հրէաներ են։ Հրէաների դրութիւնը բնութանրապէս աննախանձելի է Ռուսիայում։

ՉԵՐՆՈՒՊՈՐՏԻԱՅԻ ԻՉԽԱՆՈՒԹԻՒՆ

Չերնոգորիայի տարածութիւնն է 160 քառ. մղոն, որի վրայ ապրում են մօտ 260,000 բնակիչ։ Այս երկիրը մի լեռնոտ և գծուարամտչելի տարածութիւն է ներկայացնում, որի պատերազմասէր բնակիչները յայտնի են թիւրքերի կամ տաճիկների դէմ մղած մի քանի պատերազմներով։ Չեր-

նոգորիան կրում է նաև հետեւալ անունները. *Սև-Լեռնաստան*, *Ղարադագ* կամ *Մօնտենեգրօ*։

Երկիրը հողագործութեան համար շատ աննպաստ է. դրա համար էլ նրա բնակիչները գլխաւորապէս պարապում են անասնապահութեամբ և մեղուաբուծութեամբ։ Չերնոգորիացիները պատկանում են սլաւօնական ցեղին, դաւանութեամբ ուղղափառներ են և սերբերին ցեղակից։

Իշխանութեան մայրաքաղաքն է *Յետինէ*, իսկ նշանաւոր ճաւահանգիստը *Անտիվարի*։

ՅՈՒՆԱՍՏԱՆԻ ԹԱԳԱՒՈՐՈՒԹԻՒՆ

Յունաստանը բնում է Բալկանեան թերակղզու ամենահարաւային և ամենատաք մասը, որի ափերն ամենից շատ են կտրատւած շրջապատող ծովերով։ Նրա տարածութիւնն է 910 քառ. մղոն, որի վրայ ապրում են մօտ 2¹/₂ միլիոն բնակիչ։ Յունաստանի սահմաններն են հիւսիսային կողմից Մակեդոնիան, հիւսիս-արևմտեան կողմից Սլոանիան (հին Էպիրոսը, իսկ միւս կողմերով շրջապատւած է Յունիական և Արշիպելագի ծովերով։ Յունաստանին են պատկանում նաև հետեւալ կղզիները. *Էվբէա* կամ *Նեգրօպօնտ*, *Կորֆու*, *Կեֆալոնիա*, *Չանթէ*, *Յիկլաթիան* և *Սպարտոիան* կղզիների մի մասը։ Յունաստանը բնդհանրապէս մի լեռնոտ երկիր է, որի լեռները մեծ մասամբ ծածկւած են անտառներով։ Նրա տարածութեան մեծ մասը նպաստաւոր չէ հողագործութեան համար և տեղական հացահատիկները բաւականութիւն չեն տալիս բնակիչներին։ Յունաստանը օտար երկրներից ներմուծում է հացահատիկներ, քարածուխ, կաշուեղէն, անասուններ և այլն, իսկ արտահանում է դէպի օտար երկրներ գինի, ծխախոտ, թուղ, մետաքներ և ձիթապտուղ։

Յունաստանի բնակիչները պարապում են հողագործութեամբ, առևտրով, արհեստներով, անասնապահութեամբ և մետաքսագործութեամբ: Յունական ծովեզերքի բնակիչները պարապում են նաւաշինութեամբ և ձկնորսութեամբ: Սակայն ամենից շատ աչքի են ընկնում յոյները իբրև վաճառական ժողովուրդ, որին շատ է նպաստում նրանց հայրենիքի աշխարհագրական դիրքը: Յունաստանի ամենանշանաւոր առևտրական նաւահանգիստները գտնւում են նրա արևելեան ափում, որն իբրև շատ և յարմար կտրատւած ցամաք, աշխարհիս առաջինն է:

Յունաստանի ներկայ բնակիչները համարւում են հնադարեան քաղաքակրթւած և կլասիկ յոյների սերունդը, որը մինչև այսօր կարողացել է պահպանել իր հռչակաւոր նախնիքների կուլտուրական ստեղծագործութեան միայն բազմազան յիշատակարանները: Յունաստանը հին դարերում իր քաղաքական անկախութիւնը կորցնելուց յետոյ ընկաւ սկզբում Մակեդոնիայի և յետոյ Հռոմի իշխանութեան տակ: Յոյների դրութիւնը աւելի անտանելի դարձաւ այն ժամանակ, երբ նրանց վրայ ծանրացաւ թիւրքերի կամ օսմանցիների լուծը, որից ազատեցին միայն 19-րդ դարի երրորդ տասնամեակում և կազմեցին իրանց անկախ պետութիւնը:

Յունաստանը սահմանագրական միապետութիւն է, որի ներկայ Գէորգ թագաւորը դանիական թագաւորական տանիցն է: Յունական պետութիւնը 1897 թւից ի վեր ունի լաւ կազմակերպւած զօրք և պատերազմական նաւատորմ: Վարչական տեսակէտից Յունաստանը բաժանւում է 14 մասերի, սակայն նա իր դիրքով և մակերևոյթի կազմութեամբ բաժանւում է հետևեալ մասերի, Հիւսիսային, Միջին և Հարաւային Յունաստան:

Հիւսիսային Յունաստանի գլխաւոր մասը կազմում է պտղաւէտ Թեսսալիան, որի գլխաւոր քաղաքն է *Լարիսսա*:

Միջին Յունաստանում կամ Լիվադիայումն (հին Հելլադան) է գտնւում երկրի մայրաքաղաք և թագաւորի աթոռանիստ Աթէնքը: Այս քաղաքը գիտնական տեսակէտից աշխարհիս ամենահետաքրքիր քաղաքներից մէկն է կազմում, որովհետև իր մէջ և շրջակայքում ամփոփում է հին յունական քաղաքակրթութեան բազմատեսակ յիշատակարանները: Աթէնքն ունի 100,000 բնակիչ և համալսարան: Աթէնքի նաւահանհիստն է Պիրէյ, որ երկրի առևտրի նշանաւոր կենդրոնն է: Հարաւային Յունաստանում կամ Մօրէայում (հին Պելլոպոննէս) նշանաւոր է Պատրաա նշանաւոր նաւահանգիստ-քաղաքը, որ երկաթուղիով միացած է Աթէնքի հետ: Այդ քաղաքի բնակիչները պարապում են ձէթի, մետաքսի և անասունների առևտրով: Յունաստանի հարաւային մասերումն է գտնւում և հնադարեան Սպարտա քաղաքը, որ այժմ բաւական աննշան է:

Յունաստանին պատկանող կղզիների վրա նշանաւոր քաղաքների թիւը քիչ է: Նշանաւոր է *Կորֆու*, որ գտնւում է համանուն կղզու վրայ, ունի համալսարան և նշանաւոր նաւահանգիստ: Երկրորդ յայտնի քաղաքն է *Յերմուպոլիս* (Յերմէսի քաղաք), որ գտնւում է Արչիպելագի մանր կղզիներից մէկի վրայ և առևտրական քաղաք է:

Թէ իսկական Յունաստանում և թէ նրան պատկանող կղզիների վրայ ապրում են և բաւականաչափ հայեր, որոնք մեծ մասամբ գաղթել են այնտեղ Թիւրքիայի հայաբնակեզանաղան նահանգներից:

ՌՈՒԼՂԱՐԻԱՅԻ ԻՂԽԱՆՈՒԹԻՒՆ

Ռուղարիայի վաստակական իշխանութիւնը գտնւում է Ռուսիայի, Սերբիայի և երոպական Թիւրքիայի մէջ: Նրա ամբողջ տարածութիւնը 1160 քառ. մղոն է, որի վրայ ապ---

գում է 3³,₄ միլիոն բնակիչ։ Չնայելով որ Բուլղարիան շատ քարոքեր հոյ ունի, սակայն միայն նրա մի չնչին մասն է մշակուճմ։ Ջանասէր և աշխատասէր բուլղարները աւելի հակ-ւած են դէպի արհեստները և գրանցող են մեծ մասամբ ի-քանց գոյութիւնը պաշտպանում։ Բուլղարիայի իշխանութիւնը հիմնւեց 1878 թւին՝ ռուս-տաճկական վերջին պատերազմից յետոյ։ Բուլղարիայի ազգաբնակչութեան տիրոգ մասը կազ-մում են բուլղարները, որոնք պատկանում են ուղղափառ դա-ւանութեան և կառավարում են մի իշխանով, որ ճանաչում է Թուրքիայի սուլթանի գերիշխանութիւնը։ Բացի տիրապե-տող բնակիչներից, Բուլղարիայում ապրում են նաև բաւալա-նաչափ հայեր, որոնք նրա դանագամ քաղաքներում ունին իրանց սեպհական թաղերը, եկեղեցիները, դպրոցները, բա-րեգործական հիմնարկութիւնները և այլն։ Բուլղարիայի բը-նակիչների մեծ մասը պարապում է արհեստներով և անաս-նապահութեամբ։

Բուլղարիայի իշխանութեան մայրաքաղաքն և աթոռա-նիստը Սօֆիան է, որ ունի համալսարան։ Առևտրական քա-ղաքներից նշանաւոր են Վառնա, Ռուսչուք, և Տըրնօվօ, իսկ քերդաքաղաքներից՝ Շումլա։

Բուլղարիայի հարաւային մասը կոչւում է Արեւելեան Ռումելիա, որ Բերլինի կոնգրէսի որոշման համեմատ պէտք է կանաւարւէր մի առանձին քրիստոնիայ նահանգապետով, սակայն այդ իշխանութիւնը այժմ իրականացէս պատկանում է Բուլղարիայի իշխանին։ Այդ մասի գլխաւոր բնակիչները կազմում են բուլղարները և թիւրքերը։ Գլխաւոր քաղաք-ներն են Փիլիպպոպօլ՝ Մարիցա գետի ափին և Կազանլըզ, որի բնակիչները պարապում են իւրի առևտրով։ Վարդաշատ լիներու պատճառով Կազանլըզ քաղաքը կոչւում է Բալկան-եան թերակղզու Քիւլիստանը. նշանաւոր է նաև Բուրգաս-նաւահանգիտը։

ՍԵՐՔԻԱՅԻ ԹՍԿԱՆՈՐՈՒԹԻՒՆ

Սերբիայի թագաւորութիւնը գտնւում է Դանուպ գետի, Բուլղարիայի և Բոսնիայի մէջ։ Նրա ամբողջ տարածութիւնն է 900 քառ. մղոն, որի վրայ ապրում են մօտ 2¹/₂ միլիոն բնակիչ։ Սերբիան ներկայացնում է մի լեռնոտ, բայց և միևնոյն ժա-մանակ պտղաբեր երկիր, որ գլխաւորապէս ոռոգւում է Մօ-րնավ գետով։ Նրա ոչ այնքան բարձր լեռները մեծ մասամբ ծածկւած են անտառներով, որոնց արանքներում գտնւում են ընդարձակ արօտատեղիներ։ Սերբիայի լեռները բաւական հարուստ են հանքերով, որոնք բնակիչների կողմից ցանկա-յի կերպով չեն շահագործւում։ Սերբիայի ազգաբնակչութեան գլխաւոր տարրը կազմում են սերբերը, որոնք պատկանում են ուլաճիական ցեղին և ուղղափառ դաւանութեան։ Բնա-կիչները պարապում են հողագործութեամբ, անասնապահու-թեամբ և վաճառականութեամբ։ Արտաքին առևտուրը բա-ւական զարգացած է։ Արտահանում են հացահատիկներ, իւ-ղեր, կաշուեղէններ, գինի և ներմուծում են գործարանական ապրանքներ օտար երկրներից։

Սերբերը 15-րդ դարի կիսին ընկան թիւրքերի տիրա-պետութեան ներքոյ և քաղաքական անկախութիւն ձեռք բերին միայն 1815 թւին, չնայելով որ այդ անկախութիւնը սահմանափակ էր։ Նրանք իսկական անկախութիւն ստացան 1877 թւին, երբ Ռուսների հետ միասին կււեցին թիւրքե-րի դէմ։ Այդ թւականին ընդարձակեց Սերբիայի սահմանը հարաւային կողմից։ Ներկայումս Սերբիան ներկայացնում է սահմանադրական միապետութիւն և ունի Ժողովրդական ներկայացուցչութիւն, Սկուպշինա անունով։

Սերբիայի թագաւորութեան մայրաքաղաքն և աէրու-

Թեան աթոռանիստն է *Բելգրադ*, որ գտնուում է Դանուբ գետի ափին և ունի բաւական գործարաններ: Միւս բաղարներից նշանաւոր է *Նիշ*:

ԵՒՐՈՊԱԿԱՆ ԹԻԻՐՔԻԱ

Եւրոպական Թիւրքիան կամ Տաճկաստանը, որի տարածութիւնն է 4000 քառ. մղոն, գտնուում է Բալկանեան լեռնաշղթա միջին մասում՝ Բուլղարիայի, Յունաստանի, Չերնոգորիայի, Աւստրիայի և Սերբիայի մէջ: Նրան է պատկանում նաև Եւրոպայի *Սամոթրակիա*, *Տաօ*, *Ստալիմնա* և *Կրետէ* կամ Կանդիա կղզին, որ ունի իր առանձին կառավարութիւնը: Եւրոպական Թիւրքիան ասիական և ափրիկական կալուածների հետ միասին բռնում է 80,000 քառ. մղոն տարածութիւն, որի վրայ ապրում են ընդամենը մօտ 25 միլիօն բնակիչ:

Եւրոպական Թիւրքիայի մակերևոյթի կազմութիւնը մեծ մասամբ լեւնոտ է: Նա թէև արգաւանդ հող ունի, սակայն այդ երկրի միայն մի շնչին մասն է մշակում, իսկ մեծ մասը արօտատեղիներ են, որոնց բնակիչները պարապում են անասնապահութեամբ: Բայց Եւրոպական Թիւրքիայի բնակիչների մեծ մասը պարապում է վաճառականութեամբ, արհեստներով և զորագործութեամբ: Վաճառականութիւնը գլխաւորապէս գտնուում է յոյների և հայերի ձեռքին: Չնայելով որ Եւրոպական Թիւրքիան իր բնութեամբ Եւրոպայի ամենահարուստ երկրներից մէկն է, սակայն այդտեղի թիւրք տիրապետող բնակիչները չեն կարողանում այդ երկրի բնական հարստութիւնները ցանկալի կերպով մշակել և բարեկեցիկ կեանք վարել, շնորհիւ իրանց ծուլութեան, սղիտութեան և կառավարութեան ճշտմաների:

Պաշտօնավայրերի բնակիչները գլխաւորապէս պարապում են հողագործութեամբ: Եւրոպական Թիւրքիայի ազգաբնակչութիւնը բաղկացած է բազմազան տարրերից՝ թիւրքերից, յոյներից, հայերից, սերբերից, բուլղարներից, ռուսներից, հրէաներից, շերքեղներից, զնշուներից և այլն: Եւրոպական Թիւրքիայի հայերի թիւը, ըստ *Է. Է. Է. Է.* հասնում է 186,000-ի:

Եւրոպական Թիւրքիայի գործարանական արդիւնաբերութիւնը բոլորովին զարգացած չէ. պատրաստում են միայն գորգեր, կաշուեղէններ, վարդի իւզ և այլն: Օտար երկրներ արտահանուող ապրանքներից նշանաւոր են. մետաքս, բամբակ, բուրդ, օֆիում և այլն, իսկ ներմուծուողներից՝ կտաւեղէններ, շաքար, հացահատիկներ, նաւթ և այլն: Եւրոպական Թիւրքիայի գործարանական արդիւնագործութիւնը քիչ արդիւն է տալիս. դրա համար էլ գործարանական ապրանքների մեծ մասը ներմուծուում են Թիւրքիա Փրանսիայից, Գերմանիայից, Անգլիայից և Եւրոպական ուրիշ երկրներից: Թիւրքերի մէջ բաւական զարգացած է կաշեգործութիւնը, գորգագործութիւնը, մետաքսագործութիւնը և մեղուաբուծութիւնը: Երկրի ներքին նահանգների առևտուրը գլխաւորապէս կենտրոնացած է հրէաների, յոյների և հայերի, իսկ արտաքինը Փրանսիացիների, գերմանացիների և անգլիացիների ձեռքում:

Թիւրքիան կամ Տաճկաստանը բաղկացած է հետեւեալ գլխաւոր երկրներից 1) *Ասիական Թիւրքիա*, որի մէջ մտնում են Փոքր Ասիա, Ասորիք, Միջագետք, Թիւրքա-Հայաստան և արևմտեան Արարիա, 2) *Տրիպոլիս*, *Բարկա*, *Ֆէյցհան* և *Եգիպտոս Աֆրիկայում* և 3) Եւրոպական Թիւրքիա, որի մէջ մտնում է Բալկանեան լեռնաշղթայի Թիւրքիային պատկանող մասը:

Թիւրքիայի կառավարութեան եղանակը բացարձակ բռնակալական միապետութիւն է: Միապետը կոչուում է *սուլթան*

կամ *փաթեշահ*, որի անմիջական օգնականը պետութեան մեծ վեզիրն է: Վերջինիս ստորագրում են թիւրքական բոլոր մինիստրները: Երկրի հոգևոր գործերի ղեկավարութիւնը գտնուում է Աէյս-իւլ-իսլամի ձեռքում: Տէրութեան բարձր աստիճանաւորները կրում են «*փաշա*» տիտղոսը:

Եւրոպական թիւրքիայի բնակիչները պատկանում են մասնագական կրօնի *սիւնի* դաւանութեան: Թիւրքիան յարմար և հեշտ կերպով կառավարելու համար բաժանուած է վիլայէթների կամ գեներալ նահանգապետութիւնների, որոնցից մի քանիսը Եւրոպական թիւրքիայում կրում են իրանց հին պատմական անունները:

Եւրոպական թիւրքիան բաղկացած է հետեւեալ գլխաւոր մասերից.

ա.) *Հարաւային Թրակիա*, որ Եւրոպական թիւրքիայի ամենահարուստ և բազմամարդ նահանգն է: Գլխաւոր քաղաքն է *Կ. Պօլիս* կամ Ստամբուլ, որ գտնուում է մի եռանկիւնաձև թերակղզու վրայ՝ Բոսֆորի նեղուցի մուտքի մօտ: Այս քաղաքը իր դիրքի շնորհիւ առևտրական տեսակէտից կարևոր նշանակութիւն ունի: Կ. Պօլիսը ամբողջ թիւրքիայի մայրաքաղաքն է, որտեղ նստում է սուլթանը: Այս քաղաքը համարում է թիւրքա-հայերի քաղաքական, մտաւոր և հոգևոր կենտրոնը: Քաղաքն ունի 1,100,000 բնակիչ, որոնցից 150000 — հայեր են: Կ. Պօլսումն է նստում թիւրքա-հայերի պատրիարքը, որ հայերի ներկայացուցիչն է համարում թիւրքաց կառավարութեան առաջ: Կ. Պօլիս քաղաքումն են գտնուում թիւրքա-հայկական նշանաւոր դպրոցները, բարեգործական մի քանի հիմնարկութիւնները, և այնտեղ են լոյս տեսնում մի քանի հայկական լրագրներ: Մինչև 15-րդ դարուկէսը Կ. Պօլիսը կազմում էր Բիւզանդական կայսերութեան մայրաքաղաքը, որի պատմական յիշատակարաններից նշանաւոր է Սօֆիա եկեղեցին (այժմ Այիա-Սօֆիա մզկիթը): Կ. Պօլսի

անենանշանաւոր շինութիւններից յայտնի է Սերայը, որտեղ ապրում է պետութեան միտպետ սուլթանը: Երկրորդ քաղաքն է Ազրիանօպօլիս, որ յայտնի է իր վարդի իւզով, գորգերով և մետաքսի գործուածքներով: Իբրև առևտրական և ամուր նաւահանգիստ նշանաւոր է է *Գալլիպօլի*, որտեղ կանգնում է թիւրքիական նաւատորմը:

բ.) *Ալքանիա*, որ մի լեռնոտ և դժուարամատչելի երկիր է: Եւրոպական թիւրքիայի այս մասի գլխաւոր բնակիչները կազմում են ալբանացիները, որոնք սկզբում ապրում էին հիւսիսային Ալբանիայի լեռներում, բայց 15-րդ դարում նուաճեցին թիւրքերից, որոնք մասնագական դարձրին նրանց: Նրանց փոքրամասնութիւնը մինչև այսօր էլ քրիստոնեայ է մնացել և գլխաւորապէս պատկանում է կաթօլիկ դաւանութեան: Ալբանացիները նահապետական կեանք են վարում և մեծ մասամբ պարապում են անասնապահութեամբ: Երկրի գլխաւոր քաղաքներն են *Եանինա* և *Սկիւտարի*:

գ.) *Մակեդոնիա*, որ կազմում է Եւրոպական թիւրքիայի երրորդ մասը և յայտնի է նաև *արեւմտեան Ռումելիա* անունով: Գլխաւոր քաղաքն է *Սալօնիկ*, որ Կ. Պօլսից յետոյ թիւրքիայի երկրորդ նշանաւոր նաւահանգիստն է և առևտրի նշանաւոր կենտրոնը:

դ.) *Բոսնիա* և *Հերցոգօվինա*, որոնք միացած են Աւստրո-Ունգարիայի հետ: Թիւրքիայի սուլթանի գերիշխանութիւնը այդ երկրի վրայ անուանական է: Գլխաւոր բնակիչները կազմում են *բոսնիացիները*, որոնք սերբիական ծագում ունին: Բնակիչների մի մասը մասնագական է, իսկ միւս մասը ուղղափառ և կաթօլիկ: Այդ երկու երկրներում ապրում են մօտ 1½ միլիօն բնակիչ: Գլխաւոր քաղաքներն են *Սարաեւօ* և *Մօստար*:

Քերլինի դաշնագրութիւնից յետոյ (1878 թ.) այդ երկու երկրներն ընկել են Աւստրո-Ունգարիայի ձեռքը և նա է

կառավարում: Այդ երկրները թիւրքական տիրապետութեան ներքոյ անտանելի դրութեան մէջ էին գտնուում, իսկ այժմ, 1878 թիւից ի վեր դրանք Աւստրո-Ռուսացարիայի կայսերութեան շնորհիւ ծաղկել և յառաջագիւմել են:

ԱՊԵՆԻՆԵԱՆ ԹԵՐԱԿՂԶԻ

Ապենինեան թերակղզին, որ երկար կօշիկի ձևով մըտնում է Միջերկրական ծովը, Եւրոպայի հարաւային երեք մեծ թերակղզիներից մէկն է: Հիւսիսային կողմից նրա սահմանը կազմում է Ալպեան լեռնաշղթան, իսկ միւս երեք կողմերից ուղղում է Միջերկրական ծովով: Այդ թերակղզու տարածութիւնը (Իտալիային պատկանող կղզիների հետ միասին) 6000 քառ. մղոն է, որի վրայ ապրում են մօտ 32 միլիօն բնակիչ: Ապենինեան թերակղզին բաժանւում է էսկանապէս երկու միմեանցից տարբեր մասերի՝ հիւսիսային ցամաքային մաս կամ Լոմբարդիայի հարթութիւն և հարաւային մաս կամ իսկական թերակղզին: Թերակղզու երկրորդ մասն էլ իր կողմից հարաւային կողմում բաժանւում է *Կալաբրիա* և *Աբուլիա* մանր թերակղզիների, որոնք միմեանցից անջատւած են Տարենթօնի ծոցով:

Ապենինեան թերակղզու բոլոր ավերը հաւասարաչափ չեն կտրատւած: Այդ տեսակէտից աւելի աչքի է ընկնում թերակղզու արևմտեան ավրը, որ աւելի հարուստ է ծոցերով և յայտնի նաւահանգիստներով: Սակայն հակառակ պատկեր է ներկայացնում թերակղզու արևելեան ավրը, որ վերոյիշեալ տեսակէտից շատ աղքատ է: Իրա համար էլ Ապենինեան թերակղզու արևմտեան ավումն են գտնուում ամենաշատ կղզիները, որոնցից նշանաւոր են Կօրսիկա, Սարդինիա, Սիցիլիա, Լիբարեան խումբ և այլն:

Մակերևոյթի կազմութեամբ Ապենինեան թերակղզու երկու մասերը միմեանցից զգալի կերպով տարբերւում են: Հիւսիսային մասի միջին տարածութիւնը կազմում է Լոմբարդական հարթութիւնը, որ ուղղում է էջ և Պօ կամ Պատուս գետերով ու նրանց վտակներով և գտնւում է Ալպեան և Ապենինեան լեռնաշղթաների միջև: Այդ գետերն և վտակները Լոմբարդիայի հարթութեան վրայ գոյացրել են մի քանի լճեր, որոնք շատ նկարչական տեսք ունին և շրջապատուած են կանաչ բլուրներով և ցածր սարերով: Երբ հարթութեան վրայ գտնուող լեռների ձիւնը հալւում է, վերոյիշեալ գետերը յորգանում, դուրս են գալիս իրանց ավերից և ուղղում են այդ հարթութիւնը: Իրա առաջն առնելու համար շինուած են բազմաթիւ ջրանցքներ, որոնցով գետերի ջրերը հոսում են զանազան ուղղութեամբ: Իր նպաստաւոր ուղղման շնորհիւ Լոմբարդիայի հարթութիւնը ամբողջ Եւրոպայի ամենաբերրի երկիրներից մէկն է համարւում: Կանոնաւոր մշակուում է երկրի հողը, որ առատօրէն հացահատիկներ է տալիս, օր՝ ցորեն, բրինձ, եգիպտացորեն և այլն: Առատ է նաև պտղատու ծառերի (չազանակի, թզենի, տանձենի) թիւը: Լոմբարդիայի հարթութեան մի քանի մասերը, որոնք Ալպեան լեռնաշղթայով պաշտպանուած են հիւսիսային ցուրտ քամիների ազդեցութիւնից, տալիս են բաւականաչափ նարինջ, լիմոն և այլն:

Ռոլորովին տարբեր մակերևոյթի կազմութիւն, կլիմա և ուղղում ունի իսկական Ապենինեան թերակղզին, որ գտնւում է Լոմբարդիայի հարթութիւնից դէպի հարաւ և որի վրայով տարածւում է Ապենինեան լեռնաշղթան: Թերակղզին չորս անգամ աւելի երկար է լայնութիւնից: Ապենինեան լեռնաշղթան աւելի մօտ է Ադրիատիքական ծովին. դրա համար էլ արևելեան մասում գետեր գրեթէ չկան, եթէ չհաշուենք նրա մանր վտակները, իսկ թերակղզու արևմտեան

մասում՝ ընդհակառակը: Այդ գետերից նշանաւոր են Արնօ և Տիրբեր, որոնք սակաւաջուր են, որովհետև ձիւնապատ լեռներից շեն բոլորում: Ապենինեան թերակղզու ամբողջ երկաթուղեամբ տարածուած է համանուն լեռնաշղթան, որ հրաբրդխային ծագում ունի. ապացոյց՝ Վեգուվի հրաբուլխը, որ նրա մասերից մէկն է՝ կաղմում: Բացի դրանից լեռնաշղթայի արևմտեան և հարաւարևմտեան կողմերում կան մի շարք գործող և հանգած հրաբուլխներ, որոնցից նշանաւոր են Ստրոմպօլի, Լիպարի և Վուլկանօ (Լիպարեան կղզիների վրայ):

Ապենինեան թերակղզու կլիման ընդհանրապէս տաք է, որովհետև Ալպեան և Ապենինեան լեռնաշղթաները թերակղզին պաշտպանում են ցուրտ հոգմերի ազդեցութիւնից: Ձմեռը ձիւն է գալիս, սր և խկոյն սառչում է. իսկ թերակղզու հարաւային մասում ձիւն լինում է միայն լեռների վրայ. այնտեղ եղանակը շատ տաքանում է մանաւանդ այն ժամանակ, երբ Աֆրիկայից՝ փչում է «չիբօկիօ» տաք քամին:

Թերակղզու բուսականութիւնը բաւական ճոխ է. հացահատիկներից նշանաւոր են ցորենը, ջրինձը և դարին, իսկ պտղատու ծառերից նարինջի, լիմոնի, խաղողի, նոնի, ձիթապտղի, գափնի, խցակաղնի, կակտուսի, արմաւի և ուրիշ ծառերը:

Ապենինեան թերակղզու և նրան պատկանող կղզիների (առանց Կօրսիկայի) վրայ գտնւում է Իտալիայի թագաւորութիւնը և: Սան-Մարինօ փոքրիկ հանրապետութիւնը:

ԻՏԱԼԻԱՅԻ ԹԱԳԱՌՈՐՈՒԹԻՒՆ

Իտալիայի թագաւորութեան սահմանները կազմում են Աւստրօ-Ունգարիան, Զուիցերեան, Փրանսիան և Միջերկրական ծովը: Նրա ազգաբնակչութեան գլխաւոր տարրը բաղ-

կացած է իտալացիներից, որոնք պատկանում են բոմանական ցեղին և դաւանութեամբ կաթոլիկ են: Ազգաբնակչութեան խտութեան կողմից Իտալիայի թագաւորութիւնը միջին տեղն է բռնում: Ամենախիտ ազգաբնակչութիւն ունին Կալաբրիան և Լոմբարդիայի հարթութիւնը:

Ուսումը ընդհանուր և պարտադիր չէ Իտալիայում: Նրա ազգաբնակչութեան գրեթէ կէսը անգրագէտ է: Ունի 21 հաւանաւարան և դանազան բարձրագոյն ու միջնակարգ դպրոցներ: Իտալիայի համալսարաններից մի քանիսը շատ հին են և միջին-դարերում կրթական մեծ դեր են կատարել Եւրոպայի ազգաբնակչութեան համար, օր. Բօլօնիայի և Սալերնօյի համալսարանները: Իտալիայի համալսարանները ամեն տարի ահագին թւով ուսանողներ են գրաւում օտար երկիրներից, որոնց ուսանողների մեծ մասը պարապում է մի քանի վեդարուեստների (եկարչութիւն, երաժշտութիւն և այլն) ուսումնասիրութեամբ:

Իտալիայի բնակիչները գլխաւորապէս պարապում են հողագործութեամբ, անասնապահութեամբ, ձկնորսութեամբ, հանքագործութեամբ և աւելորով: Իտալիայի ամբողջ տարածութեան գրեթէ կէսը ներկայացնում է դաշտեր, այգիներ, պարտէզներ, իսկ միւս կէսը անտառներ, արօտատեղիներ և լեռներ են: Դժբաղդաբար այդ երկրի մշակիչի հողի մեծ մասը պատկանում է մի խումբ խոշոր կալուածատէրների, որոնք այդ հողերի մշակումը կապալով յանձնում են. իտալական գիւղացիներին և վերջիններիս բաւական շահագործում են: Հացաբոյսերից յայտնի են ցորեն, գարի, բրինձ և այլն: Իտալիայում զարգացած է նաև շերամապահութիւնը և հարաւային պտուղների (լիմոն, նարինջ, ձիթապտուղ) մշակութիւնը: Հանքագործութիւնը շատ թոյլ է դարգացած Իտալիայում. շահագործուած են մեծ մասամբ ծծումբի, մարմարի,

երկաթի և աղի հանքերը: Իտալիան մետաքսագործութեամբ Եւրոսլայի առաջին երկիրն է:

Զգալի կերպով զարգացած է Իտալիայի վաճառակա- նութիւնը: Գրան շատ նպաստում է Իտալիայի աշխարհագ- րական նպաստաւոր դիրքը: Սուէզի ջրանցքի բացելուց յետոյ Իտալիան շատ է առաջադիմել իբրև առևտրական երկիր և դարձել է Եւրոպայի և Արևելքի մէջ եղած առևտրական միջնորդներից մէկը: Իտալիան արտահանում է դէպի օտար երկիրներ մետաքս, գինի, ձու, ծծումբ, մարմար, հարաւային պտուղներ, յարդեայ գլխարկներ, երաժշտական և ապակեայ գործիքներ, իսկ ներմուծում է քարածուխ, հացահատիկներ, մեքենաներ և այլն:

33 միլիօն աղագրնակութիւն ունեցող Իտալիան սահ- մանադրական միապետութիւն է: Երկրի միասլետի իրաւունք- ները սահմանափակում է իտալական պարլամենտը:

Հին դարում Իտալիան ներկայացնում էր Հռոմէական պետութիւնը, որ հասաւ իր քաղաքակրթութեան և գորու- թեան գագաթնակէտին: Միջին դարու սկզբներում հռոմէա- կան համաշխարհային միացեալ պետութիւնը բաժան բաժան ելաւ և վերոյիշեալ երկիրը օտար ազգերի համար կռուա- խնձոր դարձաւ, որի վրայ գերմանացիները մի բանի դար շարունակ տարածել էին իրանց քաղաքական ազդեցութիւնը: Իտալիան իր քաղաքական միութիւնը ձեռք բերեց 19 ըդ գարում:

Վարչական տեսակէտից Իտալիան բաժանւում է 69 նահանգների, որոնց գլխաւոր քաղաքներից նշանաւոր են:

Հիւսիսային Իտալիայում կամ Լոմբարդիայի հարթու- թեան վրայ նշանաւոր է Միլան քաղաքը (1/2 միլ. բնակիչ), որ յայտնի է իր մետաքսի առևտրով և սպիտակ մարմարից շինւած եկեղեցիով: Այդ եկեղեցին համարւում է աշխարհիս ամենագեղեցիկ շինութիւններից մէկը (գօթական ճարտարա-

պետութիւն): Թուրին, Պօ կամ Պադուս գետի հովտում, Իտալիայի առևտրական և արդիւնաբերական նշանաւոր քա- ղաքներից մէկն է: Ալէքսանդրիա, նշանաւոր ամրոց է: Կրու- մօնս, յայտնի է իր ջութակներով և վիօլօնչէլներով: Վե- նետիկ, գտնւում է Ադրիական ծովի ափին: Այս քաղաքը իր դիրքով աշխարհիս ամենանշանաւոր քաղաքներից մէկն է և շինուած է 117 մանր կղզիների վրայ, որոնք միմեանցից բաժանւած են ջրանցքներով: Այդ ջրանցքները քաղաքի փո- դոցներն են, որոնց վրայով հազարակազմութիւնը կատարւում է երկար սև նաւակներով (գօնդօներով): Վենետիկում կտոքերը և ձիերը հազուագիւտ բաներ են: Նշանաւոր են Վենետիկի մարմարեայ պալատները, եկեղեցիները (ս. Մարկոսի եկեղե- ցին) և ուրիշ շինութիւնները, որոնք վկայում են բազարի պատմական պտակառելի անցեալը: Վենետիկում է գտնւում և Միսիլարեան միաբանութիւնը, որի հիմնադիրը համարւում է Միսիլար Սեբաստացին: Այդ միաբանութիւնը, որ հայտն է հին գրականութեան համար խոշոր ծառայութիւն է մատու- ցել, գտնւում է ս. Ղազար կղզու վրայ: Վենետիկը Իտալիա- յի առևտրական առաջին նաւահանգիստն է:

Իսկական թերակղզու քաղաքներից նշանաւոր են. Գե- նուա կամ Ծենովա, որ Իտալիայի ամենահին քաղաքներից մէկն է և աչքի է ընկնում իր փառահեղ պալատներով և հասարակական շինութիւններով: Առևտրական տեսակէտից Գենուան Իտալիայի առաջին քաղաքն է, որ ունի բաւակա- նաշափ գործարաններ: Գենուայի մօտն է գտնւում և Սալեց- իս պատերազմական նշանաւոր նաւահանգիստը, որտեղ կանգնում է Իտալական նաւատորմը: Փլօրենցիա, որ Թօս- կանա նահանգի գլխաւոր քաղաքն է: Նշանաւոր են նրա գե- դարուեստական յայտնի յիշատակարանները, մեծ գրադա- րանները, համալսարանը: 1865 - 1871 թ. Փլօրենցիան կազ- մում էր և Իտալական թագաւորութեան մայրաքաղաքը, որ

ներկայումս գտնուում է Արնօ գետի ափին: *Հիւլօրնօ*, առևտրական նաւահանգիստ է: *Գարրաքա*, նշանաւոր է իր մարմարեայ հանրերով: Թօսկանա նահանգի հարաւային կողմում գտնուում է *Լազիում* նահանգը, որի գլխաւոր քաղաքն է *Հոուլը* (100,000 բն.): Սա Իտալիայի տէրութեան մայրաքաղաքն և թագաւորի ու պապի աթոռանիւտն է: Հօսմի պապը համարուում է ամբողջ աշխարհիս բոլոր կաթոլիկների հոգևոր պապը: Հօսմի 1871 թւից ի վեր Իտալիայի մայրաքաղաքն է: Աշխարհիս և ոչ մէկ քաղաքը չէ կարող մրցել Հօսմի հետ իր պատմական յիշատակարաններով, որոնք ծաւում են ընդհանուր պատմութեան գրեթէ բոլոր շրջաններից: Նա իր հնապարեան շինութիւններով և գեղարուեստական դանձերով հիացնում է օտարազգի ճանապարհորդներին: Հօսմի աչքի ընկնող շինութիւններից նշանաւոր են *ս. Պետրոսի եկեղեցին*, որ աշխարհիս ամենամեծ եկեղեցին է և ամփոփում է իր մէջ Պետրոս և Պօղոս առաքեալների գերեզմանը: Այդ եկեղեցու մօտ է գտնուում նաև պապերի պալատը՝ Վատիկանը, որ յայտնի է իր գրադարանով, արձաններով և նկարներով: Հնադարեան շինութիւններից նշանաւոր է *ահամգին ցիրկ Կօլլօզէլը*, որտեղ մօտ 100000 հանդիսականներ էին տեղաւորում և *կատակօժըները* կամ ստորերկրեայ գերեզմանները քրիստոնէական աւաջին դարերից: Հօսմի ամրացած նաւահանգիստն է *Չիվիտա — Վելիա*:

Իտալիայի ամենախիտ աղփարնակութիւն ունեցող նահանգն է *Կալաբրիան*, որի գլխաւոր քաղաքն է *Նիապօլը*: Այս քաղաքը գտնուում է Վեզուվի հրաբնդիսի օտորոտում և Իտալիայի երկրորդ առևտրական քաղաքն է (550,000 բն.): Թէկուց Գամբանիան Իտալիայի ամենապտղաւէտ նահանգն է, սակայն զա գտնուում է Իտալիայի հրաբլխային մասում: Նիապօլի մօտ են գտնուում Պօմպէլ և Հերկուլանոն քաղաք-

ներկաւերակները, որոնք կործանեցին Վեզուվի հրաբուխի վիճուժից 79 թւին: Նիապօլը Իտալիայի ամենարազմամարդ քաղաքն է և ունի նշանաւոր համալսարան: Նիապօլից հեռու չեն գտնուում *Կասառելլամարէ* և *Սօրրենուօ* քաղաքները: Կալաբրիա թերակղզու քաղաքներից յայտնի է *Րեջիօն*, որ նշանաւոր նաւահանգիստ է, որտեղ հին ժամանակ յունական մի մեծ վաղութ էր հաստատւած: Արուլիա թերակղզու քաղաքներից նշանաւոր է *Քրինդիզի* նաւահանգիստ — քաղաքը:

Իտալիայի թագաւորութեանն են պատկանում *Սիցիլիա* և *Սարդինիա* կղզիները:

Սիցիլիան Ապենինեան թերակղզուց բաժանուում է Մեսսինայի նեղուցով և ներկայացնում է եռանկիւնաձև մի փոքրիկ ցամաք, որի վրայով տարածւում է Ապենինեան լեռնաշղթայի շարունակութիւնը: Այդ կղզին իսկապէս մի սարահարթ է, որ մեծ մասամբ անտառազուրկ է և վստ ոռոգւած: Նրա ամենաբարձր վագաթն է *էտնա* գործող հրաբուղ լըր, որի վագաթից երևում է այդ կղզին: Սիցիլիա կղզու կենտրօնական մասը անապատային է և ունի յօսը ազգաբնակութիւն, հարաւային պտուղներ, բամբակ, շաքարեղէգն և այլն: Կղզին գետի կղզմից շատ աղքատ է, հղածները ամառը գրեթէ բոլորովին ցամաքում են: Մի ժամանակ Սիցիլիա կղզին յայտնի էր իր հացահատիկներով և կաղմում էր Հօսմի համար իբրև ցորենի գլխաւոր շտեմարան: Կղզին ունի մօտ 3 1/2 միլիօն բնակիչ և ծծումբի արդինաբերութեան համար աշխարհիս ամենայայտնի երկիրներից մէկն է:

Սիցիլիալի քաղաքներից նշանաւոր են *Պալերմօ*, որ առևտրական և արդիւնաբերական քաղաք է և ունի 300,000 բնակիչ: Այդ քաղաքում մինչև այսօր էլ մնացել են մի շարք շինութիւններ սարակինոսների և նորմանների տիրապետութեան ժամանակից: *Մեսսինա*, աշխարհիս ամենամեծ և ամենապեղեցիկ նաւահանգիստներից մէկն է, որ առևտուր է անում

հարաւային պտուղներով: 1783 թւին այդ քաղաքը ահագին վնասներ ստացաւ երկրաշարժից: Մեսսինան իր դիրքով յիշեցնում է Գոպէնհագէն մայրաքաղաքը: Կղզու միւս քաղաքներից նշանաւոր են *Կատանիա*, *Մարսալս* (համանուն գիւնիով) և *Ջիրշենտի*:

Սարդինիա կղզին մեծ մասամբ լեռնոտ է և հարուստ է արծաթէ, արճիճի, ծծումբի և երկաթի հանքերով: Հողի մշակութիւնը զարգացած է կղզու միայն միջին մասում: Գլխաւոր քաղաքն է *Կալիարի*, որ մի ժամանակ յայտնի էր ցարենի առևտրով:

Իտալիայի գաղութներից նշանաւոր է *Էրիթրէա*, որ գտնուում է Հաբէշտանի և Կարմիր ծովի մէջ: Սօժալի թերակղզու մի մասը ճանաչում Իտալիայի թագաւորութեան գերիշխանութիւնը:

Իտալական թագաւորութեան մէջ է գտնուում և աշխարհիս ամենափոքր հասարակապետութիւններից մէկը՝ *Սան-Մարինո*, որ բաղկացած է համանուն գլխաւոր քաղաքից և 4 գիւղերից և ունի բնդամենը 10,000 բնակիչ:

ՊԻՐԻՆԵԱՆ ԹԵՐԱԿԳՂԶԻ

Մակերեւոյթի կազմութիւնը: Պերինեան թերակղզին Եւրոպայի հարաւային երեք թերակղզիներից ամենամեծն է և ունի բառանկիւնի ձև: Երեք կողմից շրջապատու ծովերը շատ քիչ են կարատում թերակղզու ակերը, այդ տեղակէտից բացառութիւն են կազմում միայն արևելեան և հարաւային ակերը, որոնց մօտ գտնուում են մի շարք նշանաւոր նաւահանգիստներ և մանր կղզիներ: Պիրինեան թերակղզին իր համար մի առանձնացած ցամար է ներկայացնում, որ մնացած Եւրոպայից բաժանւած է Պիրինեան լեռնաշղթայով:

Թերակղզու ամբողջ կենտրոնական մասը ներկայացնում է մի ընդարձակ սարահարթ, որ ձգւում է արևելքից դէպի արևմուտք: Այդ սարահարթը հիւսիսային կողմից շրջապատւած է Պիրինեան լեռնաշղթայի հարաւային փեշերով, արևելեան կողմից՝ Իբերիական լեռնաշղթայով, իսկ հարաւային կողմից Սիբրրա-Մօրենա լեռնաշղթայով: Արևմտեան կողմում, ընդհակառակը այդ սարահարթը հեազհետէ ցածրանում է, որի վրայով հոսում են Ատլանտեան ովկիանոսը թափւող Գուրօ, Տագօ և Գվադիանա սակաւաջուր և գրեթէ աննաւարկելի գետերը:

Պիրինեան թերակղզու կենդրոնական սարահարթը Կաստիլիական լեռներով բաժանւում է երկու մասերի. հիւսիսային կամ Հին-Կաստիլիական և հարաւային կամ Նոր-Կաստիլիական սարահարթների: Առաջին սարահարթը երկրորդից աւելի բարձր է: Կենտրոնական սարահարթի հիւսիս-արևելեան կողմում տարածւում է Պերինեան լեռնաշղթան և հարաւային կողմում՝ Սիբրրա-Նեվադայի կամ Գրանադայի լեռները: Սարահարթի և Պիրինեան լեռնաշղթայի մէջ գտնուում է Արագօնեան հարթութիւնը, որ գլխաւորապէս սոռգւում է Էբրօ գետով, իսկ սարահարթի և Գրանադեան լեռների մէջ տեղը՝ Անդալուզեան հարթութիւնը, որ սոռգւում է Գվադալկիվիր գետով:

Ոռոգումը: Ոռոգման կողմից Պերինեան թերակղզին այնքան էլ նպաստաւոր պայմանների մէջ չէ գտնուում, դրահամար էլ նրա տարածութեան մի զգալի մասը անապատային է: Թերակղզու գետերը գլխաւորապէս սկիզբն են առնում ոչ մշտապէս ձիւնով պատած լեռներից, հոսում են մեծ մասամբ դէպի արևմուտք և թափւում են Ատլանտեան ովկիանոսը. օր. Մինիօ, Գուրօ, Տալսօ, Գվադիանա և Գվադալկիվիր: Բացառութիւն է կազմում միայն Էբրօ գետը, որ հոսում է դէպի արևելք և թափւում է Միջերկրական

ժողովը: Պիրինեան թերակղզու գետերը ընդհանրապէս արագահոս և աննաւարկելի են: Թերակղզին աղքատ է մեծ լճերով:

Կլիմա: Պիրինեան թերակղզին միատեսակ կլիմա չունի: Նրա հիւսիսային և արևմտեան մասերի կլիման խոնաւ է և ծովային և բերում է առատ անձրևներ: Այդ մասերի վրայով փչում են արևմտեան և հարաւ-արևմտեան հողմերը: Այդ մասերը ծածկւած են անտառներով, մշակւած դաշտերով և մարզագետիկներով: Պիրինեան սարահարթի կլիման, ընդհակառակը ցամաքային է. այնտեղ լինում է տաք ամառ, անձրև չէ գալիս, իսկ գիշերները ցուրտ են լինում: Թերակղզու հարաւային և հարաւ-արևելեան մասերի կլիման չոր է, որի գլխաւոր պատճառը Աֆրիկայից փչող սոլանո տաք քամին է: Քուսականութեամբ և կենդանիներով հարուստ է միայն Անդալուզիան. նրա բոյսերից յայտնի են խցանակազնի, շագանակ, հարաւային բազմազան պտուղներ, շաքարեղէզն, ֆիւնիկեան արմաւ, բամբակ և այլն:

Պիրինեան թերակղզին բաղկացած է երկու պետութիւններից, Պորտուգալիայի և Իսպանիայի թագաւորութիւններից:

ՊՐՏՏՈՒՎԱԼԻԱՅԻ ԹԱՎՍԻՈՐՈՒԹԻՒՆ

Պորտուգալիան, որ կազմում է Պիրինեան թերակղզու արևմտեան նեղ մասը, գտնւում է Մինիօ և Իվադիանա գետերի մէջ և ուղղւում է գլխաւորապէս Գուրօ և Տախօ գետերով: Այդ երկրի տարածութիւնը 1600 քառ. մղոն է և ունի մօտ 5½ միլիօն բնակիչ: Նա ներկայացնում է մի հարթութիւն, որ կանոնաւոր կերպով ուղղւում է գետերով: Պորտուգալիան պատկանում է Եւրոպայիայն երկիրների շարքին. որտեղ շատ անձրևներ են գալիս: Գրեթէ ամբողջ Պորտու-

գալիան մի կանաչ տարածութիւն է: Ներկայացնում, որ աչքի է ընկնում իր մշտական կանաչ ծառերով: հարաւային պտուղներով, խալոզի այգիներով, և այլն:

Պորտուգալացիները պատկանում են բոմանայան ցեղին և դաւանութեամբ կաթօլիկներ են:

Պորտուգալիայի բնակիչները պարպում են երկրագործութեամբ, անասնապահութեամբ, ձկնորսութեամբ և վաճառականութեամբ: Գործարանական կեանքը գրեթէ զարգացած չէ Պորտուգալիայում: Գործարանական ապրանքների մեծ մասը ստացւում է Անգլիայից: Երկրի արտահանութեան գլխաւոր ապրանքները կազմում են գինի, խցան, անասուններ, դանաղան ձկներ և այլն:

Պորտուգալիայի կառավարութեան ձեռք սահմանադրական միապետութիւն է: Թագաւորի իրաւունքները սահմանափակւում է ժողովրդական ներկայացուցչութիւնը, որ կոչւում է *Կորտէս*:

Պորտուգալիան քաղաքականապէս բաժանւում է 17 իսկ պատմական տեսակէտից 6 գլխաւոր նահանգների, որոնց քաղաքներից նշանաւոր են հետեւեալները.

Լիսաբօն - առեւտրական կենտրոն, տէրութեան մայրաքաղաք և թագաւորի աթոռանիստն է: 1755 թ. այս քաղաքը սաստիկ միասներ կրեց երկրաշարժից: Ունի 340,000 բնակիչ: Երկրորդ նշանաւոր քաղաքն է *Օւիշուս*, որ նշանաւոր է իր աշխարհահռչակ «պօրտվէյն» դիմով: Սա տէրութեան երկրորդ առեւտրական քաղաքն է: *Կօիմբրա*, որտեղ գտնւում է Պորտուգալիայի միակ համալսարանը:

Պորտուգալիայի միւս մայր ցամաքներում եղած փաղութիւններից նշանաւոր են.

Ասիայում - Մալաօ քաղաքը (2 միլիոն տանում), *Թիւօր* Կղզու մի մասը և արևելեան Հնդկաստանի *Գոյա* և *Դիու* քաղաքները:

Աֆրիկայում — Ազորեան կղզիները, Մադէյրա, Կանաչ
Հրուանդանի կղզիները, Գվինէի կղզիների մի մասը և հա-
րաւային Աֆրիկայի արևելեան ափում մի քանի կալուած-
ներ, որոնց գլխաւոր քաղաքն է Մօզամբիկ:

Այդ բոլոր գաղութների տարածութիւնն է 35,000 քաւ-
մղոն, որի վրայ ապրում են մօտ. 15 միլիօն բնակիչ:

ԻՍՊԱՆԻԱՅԻ ԹԵԳԱԻՈՐՈՒԹԻՒՆ

Իսպանիայի թագաւորութիւնը բռնում է Պիրինեան թե-
րակղզու ամենամեծ մասը: Նրա տարածութիւնը 9000 քաւ-
մղոն է, որի վրայ ապրում են 19 միլիօն բնակիչ: Այդ թա-
գաւորութեանն են պատկանում նաև Պաշիարեան և Պիտիու-
զեան կղզիների խմբերը: Իսպանիայի սահմանները կազմում
են արևմտեան կողմում Պորտուգալիան և Ատլանտեան ով-
կիանոսը, հիւսիսային կողմում՝ Բիսկայեան ծովը և Պիրի-
նեան լեռնաշղթան և հարաւային ու արևելեան կողմում՝ Մի-
ջերկրական ծովը:

Իսպանիայի ազգաբնակչութեան գլխաւոր տարրը կազ-
մում են իսպանացիները, որոնք պատկանում են ռոմանա-
կան ցեղին և պօրտուգալացիների նման ներկայացնում են իբրև
մի խառնուրդ իսպանական նախնական բնակիչների և գաղ-
թական մի քանի ժողովուրդների: Սակայն Իսպանիայի մի բա-
նի մասերի բնակիչները միմեանցից տարբերում են իրանց
գիմազներով, կենցաղավարութեամբ, լեզուով, վարմունքով և
այլն: Իսպանիայի ամենահին բնակիչների իսկական մնա-
ցորդներն են համարւում ջասկները, որոնք գլխաւորապէս ապրում
են Նավարրայում, Գանտաբրեան լեռների ստորոտներում և
Պիրինեան սարերի վրայ: Սիբերա-Նեվադայի հարաւային կող-
մերում մինչև այսօր էլ ապրում են հին մալթերի մնացորդ-

ները: Այնտեղ ապրում են նաև բաւականաչափ գնչուներ,
որոնք մեծ մասամբ կենտրօնացած են Անդալուզիա նահան-
գում: Իսպանիայի բնակիչները շատ շնչին բացառութեամբ
պատկանում են կաթօլիկ դաւանութեան: Ժողովրդական
կրթութիւնը ինչպէս Պօրտուգալիայում նոյնպէս ևլ Իսպա-
նիայում, շատ անախանձելի է վիճակի մէջ է գտնւում: Թե-
րակղզու ամբողջ ազգաբնակչութեան մօտ 70% տոկոսը գը-
րել և կարգալ չգիտէ: Սակայն շնայելով դրան, Իսպանիան
ունի 10 համալսարան, որոնք սակայն ընդհանուր եւրօպական
հռչակ չեն վայելում:

Իսպանիայի բնակիչները պարապում են հողագործու-
թեամբ, անասնապահութեամբ, այգեգործութեամբ (հարաւա-
յին պտուղների այգիները), հանքագործութեամբ (արծաթ,
պղինձ, երկաթ, արճիճ, քարածուխ), մետաքսագործութեամբ
և վաճառականութեամբ: Հատ յայտնի են Իսպանական մե-
քիմոսը, ձին, այծը, էշը և եզը: Առևտուրը, արհեստագոր-
չութիւնը և նաւաղնացութիւնը ներկայումս Իսպանիայում
ցանկալի կերպով զարգացած են: Համաշխարհային առևտրին
նա մասնակցում է իր զինով, հանքերով և բամբակով: Գոր-
ծարանական ապրանքների մեծ մասը իսպանացիները ստա-
նում են Անգլիայից, որը և Իսպանական առևտրից ամենա-
մեծ օգուտներն է ստանում:

Յին ժամանակներում ինչպէս ամբողջ թերակղզին, այն-
պէս էլ Իսպանիան գրաւել է Մեջերկրական ծովի առևտրա-
կան ազգերի ուշադրութիւնը, մանաւանդ իր արծաթէ հա-
րուստ հանքերի շնորհիւ: Պատմական ֆիւնիկեցիները և կար-
թագէնացիները բաւականաչափ գաղութներ էին հիմնել Իս-
պանիայում: Դրանից յետոյ Պիրինեան թերակղզին ընկաւ
հին-հռոմէացիների քաղաքական ազդեցութեան տակ: Ու-
թերորդ դարում Աֆրիկայից այդ երկիրը գաղթեցին արաբ-
ները, որոնք բարձր քաղաքակրթութեան հասան: Այդ արաբ-

ների ամենավերջին մնացորդը վերջացաւ 15-րդ դարում, երբ Իսպանիան արդէն մի միացեալ տէրութիւն էր ներկայացնում Պորտուգալիայի կողքին: 15-րդ դարում թէ Իսպանիան և թէ Պորտուգալիան գտնուում էին իրանց ծաղկման և գորութեան ամենարարձր աստիճանի վրայ, որոնք համաշխարհային տիրապետութեան էին ձգտում: Սակայն այդ երկու երկիրները ներկայումս Եւրոպայի երկրորդական պետութիւնների շարքին են պատկանում:

Իսպանիան այժմ սահմանադրական միապետութիւն է և ունի ժողովրդական ներկայացուցչութիւն, որ կոչւում է *կորտէս*: Երկիրը վարչական տեսակէտից բաժանուում է 49 նահանգների, որոնցից նշանաւոր են հետևեալները իրանց գլխաւոր քաղաքներով:—*Գալիցիա*, որ մի լեոնոտ, անպտուղ և նաւահանգիստներով հարուստ նահանգ է: Գլխաւոր քաղաքն է *Սանտիագո*, սր ամփոփում է իր մէջ Յակոբ առաքելի գերեզմանը: Ըստ աւանդութեան այդ առաքեալն է առաջին անգամ քրիստոնէութիւնը քարոզել իսպանացիներին մէջ:

Աստուրիա, սրի գլխաւոր քաղաքն է *Օվինդո*:

Բասկերի նահանգ, որ Իսպանիայի ամենալաւ մշակւած և խիտ ազգաբնակութիւն ունեցող նահանգն է: Նշանաւոր է իր երկաթէ հանքերով: Գլխաւոր քաղաքն է *Սան-Սեբաստիան*, որ գտնուում է Փրանսիայի սահմանագլխի մօտ և յայտնի է իր ծովային լողարաններով:

Եստրալուրա, գլխաւոր քաղաքն է *Պամպլոնա* ամրոցը:

Արագոնիա, որ ունի շատ նօսր ազգաբնակութիւն: Գլխաւոր քաղաքն է *Սարագոսսա* բերդը:

Կատալոնիա, որ բաւական խնամքով մշակւած և խիտ ազգաբնակութիւն ունեցող նահանգ է: Բնակիչները շատ աշխատասէր են, «քարից հաց են ստանում», ասում են օտարաբար նրանց մասին: Գլխաւոր քաղաքն է *Բարցելոնա*:

(510,000 ըն.), որ ծովային վաճառականութեան տեսակէտից Իսպանիայի առաջին քաղաքն է:

Վալենսիա, նշանաւոր նահանգներից մէկն է, որ յայտնի է իր ֆիւնիկեան արմաւով և շաքարեղէգնով: Գլխաւոր քաղաքն է *Վալենսիա*, որ առետրական և արդիւնաբերական նշանաւոր կենտրոն է: Միւս քաղաքներից նշանաւոր են *Սազոնսո* և *Աշիկանդէ*: Վերջինս առետուր է անում իր նշանաւոր գինիներով:

Մուրսիա, յայտնի է իր նշանաւոր և պտղաբեր այգիներով և արաբացիների տիրապետութեան օրով կոչւում էր «մաւրիտանական տրախտ»: Այդ այգիներում աճում են ահագին քանակութեամբ նարիջ, լիմոն և այլն: Համանուն գլխաւոր քաղաքով: Նշանաւոր է նաև *Կարթագէնա* նաւահանգիստը:

Գրանադա, դժուարամատչելի նահանգ է, որ կազմում էր մաւրերի վերջին թագաւորութեան գլխաւոր կենտրոնը: Պատմական շինութիւններից յայտնի է *Ալհամբրան*՝ մաւրիտանական թագաւորական պալատը, որի մնացորդները մինչև այսօր պահպանւել են: Գլխաւոր քաղաքներն են *Մալազա* (հռչակաւոր գինի) և *Գրանադա*:

Անդալուզիա, ամենախիտ ազգաբնակութիւն ունեցող նահանգն է, որ ունի շատ հարուստ ընութիւն: Նշանաւոր քաղաքներն են. *Քորդոլա*, *Խերէս*, (իր համանուն հռչակաւոր գինիով) և *Կադիս*, որ Իսպանիայի ամենանշանաւոր առետրական նաւահանգիստներից մէկն է: Այդտեղ է գտնուում նաև նշանաւոր նաւագիստ *Ջիբրալտարը*, «Միջերկրական ծովի բանալին», որ 1704 թւից ի վեր պատկանում է անգլիացիներին:

Հին-Կաստիլիա, Սանտանտէր գլխաւոր քաղաքով:

Եոր-Կաստիլիա, որ Իսպանիայի կենտրոնական և ամենամեծ նահանգն է, գլխաւոր քաղաքն է *Մադրիդ*, որ երկ-

րի մայրաքաղաքն է (500,000 բն.) և թագաւորի աթոռանիստը: Իսպանիայի գրեթէ բոլոր նաւահանգիստները երկաթուղիով միացած են Մադրիդի հետ: «Այստեղ երեք ամիս ձմեռ է և իննը ամիս դժոխք», ասում են սովորաբար Մադրիդի մասին:

Թօլէդօ, Իսպանական թագաւորութեան նախկին մայրաքաղաքը և առաջին արքեպիսկոպոսի աթոռանիստը: *Ըրան-ժուէս*, Իսպանական թագաւորների ամարանոցը:

Իսպանիայի գաղութներից նշանաւոր են.

Աֆրիկայում—*Յէուտա* նաւահանգիստը Միջերկրական ծովի աֆրիկական ափում, *Կանարեան* կղզիները, *Փերնան-դօ-Պօ* և *Անսոքօս* կղզիները Իվինէի ծոցում:

Բ. ՄԻՋԻՆ ԵՒՐՕՊԱ

Միջին Եւրոպա ասելով հասկանում ենք մայր ցամաքի այն մասը, որ բաղկացած է ժամանակակից Եւրոպայի հետեւեալ երկիրներից. Զվէյցարիայից, Աւստրօ-Ունգարիայից, Ֆրանսիայից, Գերմանիայից, Հոլլանդիայից և Բելգիայից:

Միջին-Եւրոպայի մակերևոյթի կազմութիւնը, ուսումնարար և կլիման բազմազան է: Միջին-Եւրոպայի կենտրոնական բարձրութիւնը Ալպեան լեռնաշղթան է, որ ձգւում է մօտ 1000 վերստ երկարութեամբ: Այդ լեռնաշղթայի ամենաբարձր գագաթն է *Մոնթլան*, որի բարձրութիւնը մօտ 5 վերստ է ծովի մակերևոյթից հաշւած: Ալպեան լեռնաշղթան բաժանւում է բազմաթիւ ճիւղաւորութիւնների, որոնք տարածւում են Միջին-Եւրոպայում զանազան ուղղութեամբ: Լեռնաշղթայի ամենաբարձր գագաթները մշտապէս ծածկւած են ձիւնով, որոնցից սկիզբն են առնում Եւրոպայի հետեւեալ գետերը, կաղմելով երբեմն մի բանի նշանաւոր լճեր. Պօ գետն իր ձախակողմեան վտակներով, *Րօնա* գետը Փրնւի-լճով, Հռենոս գետը իր վտակներով և Բօդէնի լճով և *Դանուպ* գետի աջակողմեան վտակներից Լեխ, Իզար, Դրաւա, Սաւա և այլն: Ալպեան լեռնաշղթայից սկիզբն առնող գետերից մի քանիսը ճանապարհին կազմում են ջրվէժներ:

Աշխարհիս բարձր լեռնաշղթաներից և ոչ մէկը չունի այնքան անցքեր, որքան Ալպեան լեռնաշղթան: Նրա գլխաւոր անցքերի թիւը հասնում է 30-ի, որոնցից մի քանիսի միջով անցնում են կանոնաւոր ճանապարհներ և

երկաթուղիներ: Իր դիրքով Ալպեան լեռնաշղթան բաժանուած է երեք մասերի, արևմտեան, կենտրոնական և արևելեան Ալպեր: Առաջին գլխաւոր անցքերից նշանաւոր է Մօն-Սենի անցքը, որտեղով երկաթուղի է անցնում 12 վերստ երկարութիւն ունեցող տունէլի միջով: *Կենտրոնական կամ Շվէյցարական Ալպերը* բռնում են Չվէյցարիայի հարաւ-արևելեան մասը: Դրա մի ճիւղն է կազմում և Սէն-Գօտարդը, որտեղով անցնում է մի ուրիշ երկաթուղի աւելի երկար տունէլի միջով: *Արևելեան Ալպերը* աւելի ցած են և ջրով աղքատ, որովհետև դրանց վրայ սովորաբար քիչ ձիւն է լինում: Ալպերի այդ մասը մտնում է Աւստրիա:

Որովհետև Ալպերի բոլոր մասերը և ճիւղերը հաւասարաչափ բարձր չեն, դրա համար էլ այդ մասերի կլիման միմեանցից տարբերում և բազմազան է: Կլիմայի բազմազանութիւնը զգացում է նոյն իսկ ամենափոքր տարածութեան վրայ: Նոյն իսկ մի քանի ժամայ ճանապարհի վրայ լինում է ամառ և ձմեռ: Ալպերը Եւրոպայի անձրևներով հարուստ մասերի շարքին են պատկանում:

Իրանց բազմազան կլիմայի շնորհիւ Ալպերը ունին նաև բազմազան բոյսեր:

Միջին Եւրոպայի միւս լեռնաշղթաներից նշանաւոր են: *Գերմանական, Սուտէթեան, Սաքսոնեան, Փրանսիական, Կարպատեան* սարերը և այլն: Այդ լեռնաշղթաներից սկիզբն են առնում բաւականաչափ գետեր իրանց գլխաւոր վտակներով: Բացառութիւն են կազմում միայն *Ռոնա* և *Հռենոս* գետերը: որոնք սկիզբն են առնում Ալպեան լեռներից: Միւս գետերից նշանաւոր են *Դանուպ* (Մօրաւա, Տիսա և Պրուտ վտակներով), *Դնեստր*, *Էլբա* (Մօլդաւա, Մուլդա և Ջալ վտակներով), *Վեզեր*, *Էմս*, *Շէլդա*, *Օդեր*, *Վիսլա*, *Նեման*, *Սենա*, *Լուարա*, *Գարօննա* և այլն:

ՉՎԷՅՑԱՐԻԱՅԻ ՀԱՆՐԱՊԵՏՈՒԹԻՒՆ

Չվէյցարիան շրջապատուած է Փրանսիայով, Գերմանիայով, Աւստրո-Ունգարիայով և Իտալիայով: Նրա տարածութիւնն է 750 քառ. մղոն, որի վրայ ապրում են 3¼ միլիօն բնակիչ:

Չվէյցարիան Եւրոպայի ամենաբարձր երկիրն է: Իր մակերևոյթի կազմութեամբ նա բաժանուած է երեք՝ միմեանցից տարբեր մասերի, Կենտրոնական կամ Չվէյցարիական Ալպեր, Չվէյցարական սարահարթ և Իւրա: Կենտրոնական Ալպերը բռնում են Չվէյցարիայի հարաւ-արևելեան մեծ մասը: Այդ լեռները աչքի են ընկնում իրանց գեղեցիկ ու փառահեղ տեսքով և ձիւնապատ գագաթներով: Գլխաւոր շղթաներից մէկն է Ս. Գօտարդ, որից սկիզբն են առնում բազմաթիւ գետեր և հոսում են զանազան ուղղութեամբ: Իրանցից նշանաւորն են Ռօնա, Հռենոս, Ռէյս, և Թեչինօ, որոնք անցնում են լճերի միջով. օր, Ռօնան—Փըննի լճով, Հռենոսը—Յօլէնի լճով, որ յետոյ այդ լճից դուրս գալիս կազմում է Շաֆհաուզէնի ջրվէժը, Ռէյսը—Փիրվալդտետի լճով և Թեչինօ—Լագօ-Մաջիօրէ լճով: Ս. Գօտարդը ներկայացնում է գլխաւոր ճանապարհը Միջին Եւրոպայից դէպի Իտալիա:

Իւրան կազմում է Չվէյցարիայի արևմտեան մասը՝ Փրանսիական սահմանը: Այդ լեռները բաղկացած են մի քանի զուգահեռական շղթաներից, որոնց արանքներում բազմաթիւ հովիտներ կան: Այդ մասը ջրով աղքատ է ու անպտղաբեր:

Չվէյցարական Ալպերի և Իւրայի մէջ գտնուում է Չվէյցարական սարահարթը, որ բաւական պտղաբեր և լաւ մշակուած է: Այդ մասումն են գտնուում Փըննի, Թոնի, Բրիկնցի, Տիրիխի, Փիրվալդտետի և Բօլէնի կամ Կոնստանցի լճերը: Չվէյցարիայի կլիման թէև բազմազան է, սակայն նա

ընդհանպապէս լեռնային և ցուրտ է: Այնտեղ ամառը կարճատև և տաք է լինում, իսկ ձմեռը՝ երկարատև և խիստ: Զվէյցարիայի կլիման օգի մարտութեան շնորհիւ շատ առողջարար է: դրա համար էլ նրա բնակիչները մարմնով առողջ են:

Զվէյցարիայի ազգաբնակչութեան 69% խօսում է գերմաներէն, 22%-ը ֆրանսերէն, իսկ մնացած տոկոսը շատ չնչին բացառութեամբ խօսում է իտալերէն: Նրա ազգաբնակչութեան 58% պատկանում է բողոքական և 32%-ը հռոմէական — կաթոլիկ դաւանութեան: Ազգաբնակչութեան մնացած տոկոսը պատկանում է զանազան դաւանութիւնների, որովհետև բաղկացած է մեծ մասամբ օտարազգիներից: Զվէյցարիայի հրէաների թիւը հասնում է մօտ 15,000: Զվէյցարիայի ամենախիտ ազգաբնակչութիւնը ապրում է ժընևի լճի շուրջը (1 քառ. կիլոմետրի վրայ մօտ 150 բնակիչ), իսկ ամենանոսր ազգաբնակչութիւնը՝ լեռների վրայ:

Զվէյցարիան համարում է աշխարհիս ամենաբազաբարկրթուած երկրներից մէկը: Ոչ մի երկրում ժողովրդի տարրական կրթութեան գործը այնքան նախանձելի վիճակի մէջ չէ գտնւում, որքան փոքրիկ Զվէյցարիայում կամ Հելվեցիայում: Տարրական կրթութիւնը պարտադիր է իւրաքանչիւր շվէյցարացու համար: Այնտեղի նոյն իսկ ամեն մի հասարակ գիւղական համայնքը ունի իր դպրոցական փառաւոր շինութիւնը: Բացի տարրական, միջնակարգ և զանազան արհեստագիտական դպրոցներից Զվէյցարիան ունի նաև 6 համալսարան (Քաղէյ, ժընև, Ցիւրիխ, Բերն, Լօզան և Ֆրէյբուրգ): Նշանաւոր են նաև Ցիւրիխի տեխնիքական բարձրագոյն դըպրոցը և Նոյենբուրգի ակադեմիան:

Որովհետև Զվէյցարիայի մակերևոյթի մեծ մասի կազմութիւնը լեռնոտ է, դրա համար նրա ազգաբնակչութեան միայն չնչին տոկոսն է երկրագործութեամբ պարապում: Երկրի տա-

րածութեան 1/6-մասը ներկայացնում է արօտատեղիներ, որոնց բնակիչները գլխաւորապէս պարապում են անասնապահութեամբ: Զվէյցարական արդիւնագործութիւնը ցանկալի կերպով զարգացած չէ, որովհետև երկրի մէջ երկաթի և բարածխի բացակայութիւնը սաստիկ զգալի է: Առհասարակ Ալպեան լեռները հանքերով հարուստ չեն: Իրա փոխարէն Զվէյցարիայում շատ են զարգացած մի քանի արհեստներ, օրժամագործութիւնը, փայտագործութիւնը և այլն: Զվէյցարիան արտահանում է օտար երկրներ տարեկան մօտ 50 միլիոն ռուբլու ժամացոյցներ: Չատ զարգացած է Զվէյցարիայում պանրագործութիւնը կաթնային արդիւնների առատութեան շնորհիւ: Զվէյցարիան օտար երկրներից ներմուծում է հացահատիկներ, երկաթ ու քարածուխ և արտահանում է մետաքսէ բամբակէ ապրանքներ, ժամացոյցներ, շվէյցարական պանիր և այլն:

Արդիւնագործութիւնը աւելի շատ զարգացած է Զվէյցարիայի հիւսիս-արևելեան մասում, օրինակի համար մետաքսագործութիւնը, որ շատ ծաղկած դրութեան մէջ է գտնւում:

Ըստ իր ազգաբնակչութեան և դաւանութեան Զվէյցարիան բաժանւում է երեք միմեացից տարբեր մասերի. *Գերմանական, Փրանսիական և Իտալական Զվէյցարիա:*

Զվէյցարիան հանրապետական դաշնակցական պետութիւն է, որ բաղկացած է 22 մանր և անկախ տէրութիւններից (3 էլ կէս — կանտոններից), որոնցից իւրաքանչիւրը ունի իր յատուկ կառավարութիւնը և օրէնքները: Կառավարութեան եղանակը հանրապետական է: Իւրաքանչիւր հասարակապետութիւն կամ կանտոն իրաւունք ունի իր ներքին բոլոր պործերը անկախ կերպով կառավարելու: Ամբողջ Զվէյցարիային վերաբերող ընդհանուր գործերը — երկրի պաշտպանութիւնը, պատերազմ և խաղաղութիւն հրա-

տարակելով՝ օտար անբարեկամների հետ բանակցութեան մէջ մտնելը, փոստային, հեռագրական և դրամական կարգադրութիւնները վճռում է *Դաշնակցական ժողովը*, որ բաղկացած է շվեյցարական բոլոր տէրութիւնների պատգամաւորներից:

Դաշնակցական ժողովը բաղկացած է երկու պալատներից՝ *Ազգային խորհուրդ* և *կանտոնական խորհուրդ*: Առաջին խորհուրդը հանդիսանում է իբրև շվեյցարական ամբողջ ժողովրդի ներկայացուցիչը, իսկ երկրորդը՝ շվեյցարական բոլոր կանտոնների կամ նահանգների: Դաշնակցական ժողովի նախագահը միևնոյն ժամանակ համարւում է և շվեյցարիայի դաշնակցական հանրապետութեան նախագահը, որ ընտրւում է մէկ տարի ժամանակով:

Ուրեմն շվեյցարիան մի իսկական դեմօկրատիա կամ ժողովրդապետութիւն է, որտեղ ծայրագոյն իշխանութիւնը պատկանում է շվեյցարական ժողովրդին:

Շվեյցարիայի մեծ և զխաւոր քաղաքներից նշանաւոր են.

Բեռն, գտնւում է Աար գետի ափին, Շվեյցարիայի գլխաւոր քաղաքն է, որտեղ գումարւում է դաշնակցական խորհուրդը: Ունի համալսարան և մօտ 70,000 բնակիչ: *Բազէլ*, հռենոսի ափին, Եւրոպայի առևտրական նշանաւոր քաղաքներից մէկն է, որ յայտնի է իր համալսարանով, բարեգործական և կրթական զանազան հիմնարկութիւններով: Ունի բազմաթիւ գործարաններ: *Յիւրիխ*, որ գերմանական Շվեյցարիայի մտաւոր կենտրոնն է և նշանաւոր է իր համալսարանով և բազմաբուստեան բարձրագոյն դպրոցով: *Յիւրիխը* յայտնի է նաև իբրև առևտրական նշանաւոր քաղաք, որ գտնւում է համանուն լճի ափին: *Շաֆհազուէն*, հռենոսի ափին, նշանաւոր է իր յայտնի և համանուն ջրվեժով: *Սէն Գալլէն*, Եւրոպայի ամենաբարձր քաղաքներից մէկն է, որ յայտնի է թղթի արդիւնաբերութեանը վերաբերող իր գործարաններով: *Շընսել*, համանուն լճի ափին, որ ներկա-

ցացնում է ֆրանսիական Շվեյցարիայի մտաւոր կենտրոնը: Ունի նշանաւոր համալսարան, պետական յայտնի հաստատութիւններ, ժամացոյցի հռչակաւոր գործարաններ, որոնք յայտնի են ամբողջ աշխարհում:

Լօզան, ունի համալսարան և ժամացոյցի յայտնի գործարաններ: Բնութեան տեսարանները շատ գեղեցիկ են և գրաւում են դէպի իրանց անթիւ ճանապարհորդների:

Նիւշատէլ, նշանաւոր է ժամացոյցի գործարաններով: Շվեյցարիայի հին կանտոններն են. *Ուրի*, *Շվից*, *Ունթերվալդէն*, *Լիցերն*, *Յուգ* և *Գլարուս* համանուն քաղաքներով: Թաւախական կանտոններից նշանաւոր է *Թեչինս*:

ԳԵՐՄԱՆԻԱՅԻ ԿԱՑՍԵՐՈՒԹԻՒՆ

Գերմանիայի կայսերութեան տարածութիւնն է 9,800 քառ. մղոն, որի վրայ ապրում են մօտ 57¹/₂ միլիօն բնակիչ: Այդ երկիրը շրջապատւած է Բալթիկ և Գերմանական ծովերով, Դանիայով, Հօլլանդիայով, Բելգիայով, Փրանսիայով, Շվեյցարիայով, Աւստրիայով և Ռուսաստանով:

Մակերևոյթի կազմութիւնն եւ ոռոգումը: Գերմանիայի գրեթէ ամբողջ տարածութիւնը գտնւում է Եւրոպայի միջին կամ կենտրոնական մասում և հէնց իր աշխարհագրական դիրքի շնորհիւ էլ միշտ ներկայացրել է այն ընդհանուր ապարէզը, որտեղ վճռուել են Եւրոպային վերաբերող՝ ընդհանուր հարցերից շատերը: Նա միշտ ներկայացրել է ամբողջ քրիստոնէական—գերմանական աշխարհի կենտրոնը:

Գերմանիան իր մակերևոյթի կազմութեամբ բաժանւում է երկու միմեանցից տարբեր մասերի. հարաւային բարձր և հիւսիսային ցածր մասերի: Գերմանիայի մակերևոյթը հարաւից դէպի հիւսիս աստիճանաբար ցածրանում է, հէնց դրա համար էլ նրա գետերը, բացառութեամբ Դանուպի, հոսում

են այդ ուղղութեամբ հարաւից դէպի հիւսիս: Գերմանիայի հարաւային մասը ամենաբարձր մասն է, որ ներկայացնում է մի սարահարթ, այն ինչ հիւսիսայինը մի ցածր երկիր է: Գերմանիայի հիւսիսային ծայրերը, որոնք ոռոգւում են Հիւսիսային կամ Գերմանական և Բալթիկ ծովերով, շատ տեղերում ծովի մակերևոյթից աւելի ցածր են, այնպէս որ մեծ հեղեղումների ժամանակ նրանք կծածկէին ջրերով, եթէ այդ բանի դէմ արհեստական միջոցներով չառնէր: Չնայելով, որ Գերմանիայի հիւսիսային ամերը ոռոգւում են վերոյիշեալ երկու ծովերով և Գերմանիան ունի մեծ նաւատորմ, սակայն նա ցամաքային և ոչ թէ ծովային պետութիւն է: Հարաւային բարձր Գերմանիայի ճիշտ սահմանի վրայով տարածւում են Բաւարական Ալպերը, որին միացած է Բաւարական սարահարթը: Միջին Գերմանիան և նրա հարաւարեմտեան մասը ներկայացնում է կենտրոնական բարձրաւանդակը, իսկ Գերմանիայի հիւսիսային մասը կազմում է գերմանական ցածր հարթութիւնը:

Բաւարական սարահարթը, որ ձվէյցաբան սարահարթի շարունակութիւնն է, աւելի բարձր է և ունի աւելի ցուրտ և աղքատ բնութիւն: Այդ սարահարթը ոռոգւում է Գանուպ գետով և Իզար ու Լեխ վտակներով: Գերմանական բարձրաւանդակի մակերևոյթի կազմութիւնը բաղմազան է նա ունի լեռնաշղթաներ, սարահարթներ, բլուրներ և այլն: Այդ լեռնաշղթաները յաճախ շատ աննշան բարձրութիւն ունին և ծածկւած են անտառներով. (օր. Բոհեմական և Թիւրինգեան լեռները): Գերմանական բարձրաւանդակը բաժանւում է երկու մասի. հարաւարեմտեան և միջին գերմանական մասերի լեռներ: Առաջին մասի մէջ մտնում է Փրանկոնիան սարահարթը, որ Բաւարական սարահարթից աւելի ցածր է և դրա համար էլ աւելի տաք: Նրա լայն հովիտներով հոսում են Նեկկար և Մայն գետերը, որոնք շատ լաւ ոռոգւում

են այդ մասը և նրա մշակմանը բաւականաչափ նպաստում: Արևմտեան կողմում բարձրանում է հարաւային Գերմանիայի ամենաբարձր լեռնաշղթան՝ Զվարցվայրը, իսկ նրանից աւելի հիւսիս տարածւում է Օդենվալդը: Հարաւարեմտեան մասի միւս կողմում տարածւում են Վոզեզի լեռները: Զվարցվալդից սկիզբն է առնում Գանուպ գետը, իսկ Վոզեզի լեռներից Մոզէլը, որ Հոննոսի գլխաւոր վտակներից մէկն է:

Միջին-Գերմանական լեռները մեծ մասամբ ծածկւած են անտառներով: Իրանց մէջ տարածւող հովիտները կազմում են ամբողջ Գերմանիայի ամենախիտ ազգաբնակչութիւն ունեցող երկիրները:

Այդ լեռներից մի քանիսը հարուստ են քարածխի և երկաթի հանքերով, որոնք Գերմանիայի արդիւնաբերութեան զարգացմանը շատ են նպաստում: Հիւսիսային Գերմանիայի գրեթէ բոլոր գետերը, բացառութեամբ Հոննոսի, իրանց ըսկիզբն են առնում միջին գերմանական լեռներից: Այդ լեռների մասերն են կազմում Հարցի, Թիւրինգիայի և Բոհեմական լեռները, որոնք մեծ մասամբ ծածկւած են անտառներով: Բոհեմական լեռների խմբին են պատկանում իսկական Բոհեմական, Սարսոնական հանրային և Սուդէթեան լեռները:

Հիւսիսային Գերմանական ցածր հարթութիւնը Թուրինգիական հարթութեան շարունակութիւնն է կազմում: Այդ հարթութիւնը սկսւում է միջին գերմանական լեռներից և տարածւում է մինչև Գերմանական և Բալտիկ ծովերը: Այդ ամբողջ տարածութիւնը էլքա գետով բաժանւում է արևմտեան և արևելեան մասերի: Առաջին կէսի մակերևոյթը աւելի հարթ, ցածր և բնութեամբ աղքատ է, այն ինչ երկրորդը՝ նրա հակապատկերն է ներկայացնում:

Կլիմա: Գերմանիայի կլիման ընդհանրապէս միատեսակ և բարեխառն է: Նրա հիւսիսային և հարաւային մասերի կլիմայի մէջ զգալի տարբերութիւն չկայ: Ամենից շատ տաք

է Գերմանիայի հաւաւ-արեւմտեան մասը, որ շրջապատուող լեռներով պաշտպանուում է ցուրտ քամիների ազդեցութիւնից: Ծովային կլիմա ունին Գերմանիայի հիւսիսային մասերը: այնտեղ ձմեռը ցուրտ է և երկարատև. գարնանը նոյնպէս ցուրտ է, որովհետև երկու ծովերից ցուրտ քամիներ են փչում: Անձրևներ շատ են գալիս Գերմանիայի ծովեզրեայ և լեռնոտ մասերում: Այդ անձրևները սովորաբար երկարատև են լինում և դրա համար էլ երկրի գետերը ամբողջ տարւայ ընթացքում ջրառատ են: Նրա գետերից նշանաւոր են Հոենոս—Նեկկար, Մայն և Մոզէլ վտակներով, Վեզէր, Էլբա, Օդեր, Վիսլա և Գանուպ:

Գերմանիայի բուսականութիւնը բարեխառն կլիմայի շնորհիւ բաւական հարուստ է: Երկրի տարածութեան մօտ $\frac{1}{4}$ -ը ծածկւած է անտառներով, որոնք յայտնի են իրանց բազմազան ծառերով: Դեռ Տակիտոսի ժամանակ Գերմանիան յայտնի էր իր ամենախիտ անտառներով, որոնց թիւը, սակայն, ժամանակի ընթացքում հետզհետէ պակասել է: Այդ տեսակէտից Գերմանիան Միջին և Արեւմտեան Եւրոպայում առաջին երկիրն է, բացառութեամբ Աւստրո-Ունգարիայի:

Գենդանական աշխարհը Գերմանիայում ընդհակառակը այնքան էլ հարուստ չէ: Վաղուց են անյայտացել գերմանական անտառներից դիշատիչ գաղանները: Գերակշռող դեր են կատարում միայն ընտանի կենդանիները:

Գերմանիայի ազգաբնակչութիւնը ($57\frac{1}{2}$ միլ. բն.) բազմազան է գլխաւորապէս գերմանացիներից, որոնք երկրի տիրող տարրն են կազմում: Բացի դրանցից այնտեղ բնակում են նաև չեհացիներ, ուրիշ սլաւոններ և ֆրանսիացիներ. լեհացիները կենտրոնացած են Գերմանիայի արևելեան մասում, իսկ ֆրանսիացիները՝ արևմտեան: Հոենոսի ափին գտնուող մասերը ամենախիտ ազգաբնակչութիւնն ունին, այն ինչ երկրի հիւսիսային մասերը նօսր ազգաբնակչութիւն: Ազգաբնա-

կութեան խտութեան կողմից Գերմանիան Եւրոպայի վեցերորդ պետութիւնն է:

Գերմանիայի ազգաբնակչութեան 64 % -ը պատկանում է բողոքական կամ լուտէրական, իսկ 36% -ը կաթոլիկ դաւանութեան: Առաջին դաւանութիւնը տիրում է հիւսիսային, իսկ երկրորդը՝ հարաւային Գերմանիայում: Գերմանական հրէաների թիւը հասնում է մօտ մէկ միլիօնի:

Իր մտաւոր կրթութեամբ Գերմանիան Եւրոպական երկիրների մէջ առաջնակարգ տեղերից մէկն է զբաւում: Նա ունի զանազան կարգի բազմաթիւ կրթական հիմնարկութիւններ, որոնք հռչակւած են ամբողջ աշխարհում: Ժողովրդական կրթութիւնը տարածւած է Գերմանիայի ազգաբնակչութեան բոլոր խաւերում, իսկ տարրական կրթութիւնը պարտադիր է ամենքի համար:

Բացի Զվէյցարիայից Եւրոպայի և ոչ մի երկիր չունի այնպիսի բարեկարգ ժողովրդական դպրոցներ, որքան Գերմանիան: Նրա համալսարանները աշխարհահռչակ են և ամեն երկիրներից զբաւում են ուսանողներ: Գերմանական համալսարանների թիւը հասնում է 21-ի, որոնցից յայտնի են մանաւանդ Բերլինի, Լայպցիգի, Միւնխենի և այլն համալսարանները:

Գերմանիայի բնակիչները գլխաւորապէս պարապում են հողագործութեամբ, անասնապահութեամբ, արդիւնագործութեամբ և առևտրով: Երկրի տարածութեան գրեթէ կէսի հօղը մշակուում է, որ տալիս զանազան հացահատիկներ, գետնախնձոր և այլն: Հողը մշակուում է նախանձելի կերպով: Սակայն այդ հացաբոյսերը բաւականութիւն չեն տալիս երկրի ազգաբնակչութեան, որ ստիպւած է իր համար անհրաժեշտ հացաբոյսերի մի մասը օտար երկիրներից ստանալ: անասնապահութիւնը կազմում է ազգաբնակչութեան ապրուստի գլխաւոր միջոցներից մէկը: Յայտնի են գերմանական

ձիերը, ոչխարները, մանաւանդ մերինոս կոչւած տեսակը, խոզը և այլն:

Զգալի կերպով դարգացած է Գերմանիայում արդիւնագործութիւնը, որին շատ նպաստում է երկրի մետաղային, հանքային հարստութիւնը, ճանապարհների կանոնաւոր հաղորդակցութիւնը, ազգաբնակութեան խտութիւնը, Գերմանիայի աշխարհագրական դիրքը և այլն: Գերմանական լեռները տալիս են բաւականաչափ մետաղներ և հանքեր. օր. Սուդէթեան, Սաքսոնեան և Հարցի լեռները քարածուխ, երկաթ, արծաթ, պղինձ, արճիճ և այլն: Երկաթի արտահանութեան կողմից Գերմանիան ամբողջ Եւրոպայում երկրորդ տեղն է բռնում Անգլիայից յետոյ:

Նախանձելի վիճակի մէջ է գտնուում և գերմանական առևտուրը, որից կախւած է Գերմանիայի ազգաբնակութեան մի զգալի տոկոսի գոյութիւնը: Գերմանիան ընդարձակ առևտուր ունի, որին շատ են նպաստում նրա աշխարհագրական դիրքը, ջրային և ցամաքային ճանապարհների կանոնաւոր հաղորդակցութիւնը, առևտրական նաւատորմը և հում ու մշակւած նիւթերի արտահանութիւնը: Հում նիւթերի մի մասը Գերմանիան ստանում է Ամերիկայի և Եւրոպայի զանազան երկրներից օր. բամբակ, նաւթ, հացահատիկներ, պղինձ և այլն:

Գերմանիայի պետական կազմը սահմանադրական միապետութիւն է: Գերմանական կայսերութիւնը բաղկացած է 26 անկախ պետութիւններից, որոնցից իւրաքանչիւրը սննի իր յատուկ կառավարութիւնը և օրէնքները, սակայն ամբողջ պետութեան վերաբերող ընդհանուր գործերի զեկավարութիւնը, օր. երկրի պաշտպանութիւնը, օտար պետութիւնների հետ բանակցելը, փոստ-հեռագրական, երկաթուղային և դրամական գործերը գտնուում է Գերմանիայի կայսրի ձեռքում, որի իշխանութիւնը սահմանափակում են ըայխստագը և շայնդտագը: Բայխստագը Գերմանական ժողովրդական ներ-

կայացուցչութիւնն է, իսկ լանդտագը գերմանական պետութիւնների ներկայացուցչութիւնը:

Ամբողջ Գերմանիան բաժանւած է 397 ընտրողական շրջանների, որոնցից իւրաքանչիւրը ընտրում է ըայխստագի համար մի պատգամաւոր 5 տարի ժամանակով: Իսկ լանդտագը բաղկացած է 58 ներկայացուցիչներից, որի նախագահը համարուում է կայսրից ընտրւած և նշանակւած պետական կանցլէրը:

Պրուսիայի թագաւորը միևնոյն ժամանակ և Գերմանիայի կայսրն է, որի աթոռանիստն է ամբողջ Գերմանիայի մայրաքաղաք—*Բեռլին*:

Գերմանիայի կայսերութիւնը բաղկացած է 4 թագաւորութիւններից (*Պրուսիա, Սաքսոնիա, Բաւարիա և Վիւրթեմբերգ*), 6 մեծ հերցոգութիւններից (*Մեկլենբուրգ—Շվեբին, Մեկլենբուրգ—Շտրելից, Օլդենբուրգ, Սաքսէն—Վայմար, Հեսսէն—Դարմշտատ և Բադէն*), 5 հերցոգութիւններից (*Քրաունշվայգ, Անհալտ, Սաքսէն—Մայնինգէն, Սաքսէն—Կոբուրգ—Գոթա և Սաքսէն—Ալտենբուրգ*) 7 իշխանութիւններից (*Լիպպէ—Դետմոլտ, Լիպպէ—Շաումբուրգ, Վալդէկ, Շվարցբուրգ—Չոնդերհաուզէն, Շվարցբուրգ—Ռուդոլֆշտատ, Բէյս աւագ գծի և Ռէյս կրտսեր գծի*), 3 երեք ազատ քաղաքներից (*Համբուրգ, Բրեմէն և Լիբէգ*) և 1 կայրեսական կալւածից (*Էլզաս—Լոթարինգիա*):

ՊՐՈՒՍԻԱՅԻ ԹԱԳԱՒՈՐՈՒԹԻՒՆ

Պրուսիան գերմանական տէրութիւններից ամենամեծն է: Նրա տարածութիւնն է մօտ 6,000 քառ. մղոն, որի վրայ ապրում են 32 միլիօն բնակիչ: Նրա մեծ մասը գտնուում է հիւսիսային գերմանական հարթութեան վրայ, որտեղով

հոսում են երկրի գլխաւոր գետերը: Նրա գլխաւոր նահանգներն են քաղաքներից նշանաւոր են. *Բրանդենբուրգ*, որի գլխաւոր քաղաք *Բերլինը* տէրութեան մայրաքաղաքը և կայսրի աթոռանիստն է: Այս քաղաքը, որ գտնուում է Զպրէ գետի ափին, ամբողջ երկրի մտաւոր, քաղաքական և հասարակական կենտրոնն է: Բերլինը առևտրական նշանաւոր քաղաք է, ունի հռչակաւոր համալսարան և մօտ 2 միլիոն բնակիչ: Բերլինի մօտն է գտնուում և *Պոտնդամ*, որ կայսրի երկրորդ աթոռանիստն է: *Մաքսնիա*, գլխաւոր քաղաքն է *Մազդեբուրգ*, էլբա գետի ափին, շաքարի առևտրի գլխաւոր կենտրոններից մէկն է. այդ քաղաքը ունի 250,000 բնակիչ: Այդ նահանգումն է գտնուում նաև *Հալլէ* համալսարանական և առևտրական քաղաքը: *Շլեզիա*, գլխաւոր քաղաքն է *Բրեսլաու*, որ գտնուում է Օդեր գետի ափին, ունի մօտ 400,000 բնակիչ և համալսարան: Բրեսլաուն յայտնի է իր մեքենաներով և ոսկի ու արծաթէ գործուածքներով: Նահանգի երկրորդ քաղաքն է *Գիորլից*, որ մեծ առևտուր ունի: *Իսկական Պրուսիա*, գլխաւոր քաղաքներն են *Մեմել*, *Զեմիգալ*, *Դանցիգ* և *Տօրն*: Քիօնիգսբերգը Գերմանիայի երրորդ նշանաւոր նաւահանգիստն է, որ ընդարձակ առևտուր ունի: Ունի 200,000 բնակիչ և բաւական յայտնի համալսարան: Դանցիգը ցորենի և փայտի մեծ առևտուր ունի և յայտնի ամրոց է, իսկ Տօրնը պաշտպանում է Գերմանիայի արևելեան սահմանը: *Պոմերանիա*, որի գլխաւոր քաղաքն է *Շտետտին*, իսկ վերջինիս նաւահանգիստը՝ *Սվինսմիլնդէ*: *Պօզնան* համանուն գլխաւոր քաղաքով, որ նշանաւոր բերդ է: *Հօլշտայն*, գլխաւոր քաղաքն է *Բիլ*, որ պատերազմական նշանաւոր նաւահանգիստ է, որտեղ կանգնում է Գերմանական նաւատորմը: Երկրորդ քաղաքն է *Ալթօնա*: *Շլեզվիգ—Փլենսբուրգ* գլխաւոր քաղաքով. *Հաննովէր*, համանուն գլխաւոր

քաղաքով: *Վեստֆալիա*, որ յայտնի է իր քարածխի և երկաթի հանքերով: Գլխաւոր քաղաքներն են *Բիլեֆէլդ* և *Դորտմունդ*: *Հոննոսեան* նահանգ, որտեղ շատ զարգացած է արդիւնագործութիւնը, քարածխի և երկաթի հանքերի առատութեան շնորհիւ: Գլխաւոր քաղաքներն են *Կօլլէնց*, *Զեօլն*, որ առևտրական նշանաւոր քաղաք է: Քելօնը յայտնի է իր օդըկօյօն կոչւած անուշահոտ ջրով և եկեղեցով, որ գլխական ճարտարապետութեամբ ամենամեծ և ամենագեղեցիկ շինութիւնն է աշխարհում: *Դրասելորֆ*, յայտնի է մերենաների գործարաններով: *Կրեֆէլդ*, *Ախէն* և *Էսսէն*: Վերջինս յայտնի է շուգունի գործարաններով, որտեղ պատրաստում են Գրուպիի թնդանօթները: *Հեսսէն—Նասսաու*, որ նշանաւոր իր գինիներով: Գլխաւոր քաղաքներն են *Կասսէլ* և *Փրանկֆուրտ* (Մայնի վրայ): Երկուսն էլ առևտրական խոշոր քաղաքներ են, մանաւանդ վերջինը: Այդ նահանգումն են գտնուում և *Վիսթադէն*, *Շվալբախ*, *Էմս*, *Սօդէն* և *Զելտէրս*, որոնք յայտնի են իրանց հանքային բուժիչ ջրերով:

ՍԱՔՍՈՆԻԱՅԻ ԹԱԳԱՒՈՐՈՒԹԻՒՆ

Սաքսոնիայի թագաւորութիւնը բռնում է Սաքսոնիան—Հանքային լեռների հիւսիսային փեշերը և գերմանական ցածրը հարթութեան մի մասը և ոռոգւում է էլբա գետով: Այստեղ հողը օրինակելի կերպով մշակուում է և որովհետև երկրի խիտ ազգաբնակչութիւնը (մօտ 4 միլիոն) չէ կարող միայն հողագործութեամբ իր գոյութիւնը պահպանել, դրա համար պարապում է նաև հանքագործութեամբ և արդիւնագործութեամբ:

Սաքսոնիայի մայրաքաղաքն է *Դրէզդէն*, որ միևնոյն ժամանակ թագաւորութեան աթոռանիստն է: Այս քաղաքը Գեր-

մանիայի ամենագեղեցիկ քաղաքներից մէկն է, ունի 340,000 բնակիչ և նշանաւոր է իր զեղարուեստական աշխարհահռչակ թանգարաններով (նկարչական գալլերէա և այլն): Մայզէն— նշանաւոր է իր յախճապակէ իրերի գործարաններով: *Լայպցիգ*, Գերմանիայի ամենանշանաւոր առևտրական քաղաքներից մէկը, ունի 400,000 բնակիչ և հռչակաւոր համալսարան: Լայպցիգում տեղի են ունենում տարեկան 3 տօնավաճառներ, որոնց մասնակցում են ոչ միայն գերմանական, այլ և աշխարհիս մի քանի նշանաւոր երկիրների քաղաքները: Լայպցիգը յայտնի է իր տպարաններով, գրավաճառանոցներով և նշանաւոր երաժիշտներով: *Զեմսից*, գործարանական նշանաւոր քաղաք է:

ԲՄԱՐԻԱՅԻ ԹԱԳԱՒՈՐՈՒԹԻՒՆ

Քաւարիայի թագաւորութիւնը իր մեծութեամբ Գերմանիայի երկրորդ թագաւորութիւնն է, որ ունի 6 միլիօնից աւելի բնակիչ և 1,400 քառ. մղոն տարածութիւն: Տէրութեան մայրաքաղաքը և աթոռանիստն է Միւնխէն, Իզար գետի ափին, ունի 400,000 բնակիչ, նշանաւոր համալսարան և բոլոր զեղարուեստների վերաբերեալ թանգարաններ, որոնք զէպի իրանց են գրաւում բազմաթիւ զեղարուեստագէտների: Միւնխէնը հռչակաւոր է նաև բաւարական կոչւած գարեջրով: *Ռէզենսբուրգ*, *Աուգսբուրգ*, և *Նիւրնբերգ*—առևտրական և գործարանական նշանաւոր քաղաքներ են, որոնցից վերջինս յայտնի է «գերմանական թանգարան»-ով, որտեղ ամփոփւած են միջնադարեան զեղարուեստների վերաբերող նշանաւոր յիշատակարանները:

ՎԻՒՐԹԵՆԲԵՐԳԻ ԹԱԳԱՒՈՐՈՒԹԻՒՆ

Այս թագաւորութեան քաղաքնակութեան թիւը 2 միլիօնից աւելի է, որի մայրաքաղաքը և աթոռանիստն է Շտուտգարդ: Վերջինս ունի մօտ 160,000 բնակիչ և յայտնի է իր խոշոր տպարաններով: *Ուլմ*, առևտրական քաղաք է: *Բադէնի մեծ հերցոգութեան* մայրաքաղաքը և աթոռանիստն է *Կարլսրուէ*: *Մանհայմ*, առևտրական նշանաւոր քաղաքներից մէկն է. *Հայդելբերգ*—յայտնի է իր հռչակաւոր համալսարանով և *Բադէն*—*Բադէն*—հանքային աշխարհահռչակ աղբիւրներով:

Հեսսէն—*Դարմշտատի* մեծ հերցոգութեան մայրաքաղաքը և աթոռանիստն է *Դարմշտատ*: *Մայնց*, առևտրական մեծ քաղաք է, որ յայտնի է իր կաշեգործարաններով:

Էլզաս Լոթարինգիա—կայսերական կալուածի գլխաւոր քաղաքն է *Ստրասբուրգ*, որ նշանաւոր առևտուր ունի և միևնոյն ժամանակ յայտնի բերդաքաղաք է: Երկրորդ բերդաքաղաքն է *Մետց*:

Գերմանիայի երեք ազատ քաղաքներն են *Համբուրգ*, *Լիւքէգ* և *Բրեմէն*: Այդ քաղաքներից առաջինը Գերմանիայի առաջին առևտրական նաւահանգիստն է, որ ունի մօտ 630,000 բնակիչ: Միևնոյն տեսակէտից աչքի են ընկնում երկրորդ և երրորդ քաղաքները:

Գերմանիային միւս մայր ցամաքներում պատկանում են հետևեալ վաղութները.

Աֆրիկայում—*Տօգօ* Վերին Գվինէայում, *Կամերուն*, *Գերմանական Հարաւ-Արևմտեան Աֆրիկա*, *Գերմանական Արևելեան Աֆրիկա*:

Ասիայում—*2* ինաստանի ափերում *Կիաօ*—*Չաու*:

Աւստրալիայում—*Մարիանեան*—*Կարոլինեան*, *Մարշալ*—

եան և Սողոմոնեան կղզիները, նոր Գլինէայի հիւսիս-արևելեան մասը, Բիսմարկի Երջիակազը (Նոր-Գոմերանիա և Նոր-Մեկկենբուրգ) և Սամօա: Գերմանական բոլոր գաղութները ազգաբնակչութեան թիւը հասնում է մօտ 15 միլիօնի:

ԱՄՍՏՐՕ-ՈՒՆԳԱՐԻԱՅԻ ԿԼԵՍՐՈՒԹԻՒՆ

Աւստրո-Ունգարիայի կայսրութիւնն էլ գտնուում է Միջին Եւրօպայում և սահմանափակւած է Ռուսաստանով, Ռումինիայով, Սերբիայով, Թիւրքիայով, Լարադադով, Իտալիայով, Զվէյցարիայով և Գերմանիայով: Իր դիրքով նա էլ մի իսկական ցամաքային պետութիւն է: Բացառութիւն է կազմում միայն Աւստրո-Ունգարիայի մի աննշան մասը, որ ոռոգւում է Ադրիական ծովով: Նրա ամբողջ տարածութիւնը (Բօսնիայի և Հերցոգովինայի հետ) 11,000 քառ. մղոն է, որի վրայ ապրում են մօտ 47 միլիօն բնակիչ:

Իր մակերևոյթի կազմութեամբ Աւստրո-Ունգարիան ներկայացնում է մի բարձր և լեռնոտ երկիր, որի արևմտեան կողմում տարածուում են Ալպեան, հիւսիս-արևմտեան կողմում՝ Բոհեմիայի և Մորաւիայի, իսկ արևելեան կողմում՝ Կարպատեան լեռները: Աւստրո-Ունգարիայի ամբողջ տարածութեան 3/4 մասը բարձր և լեռնոտ մակերևոյթ ունի: Այդ տարածութեան կենտրոնական մասը զլխաւորապէս ցածր հարթութիւն է ներկայացնում:

Ոռոգման տեսակէտից Աւստրո-Ունգարիան բաւարար վիճակի մէջ է գտնուում: Նրա մայր գետը Դանուպն է Ին, Դաւա, Սավա, Մօրաւա և Տիսսա վտակներով: Բացի դրանից Աւստրիային են պատկանում Էչ, Գնեստր, Վիսլա, Օդեր և Էլբա գետերի վերին հոսանքները: Սակայն այդ գետերը այն-

պիսի յարմարութիւններ չունին, ինչպէս որ Եւրօպայի մի քանի առաջնակարգ երկիրների գետերը: Դրանք արապահոս են, իրար հետ միացած չեն՝ ջրանցքներով, որովհետև անջատւած են միմեանցից լեռներով և աննաւարկելի են, որովհետև այդ գետերի միայն վերին մասերն են հոսում Աւստրիայում:

Աւստրո-Ունգարիայի կլիման Գերմանիայի կլիմայից աւելի տաք է, որովհետև նրանից աւելի հարաւ է գտնուում: Նրա կլիման ընդհանրապէս ցամաքային է, որովհետև երկիրը գրեթէ ամբողջապէս չըջապատւած է լեռներով և ազատ է ծովերի ազդեցութիւնից: Բացառութիւն է կազմում նրա միայն մի շնչին մասը, որ գտնուում է Ադրիական ծովի ափին. դրա համար էլ այդ մասում աճում են նոյն իսկ հարաւային պտղատու ծառերը: ամենից շատ ցամաքային է կլիման Աւստրիայի հարաւային մասում՝ Ունգարիայում: Ըստ իր կլիմայի Աւստրիան բաժանւում է հիւսիսային, միջին և հարաւային մասերի: Հիւսիսային մասը գտնուում է հիւսիս արևելեան հողմերի ազդեցութեան տակ և խաղող չէ տալիս, միջին մասերում աւատութեամբ աճում է խաղողը, իսկ հարաւային մասերում, որ գտնուում է հարաւային հողմերի ճանապարհի վրայ, աճում են կանաչ ծառեր և հարաւային պտուղներ: Անձրևներ շատ են գալիս Աւստրո-Ունգարիայի արևմտեան կէտում:

Իր ազգաբնակչութեան բազմութեամբ Աւստրիան Եւրօպայի երրորդ տէրութիւնն է, Ռուսաստանից և Գերմանիայից յետոյ, իսկ բազմութեան կողմից նրանից գերադաս է միայն Բալկանեան թերակղզին: Ազգաբնակչութեան խտութեամբ՝ Աւստրո-Ունգարիան Եւրօպայի հինգերորդ երկիրն է: Խիտ ազգաբնակչութիւն ունի նրա հիւսիս-արևմտեան մասը, այն ինչ արևմտեան լեռնոտ նահանգները, ընդհակառակը: Երկրի ազգաբնակչութեան բազմազանութիւնը կարելի է բացատրել զլխաւորապէս Աւստրո-Ունգարիայի աշխարհագրական դիրքով: Այս երկիրը Ասիայից Եւրօպա գաղթած շատ ազգերի համար ժամանակա-

ուր ապաստան է եղել, որովհետև ճանապարհի վրայ է եղել: Աւստրո-Ունգարիայում ապրում են սլաւոնական, գերմանական, ռումանական և մոնղոլական ցեղերին պատկանող ազգեր: Նրա ազգաբնակիչները կազմում են սլաւոնական ցեղին, որ բազմաթիվ է չեխերից, ռուսիններից, լեհացիներից, էստոնացիներից, սլաւոններից և սերբերից: Այդ ցեղին պատկանող բնակիչներին թիւը հասնում է մօտ 20 միլիոնի: Գերմանական ցեղին պատկանում են միայն գերմանացիները, որոնք հանգիստնում են երկրի տիրող տարրը, ցրուած Աւստրո-Ունգարիայի գրեթէ բոլոր մասերում: Գրանց թիւը հասնում է մօտ 12 միլիոնի: Ռօմանական ժողովուրդներն են իտալացիները և ռումինները, որոնց թիւը հասնում է մօտ 4 միլիոնի: Աւստրիայում մոնղոլական ցեղի ներկայացուցիչներն են ուզբեկները կամ մաջարները, թիւով մօտ 8 միլիոն: Կան նաև երկու միլիոն հրէաներ և գնչուներ, որոնց գրեթէ թիւը բաւական աննախանձելի է: Սլաւոնական ցեղին պատկանող ժողովուրդները բաժանուած են հիւսիսային և հարաւային սլաւոնացիների: Առաջինն պատկանում են չեխերը, մօրովացիները, սլօվակները, լեհերը և ռուսինները, իսկ երկրորդին՝ սերբերը, խրուածները և սլօվինները:

Ըստ կրօնական գաւանդութեան Աւստրո-Ունգարիայի ժողովուրդները բաժանուած են կաթօղիկների (տիրապետող գաւանդութիւնը), ուղղափառների, ըողոքականների, մոլօսիականների, մահմեդականների և այլն:

Կրթութիւնը հաւասար չափով չէ տարածուած Աւստրո-Ունգարիայի բոլոր մասերում: Գերմանական ազգաբնակիչներն ունեցող նահանգներում ժողովրդական կրթութիւնը աւելի նախանձելի գրութեան մէջ է գտնուում, քան սլաւոնական և ռօմանական նահանգներինը: Մտաւոր կուլտուրայի տեսակէտից բացասական գրութեան մէջ են գտնուում մանաւանդ Աւստրո-Ունգարիայի արևելեան նահանգները, որոնց

բազմազան լեզուները արգելք են հանդիսանում ժողովրդական կրթութեան զարգացմանը: Մօտ 3000-ի է հասնում այն դպրոցների թիւը, որոնց մէջ դասատուութիւնը մի քանի լեզուներով է կատարուած. օր. գերմաներէն, լեհերէն, ռուսերէն և այլն: Գերմանական նահագներում գրեթէ բոլորը գիտեն գրել և կարդալ, այն ինչ Գալմացիայում, Բուքովինայում, Սլաւօնիայում, Զիբենբիւրգէնում անդրադէտ բնակիչների թիւը ահագին տոկոս է կազմում: Սակայն շնայելով դրան Աւստրո-Ունգարիան ունի բաւականաչափ տարրական, միջնակարգ, մասնագիտական դպրոցներ և 11 համալսարան, որոնցից 5-ը գերմանական են (Վիեննա, Գրաց, Պրագա, Ինսբրուք և Զերնուլից), և 6-ը ոչ գերմանական (Պրագա, Կրակով, Լեմբերգ, Պեշտ, Կլաուզենբուրգ և Յգրամ):

Աւստրո-Ունգարիան թէև Զվէյցարիայի նման լեռնոտ երկիր է, սակայն մշակելի տարածութիւնը աւելի մեծ տեղ է բռնում, այն ինչ անյարմար մասը երկրի 1/10 տարածութիւնն է կազմում: Երկրի մնացած տարածութիւնը բազմապէս լեռնաշղթայից արտատեղերից, խիտ անտառներից և մշակած դաշտերից: Այդ դաշտերի վրայ ցանում են եւրօպական գրեթէ բոլոր բոյսերը: Աւստրո-Ունգարիայի լեռները հարուստ են մի շարք հանքերով և մետաղներով, որոնցից սակայն այնքան էլ ցանկալի կերպով չեն օգտուում երկրի բնակիչները: Գրանցից նշանաւոր են երկաթ, պղինձ, արծաթ, քարածուխ, նաւթ, աղ և այլն: Աւստրո-Ունգարիան, մանաւանդ նրա Բոհեմիա և Ունգարիա կոչուած մասերը ունին աշխարհահռչակ բազմաթիւ հանքային ջրեր, որոնք բուժիչ յատկութիւն ունին և ամեն տարի տասնեակ հազարաւոր հիւանդներ են գրաւում:

Աւստրո-Ունգարիայի բնակիչները պարապում են հողագործութեամբ, հանրագործութեամբ, անասնապահութեամբ, արդիւնագործութեամբ և վաճառականութեամբ:

Հողագործութեամբ պարապողները գլխաւորապէս մշակում են հացարոյսի, ցորեն, հաճար, եգիպտացորեն, որոնց մի մասը արտահանուում է օտար երկիրներ: Աւստրո-Ունգարիան յայտնի է նաև միջին Եւրօպական և հարաւային պրտուղներով, սրսնք անագին քանակութեամբ մշակուում են: Յայտնի են աստրիական խաղողը (ունգարական գինի) և ծըխախոտը:

Մասնապահութիւնը կազմում է երկրի բնակիչների գլխաւոր զբաղմունքներից մէկը. անասուններից նշանաւոր են ունգարական ձին, որ Եւրօպական հռչակ ունի: Հանքագործութիւնը ևս չէ հասել իր ցանկալի զարգացման, չնայելով որ Աւստրո-Ունգարիայի լեռները հարուստ են, ինչպէս վերևում ասացինք, մի շարք մետաղներով և հանքերով:

Երկրի արդիւնագործութիւնն էլ զարգացած դրութեան մէջ չէ գտնուում, այնպէս որ այդ տեսակէտից Աւստրո-Ունգարիան կախումն ունի Եւրօպայի արդիւնագործական մի քանի երկիրներից: Արդիւնագործական մի քանի ճիւղերում նա կատարելագործութեան մի սրոշ աստիճանի է հասել. օրինակի համար աւստրիական աթոռները, տնային ուրիշ կահկարասիներ, կառքեր և ֆիզիքական ու երաժշտական մի քանի գործիքները:

Աւստրո Ունգարիայի բնական պայմանները՝ երկրի մակերևոյթի կազմութիւնը և սոսոգումը այնքան էլ նպաստաւոր չեն առևտրի զարգացման համար, սակայն չնայելով այդ անբարեյաջող հանգամանքին, առևտուրը ժամանակի ընթացքում հետզհետէ առաջադիմում է, որովհետև երկիրը ծածկուում է երկաթուղիների նոր ցանցերով: Առևտրական տեսակէտից Աւստրո-Ունգարիան ունի երկու խոշոր կենտրոններ՝ Վիեննա և Տրիեստ քաղաքները:

Մեղանից մօտ 20 տարի առաջ Աւստրո-Ունգարիան դեռ ևս արդիւնագործական երկիր չէր և բաւականանում էր մի-

այն հում նիւթեր արտահանելով դէպի արևմտեան երկիրները, իսկ այժմ նա արտահանում է նաև իր սեպհական գործարանների ապրանքները: Արտահանութեան նիւթերը կազմում են փայտ, շաքար, անասուններ, քարածուխ, հացահատիկներ, կաշուէններ և այլն, իսկ ներմուծում է բամբակ, մեքենաներ, բուրդ, ծխախոտ և այլն:

Աւստրո-Ունգարիան սահմանադրական միապետութիւն է: Պայսրի իրաւունքը սահմանափակում է աւստրիական ըայխսրաթը:

Աւստրիան բաղկացած է երկու միացեալ տէրութիւններից, որոնցից իւրաքանչիւրը ունի իր յատուկ սահմանագրութիւնը: Երկու տէրութիւններն են՝ Աւստրիա և Ունգարիա կամ Մաճառստան, որոնցից առաջին մայրաքաղաքն է Վիեննա, իսկ երկրորդինը՝ Բուդա-Պեշտ:

Աւստրիայի նահանգներից և քաղաքներից նշանաւոր են. Աւստրիայի էրցհերցոգութիւն, գլխաւոր քաղաքն է Վիեննա, որ միևնոյն ժամանակ ամբողջ պետութեան մայրաքաղաքը և աթոռանիստն է: Ունի մօտ 1¹/₂ միլիօն բնակիչ, հռչակաւոր համալսարան և առևտրական մեծ նշանակութիւն. Վիեննան ամբողջ երկրի մտաւոր և քաղաքական կենտրոնն է: Եւրօպայի քաղաքներից շատ բշերը այնպիսի նշանաւոր դիրք ունին, ինչպիսին Վիեննայինն է: Այդ մայրաքաղաքը Եւրօպայի ամենագեղեցիկ քաղաքներից մէկն է: Այդ նահանգի միւս քաղաքներից նշանաւոր են Լինց և Շտայէր:

Չալցըուրգ — գլխաւոր համանուն քաղաքով: Այդ նահանգի բնութիւնը շատ գեղեցիկ է և հարուստ է աղի հանքերով:

Թիրօլ և Փօրալբէրգ, գլխաւոր քաղաքներն են Ինսբրուգ, Տրիենտ, Մերան և Բօցէն: Վերջին երկուսը յայտնի են իբրև նշանաւոր կուրօրտներ:

Շտիրիա — Գրաց, որ նշանաւոր առևտրական քաղաք է:

Կարինթիա — գլխաւոր քաղաքն է *Կլազէնֆուրտ*։

Կրայնա — Դոլբնա — գլխաւոր քաղաքով։ Միւս քաղաքներից նշանաւոր է *Լայպահ*։

ժովեգնայ երկիր — գլխաւոր քաղաքն է *Տրիեստ*, գտնւում է Ադրիատիքական ծովի ափին և Եւրոպայի առևտրական նշանաւոր նաւահանգիստներից մէկն է, ունի մօտ 200,000 բնակիչ։ Պօլա Աւստրիայի պատերազմական նշանաւոր նաւահանգիստն է։

Դալմացիա, գլխաւոր քաղաքն է *Տարա*, որ նշանաւոր նաւահանգիստ է և առևտուր է անում Զերնօգօրիայի իշխանութեան հետ։

Բոհեմիա — գլխաւոր քաղաքն է *Պրագա*, որ Աւստրիայի առևտրական և արդիւնաբերական նշանաւոր քաղաքներից մէկն է։ Վերոյիշեալ նահանգը անտառաշատ է, ունի հանքային մեծ հարստութիւն և խիտ ազգաբնակչութիւն։ Պրագայում երկու համալսարան կայ, մէկը գերմանական, միւսը չեխական։ Բոհեմիայում են գտնւում *Մարիենբատ* և *Կարլսբատ* աշխարհահռչակ հանքային ջրերը։

Գալիցիա — գլխաւոր քաղաքն է *Կրակով*, որ առևտրական քաղաք և նշանաւոր ամրոց է։ Երկրորդ նշանաւոր քաղաքն է *Լեմբերգ* կամ *Լվօվ*, որի բնակիչները առևտուր են անում Ռուսաստանի հետ։ Լեմբերգ և Կրակով քաղաքները 15 — 16-րդ դարերում կազմում էին Լեհաստանի հայ գաղթականութեան գլխաւոր կենտրոնները։ Այդ գաղթականութեան անդամների թիւը հասնում էր մօտ 40,000 հարնտանիքի, որոնք ժամանակի ընթացքում, մանաւանդ Լեմբերգի Նիկօլ Թորոսովիչ հայ կաթողիկէ առաջնորդի օրով կաթողիկոսութիւն ընդունեցին և հետզհետէ իրանց յարաբերութիւնը կտրելով մայր հայրենիքի հետ, ձուլուեցան Լեհաստանի տիրապետող տարրի հետ։ Մինչև այսօր էլ Լեմբերգում և մի քանի ուրիշ քաղաքներում մնացել են այդ կաթո-

ղիկ հայերի մնացորդները։ Լեմբերգում դեռ այսօր էլ կանգուն է հայոց եկեղեցին և մնացել է հայկական փողոցը։

Բուլղովինա — գլխաւոր քաղաքն է *Չերնօվից*, առևտուր է անում Ռուսաստանի և Ռումինիայի հետ։ Այս նահանգում մինչև այսօր էլ մնացել հայկական մի մեծ գաղթականութեան մնացորդները, որոնց թիւը ժամանակի ընթացքում աստիճանաբար նուազել է։ Չնայելով որ կաթողիկէ հոգևորականութիւնը այդ հայերին էլ աշխատել է դաւանափոխ անել, սակայն նրանք կարողացել են պահպանել իրանց կրօնը և լեզուն։

Ունգարիայի նահանգներից և քաղաքներից նշանաւոր են-

Տրանսիլվանիա — գլխաւոր քաղաքն է *Կրօնշտատ*։ Այս նահանգի ազգաբնակչութիւնը բաղկացած է ունգարներից, ռումիններից, գերմանացիներից, հայերից և վնչուններից։ Հայերը այն մեծ գաղթականութեան մնացորդներն են, որոնք երբեմն մեծ դեր էին խաղում այս նահանգում և Աւստրիական կայսրներից մեծամեծ արտօնութիւններ ստացան։ Սակայն կաթողիկէ հոգևորականութեան շնորհիւ վերոյիշեալ հայերի մի մասն էլ հեռացաւ իր դաւանութիւնից և հետզհետէ օտարացաւ։ Մինչև այսօր էլ մնում է հայերի հիմնածառայաբար կամ *Արմենիերշտատը*, որ մի ժամանակ մի ինքնավար փոքրիկ իշխանութիւն էր կազմում, որ ունէր իր հայ քաղաքապետը և դատարանը։

Ունգարիա — գլխաւոր քաղաքն է *Բուդա-Պեշտ*, առևտրական շատ նշանաւոր քաղաք է, որ ունի մօտ 1/2 միլիօն բնակիչ։

Պրեսբուրգ — ունգարական թագաւորների երբեմնի աթոռանիստն է։

Նորուաթիա — գլխաւոր քաղաքն է *Ագրամ*, որ ունի համալսարան։ Երկրորդ քաղաքն է *Փիումէ*, որ գտնւում է Ատրիատիկ ծովի ափին և առևտրական նաւահանգիստ է։

Աւստրո-Ունգարիայի կայսերութեան գերիշխանութիւնն են ճանաչում նաև Բօսնիան և Հերցօզովինան, որոնց ազգաբնակչութեան զլիաւոր տարրը կազմում են սերբերը: Գլխաւոր քաղաքն է Սարաեւօ: Այդ երկու վայրերի բնակիչները անունով ճանաչում են նաև Թիւրքիայի սուլթանի գերիշխանութիւնը:

ՀՈՂԱՆՂԻԱՅԻ ԹԱԳԱՌՐՈՒԹԻՒՆ

Այս թագաւորութիւնը, որ գտնուում է Գերմանիայի հիւսիս-արևմտեան կողմում, ունի մօտ 650 քառ. մղոն տարածութիւն, որի վրայ ապրում են 5 միլիօնից աւելի բնակիչ: Հողանղիայի կամ Նիդերլանդիայի (Ստորին երկիր) սահմանները կազմում են Հիւսիսային կամ Գերմանական ծովը, Քելզիան և Գերմանիան:

Հողանղիան, որ գտնուում է Գերմանական հարթութեան շարունակութեան վրայ, ամբողջ Եւրօպայի ամենացածր երկիրն է: Նրա ամբողջ տարածութեան մի քանի մասերը նոյն իսկ ծովի մակերևոյթից ցածր են և շատ կլիմայական հարևան ծովից, եթէ արհեստական պատնէշները չլինէին, որոնք երկիրը ազատում են հեղեղումներից: Այդպիսի պատնէշներ են գտնուում նաև երկրի մեծ գետերի ափերին: Հին ժամանակները վերոյիշեալ հեղեղումները ահագին վնասներ են տուել երկրի բնակիչներին և նրանցից շատերին նոյն իսկ խեղդամահ արել: Իր մակերևոյթի կազմութեամբ Հողանղիան Չվեյցարիայի հակապատկերն է ներկայացնում, իսկ ուղղման կողմից Եւրօպայի առաջին երկիրն է: Նա ջրերով ամենահարուստ երկիրն է Եւրօպայում: Հողանղիան ուռուցում է զբլիսաւորապէս Հոննոս, Մասս և Զելդա գետերով, որոնք միմեանց հետ միացած են ջրանցքներով: Այդ գետերը և նրանց

միացնող ջրանցքները երկրի ներքին հաղորդակցութեան դարգացման համար ամենամեծ ծառայութիւնն են մատուցանում: Ջրանցքների թիւը այնքան շատ է, որ նրանք ծառայում են փողոցների, իսկ նրանց վրայ երթևեկող նաւերը կառքերի փոխարէն:

Հողանղիայի ափերի մօտ գտնուում են մի շարք մեծ ու փոքր կղզիներ, որոնց վրայ բաւականաչափ մարդիկ են բնակում:

Հողանղիայի կլիման ծովային է և ջրերի առատութեան շնորհիւ խոնաւ: Նրա երկիրը գրեթէ միշտ ամպամած է, երկիրը պատած մառախուղով, սալսափելի անձրևներ են գալիս ամառը, իսկ ձմեռը՝ շատ ձիւն:

Անտառները հաղուագիւտ են Հողանղիայում, որի տարածութեան մեծ մասը արօտաանդիներից և այգիներից է բաղկացած, մանաւանդ երկրի արեւելեան մասում:

Հողանղիայի ազգաբնակչութիւնը բաղկացած է հողանղացիներից, ֆլամանդացիներից և գերմանացիներից, որոնք բոլորն էլ պատկանում են գերմանական ցեղին: Այդ ազգաբնակչութեան $\frac{3}{5}$ -ը պատկանում է բողոքական, իսկ մնացածը՝ կաթոլիկ դաւանութեան: Այնտեղ ապրում են նաև բաւականաչափ հրէաներ, որոնք մեծ մասամբ գաղթել են Խսպանիայից:

Երկրի տիրապետող տարրը իր թիւով, լեզուով և քաղաքակրթութեամբ կազմում է հողանղականը, որ մի յանդուհանդիման, աշխատասէր և անկեղծ ժողովուրդ է: Նայելով տարածութեան, Հողանղիան ունի շատ խիտ ազգաբնակչութիւն և այդ տեսակէտից (իւրաքանչիւր քառ. կիլոմետրի վրայ 157) նա ամբողջ Եւրօպայի երկրորդ տէրութիւնն է: Ամենից խիտ ազգաբնակչութիւն ունի Հողանղիայի արևմտեան ծովեզրեայ մասը: Ժողովրդական կրթութեան տեսակէտից Հողանղիան Եւրօպայի նախանձելի երկիրներից մէկն է: Այնտեղ գոյութիւն ունին ժողովրդական բազմաթիւ միջնա

կարգ դպրոցներ և 4 համալսարան, որոնցից Եւրօպական հօշակ վայելողը Լայդէնի համալսարանն է: Հոլլանդիայում նոր փորձեր են անում տարրական կրթութիւնը երկրի ամբողջ ազգաբնակչութեան համար պարտադիր անելու:

Հոլլանդիայի բնակիչները պարապում են հողագործութեամբ, ձկնորսութեամբ, անասնապահութեամբ, կաթնատընտեսութեամբ (հոլլանդական կաթ և պանիր), նաւաշինութեամբ և առևտրով: Երկրի արտադրած հացահատիկները ամբողջ ազգաբնակչութեան բաւականութիւն չեն տալիս և դրա համար դրանց մի մասը ստանում են օտար հարևան երկրներից:

Որովհետև Հոլլանդիայի տարածութեան մեծ մասը արօտատեղիներից է բաղկացած, դրա համար էլ անասնապահութիւնը այնտեղ շատ զարգացած է: Չատ բնդարձակ է երկրի ծովային առևտուրը, որի շնորհիւ հոլլանդացիները դարձել են Եւրօպայի առևտրական նշանաւոր ժողովրդներից մէկը. նրանք նաև հմուտ ծովագնացներ են:

Հոլլանդիայի կառավարութիւնը սահմանադրական միապետութիւն է: Թագաւորի իրաւունքները սահմանափակւած են պարլամենտով, որ կոչւում է *գեներալ շտատներ*:

Հոլլանդիան բաժանւում է 11 նահանգների, որոնցից իւրանց գլխաւոր քաղաքներով նշանաւոր են.

Հիւսիսային — *Հոլլանդիա*, որ կազմում է մի թերակղզի: Գլխաւոր քաղաքն *Ամստերտամ*, ($\frac{1}{2}$ միլիօն բնակիչ), շինւած է ձողերի վրայ և յիշեցնում է իր ջրանցներով Իտալիայի Վենետիկ քաղաքը: Ամստերտամը Հոլլանդիայի միակ անվտանգ նաւահանգիստն է, որտեղ մտնում են ամենամեծ նաւերը: Այս քաղաքը հոլլանդական գաղութների հետ բնդարձակ առևտուր ունի: Ամստերտամը յայտնի է իր գործարաններով, որտեղ սղորկում են ալմաստը: Այդ քաղաքի մօտն է

գտնւում *Ջանդամ*, որտեղ Պետրոս Մեծը սովորեց նաւաշինութիւնը:

Հարաւային — *Հոլլանդիա*, որ երկրի ամենախիտ ազգաբնակչութիւն ունեցող նահանգն է: Գլխաւոր քաղաքն է *Հաագա*, որ տէրութեան մայրաքաղաքն ու թագաւորի աթոռանիստն է: *Լայդէն* և *Ռոթթէրդամ*, որքան առևտրական նըշանաւոր քաղաքներ են: Առաջինը յայտնի է իր համալսանով և ամբողջ երկրի մտաւոր կենտրոնն է:

Ուտրեխտ — համանուն գլխաւոր քաղաքով, որտեղ ծաղկած են առևտուրը և արհեստները:

Հոլլանդիային պատկանում են հետևեալ գաղութները.

Ասիայում — *Ջոնդան* և *Մոլուկեան* կղզիները, բացառութեամբ *Բօրնէօ* կղզու հիւսիսային մասի:

Ամերիկայում — *Գվիանա* կղզու մի մասը և *Անթիլեան* կղզիներից մի քանիսը:

Աւստրալիայում — *Նոր-Գվինէա* կղզու արևմտեան մասը:

Լիւքսեմբուրգի մեծ հերցօգութիւնը գտնւում է Բելգիայի հարաւարեւելեան կողմում և ներկայացնում է մի անտառաշատ երկիր, որի մօտ 225,000 աշխատասէր բնակիչները պարապում են հողագործութեամբ և հանքագործութեամբ (երկաթ): Գլխաւոր քաղաքն է *Լիւքսեմբուրգ*:

ԲԵԼԳԻԱՅԻ ԹԱԳԱՌՈՐՈՒԹԻՒՆ

Բելգիայի թագաւորութիւնը գտնւում է Հոլլանդիայի հարաւային կողմում, Գերմանական ծովի ափին: Նրա սահմանները կազմում են Հոլլանդիան, Պրուսիան, Լիւքսեմբուրգը, Գերմանական կամ Հիւսիսային ծովը և Ֆրանսիան: Ամբողջ երկրի տարածութիւնն է 500 քառ. մղոն, որի վրայ ապրում են մօտ 7 միլիօն բնակիչ:

Ըստ իր մակերևոյթի կազմութեան, Բելգիան բաժանուում է երկու միմեանցից տարբեր մասերի՝ հիւսիս-արեւմտեան ցածր և հարաւ-արեւելեան բարձր կամ լեռնոտ Բելգիա։

Բելգիայի առաջին մասի կլիման ընդհանրապէս բարեխառն և ծովային է։ Այդ մասի հողը օրինակելի կերպով մշակւած է, սակայն չնայելով այդ հանգամանքին հողագործութեան արդիւնները բաւականութիւն չեն տալիս ամբողջ երկրի ազգաբնակչութեան, որովհետեւ վերջինս շատ խիտ է։

Բելգիայի հարաւ-արեւելեան բարձր մասը ընդհանրապէս լեռնոտ է, որը հարուստ է երկաթի և քարածխի հանքերով։ Պրա համար Բելգիայի արդիւնագործութիւնը շատ զարգացած է (մանաւանդ մետաղեայ ապրանքների ինդուստրիան) և այդ երկիրը համարուում է աշխարհիս՝ արդիւնագործութեամբ նշանաւոր երկիրներից մէկը. երկրի արդիւնագործութեան զարգացմանը շատ է նպաստում նաև երկաթուղիների այն խիտ ցանցը, որ ծածկում է երկրի գրեթէ ամբողջ մակերևոյթը։ Բելգիան ներմուծում է հացահատիկներ, ալիւր, փայտ և այլն, իսկ արտահանում է դէպի ուրիշ երկիրներ գլխաւորապէս զանազան մեքենաներ, քարածուխ և երկաթէ ու պողպատէ ապրանքներ։

Բելգիան իր ազգաբնակչութեան խտութեան կողմից Եւրոպայի առաջին երկիրն է (224 հոգի մի քառ. կիլոմ. վրայ)։ Այդ ազգաբնակչութիւնը բաղկացած է բոմանական ցեղին պատկանող վալլոններից և գերմանական ցեղին պատկանող ֆլամանդցիներից։ Վալլոնները կազմում են երկրի ամբողջ ազգաբնակչութեան $\frac{2}{5}$ մասը և լիզուով ցեղակից են ֆրանսիացիներին, իսկ ֆլամանդցիները՝ $\frac{3}{5}$ մասը։ Բելգիայի տիրապետող լեզուն ֆրանսերէնն է, իսկ դաւանութիւնը կաթոլիկականը։

ժողովրդի տարրական կրթութիւնը այնքան էլ նախանձելի վիճակի մէջ չէ գտնուում։ Պան ամեն կարգի դպրոցներ

և 4 համալսարան, որոնցից 2-ը տէրութեան հաշուով են պահպանուում, իսկ 2-ը մասնաւոր նպաստներով։

Բելգիան նախանձելի կերպով մշակւած երկիրներից մէկն է ամբողջ աշխարհումս։ Նրա բնակիչները պարապում են հողագործութեամբ, առևտրով, անասնապահութեամբ, արդիւնագործութեամբ և հանքագործութեամբ։ Բելգիան հարուստ է քարածխի և երկաթի հանքերով, որոնք շատ են նպաստում նրա արդիւնագործութեան զարգացմանը։ Իբրև արդիւնագործական երկիր Բելգիան մրցում է այդ տեսակէտից Եւրոպայի առաջնակարգ երկիրների հետ։

Չատ զարգացած է Բելգիայում նաև առևտուրը երկրի աշխարհագրական դիրքի, զարգացած արդիւնագործութեան և ճանապարհների կանոնաւոր հաղորդակցութեան շնորհիւ։ Բելգիան սահմանադրական միապետութիւն է։ Երկրի թագաւորը համարուում է նաև Կոնգոյի տէրութեան թագաւորը։

Բելգիայի նահանգներից և քաղաքներից նշանաւոր են. *Բրաքանտ*— գլխաւոր քաղաքն է *Բրիւսէլ*, ունի 570,000 բնակիչ, ազատ համալսարան և տէրութեան մայրաքաղաքը ու թագաւորի աթոռանիստն է։ Այդ քաղաքը երկրի մտաւոր և առևտրական կենտրոնն է։ Երկրորդ քաղաքն է *Լուվէն*, որ յայտնի է իր համալսարանով։

Անտվերպէն— համանուն գլխաւոր քաղաքով, որ գտնւում է Զելլա գետի ափին։ Սա առևտրական նշանաւոր նահանգիստ և քաղաք է, որ ունի մօտ 280,000 բնակիչ։ *Լիւքսորգ*— որ յայտնի է իր աշխարհահռչակ պանրով (ոշխարի կաթից)։

Լիւտտիխ— համանուն գլխաւոր քաղաքով, որ յայտնի է իր գործարաններով և համալսարանով։ *Արեւելեան Փլանդրիա*— գլխաւոր քաղաքն է *Գենտ*, ունի համալսարան։

Արևմտեան Փլանդրիա—գլխաւոր քաղաքն է Բրիւզէ. Խշանաւոր է նաև Օստենտէ իր ծովային լողարաններով:

ՖՐԱՆՍԻԱՅԻ ՀԱՆՐԱՊԵՏՈՒԹԻՒՆ

Փրանսիան, որի տարածութիւնը մօտ 9500 քառ. մղ-
տրն է, բռնում է Միջին Եւրօպայի արևմտեան մասը: Նրա
աահմանները կազմում են Ատլանտեան ովկիանոսը, Միջերկ-
րական ծովը, Իսպանիան, Իտալիան, Զվէյցարիան, Գերմա-
նիան և Բելգիան:

Գերմանիայի նման Փրանսիան էլ իր մակերևոյթի կազ-
մութեամբ բաժանւում է երեք մասերի. Ալպեր, Փրանսիա-
կան լեռնոտ երկիր և Փրանսիական հարթութիւն: Զրջապա-
ստոյ ովկիանոսով և ծովով Փրանսիայի ափերը շատ քիչ են
կտրատւած, զրա համար էլ նա ազրատ է թերակղզիներով,
նաւահանդիսաներով, ծովերով, կղզիներով և այլն. թերա-
կղզիներից նշանաւոր են միայն Բրետայն, Նորմանդիա և
Պրօվանսի թերակղզիները: Փրանսիան աւելի ցամաքային, քան
Ծովային պետութիւն է:

Սակայն աւելի նպատակայարմար է Փրանսիան ըստ իր
մակերևոյթի կազմութեան բաժանել հարաւ-արևելեան քարձր
և հիւսիս-արևմտեան ցածր մասերի: Փրանսիայի առաջին
մասի մէջ են մտնում Ալպեան, Պիրինեան և Վօզէլի լեռները
և Փրանսիական բարձրաւանդակը:

Ալպեան լեռները տարածւում են Պօ և Ռօնա գետերի մէջ
և չեն թոյնում զրանց իրար հետ խառնելու: Ալպերի և Քը-
ցանսիական բարձրաւանդակի մէջ գտնւում է Ռօնեան ցածր
հարթութիւնը, որ ամբողջապէս ուղղւում է Ռօնա համանուն
գետով. Փրանսիական բարձրաւանդակը արևմտեան կողմից սս-
տիճանաբար ցածրանում և միանում է Փրանսիական հարթու-

թեան հետ, որ կազմում է ամբողջ արևմտեան Փրանսիան:
Յւրան տարածւում է Զվէյցարիայի, իսկ Վօզէլի լեռները
Գերմանիայի սահմանագծով: Վերջին լեռներիցն է սկիզբն
առնում Հռենոսի մէջ թափւոյ Մօզէլ գետը. Պիրինեան լեռ-
ներով Փրանսիան բաժանւում է Իսպանիայից: Այդ լեռների
միայ հիւսիսային փեշերն են սլատկանում Փրանսիային և այն-
տեղից է սկիզբն առնում Գարօննա գետը:

Հիւսիս-արևմտեան Փրանսիան ներկայացնում է մի ցա-
ժրը հարթութիւն, որ իբրև Գերմանական հարթութեան շա-
րունակութիւնը տարածւում է մինչև Պիրինեան լեռնաշղ-
թան: Այդ հարթութիւնը ուղղւում է Զելզա, Սենա, Լուարա
և Գարօննա գետերով: Փրանսիայի գետերը հոսում են գա-
նազան ուղղութեամբ և միացած են միմեանց հետ ջրանցքներով,
որոնք բնակիչների կանոնաւոր հաղորդակցութեանը շատ են
նպաստում:

Փրանսիան Միջին Եւրօպայի ամենատաք երկիրն է, ո-
րովհետև շատ մօտ է Գօլֆշտրօմ կոչւած տաք հոսանքին:

Հիւսիս-արևմտեան Փրանսիայի կլիման ընդհանրապէս
քարեխառն և ծովային է, որովհետև Ատլանտեան ովկիանո-
սի և հարաւ-արևմտեան հողմերի ազդեցութեան տակ է գը-
տնւում, այն ինչ հարաւ-արևելեան Փրանսիան ունի աւելի
ցուրտ և ցամաքային կլիմա:

Փրանսիայի ազգաբնակչութիւնը, որի թիւը հասնում է
38 միլիօնի, գլխաւորապէս բաղկացած է փրանսիացիներից,
որոնք կազմում են գալլերի, հռոմէացիների և փրանկների
խառնուրդը: Փրանսիացիները խօսում են փրանսերէն լեզուով,
որ շատ նմանութիւն ունի լատինական լեզւի հետ. բացի
տիրոյ տարրից Փրանսիայում ապրում են նաև սակաւաթիւ
քրիստոնէսներ (Բրետայն թերակղզու վրայ) և ըասկեր (Պիրի-
նեան լեռների վրայ): Երկրի տիրապետող դաւանութիւնը

կաթօլիկութիւնն է: Փրանսիայի ազգաբնակութիւնը շատ դան-
դաղ կերպով է աճում, որ մեծ հոգս է պատճառում տէրութեան:

Ժողովրդական տարրական կրթութեան կողմից Փրան-
սիան Եւրոպայի գերմանական երկիրներից յետամնաց է. սա-
կայն նա ունի մի շարք բարձրագոյն մասնագիտական դպրոց-
ներ և համալսարաններ, որոնք բաւական մեծ հռչակ ունին
ամբողջ Եւրոպայում: Փրանսիացիները ընդհանրապէս մարդ-
կութեանը մեծ ծառայութիւններ են մատուցել գիտութիւն-
ների և գեղարուեստների շրջանում:

Փրանսիայի բնակիչները պարապում են այգեգործու-
թեամբ, անասնապահութեամբ, հողագործութեամբ, արգիւնա-
գործութեամբ և վաճառականութեամբ:

Փրանսիացիները այնքան ուշադրութիւն չեն դարձնում
հացաբոյսերի, որքան արժէքաւոր. օր. գործարանական բոյ-
սերի մշակութեան վրայ: Պտղատու և գործարանական բոյ-
սերի աճեցողութեան շատ է նպաստում Փրանսիայի մեղմ
կլիման: Դրա համար էլ այդ երկիրը ամենայն իրաւամբ կոչ-
ւում է Եւրոպայի պարտէզը: Եւրոպայի ոչ մի երկրում այն-
քան խաղող չէ բուսնում, որքան Փրանսիայում: Պտղատու
ծառերից յայտնի են խնձորենին, տանձենին, կեռասենին,
սալորենին, գեղձենին, ընկուզենին, իսկ գործարանական բոյ-
սերից վուշ, կանեփ, շաբարեղէզն և թութ: Հացաբոյսերից
գլխաւորապէս մշակում է ցորեն, որ պրեթէ բաւականու-
է տալիս երկրի ազգաբնակութեան:

Անասնապահութիւնը այնքան էլ զարգացած չէ. դրա
գլխաւոր պատճառը արօտատեղերի քշութիւնն է: Անասուն-
ներից յայտնի են ֆրանսիական ձիերը ու ոչխարները:

Արգիւնագործութիւնը բաւական զարգացած է Փրան-
սիայում, որին նպաստում է երկրի բարածխի և երկաթի հա-
րըստութիւնը: Փրանսիական գործարանների ապրանքները
աչքի են ընկնում իրանց ճաշակով, նրբութեամբ և շքեղու-

թեամբ: Յայտնի են մանաւանդ Լիլ, Պարիզ և Լիօն քաղաք-
ների գործարանները: Փրանսիայում շատ զարգացած է նաև
չերամապահութիւնը և մետաքսագործութիւնը:

Փրանսիայի վաճառականութեան զարգացմանը շատ նը-
պաստում է երկրի աշխարհագրական նախանձեղի գրութիւնը:
Նա գտնւում է Ատլանտեան օվկիանոսի և Միջերկրական ծո-
վի մէջ, որոնք ունին շատ յարմար նաւահանգիստներ, բացի
գրանից Փրանսիայի գետերը միացած են իրար հետ ջրանցը-
ներով, որոնք բնակիչների հաղորդակցութեան և առևտրի
զարգացմանը զգալի կերպով նպաստում են: Այդ տեսակէտից
շատ է օգնում նաև երկրի երկաթուղիների խիտ ցանցը: Փը-
րանսիան արտահանում է բրդէ և մետաքսէ գործուածքներ,
գինի, կաշուէ և Պարիզեան ապրանքներ և ներմուծում է
բուրգ, մետաքս, փայտ, բամբակ և այլն: Փրանսիական առև-
տրական նաւատորմը աշխարհումս հինգերորդ տեղն է բռնում:

Փրանսիան հանրապետական տէրութիւն է, որի օրէնս-
դրական իշխանութիւնը պատկանում է ազգային ժողովին,
իսկ գործադիր իշխանութիւնը հանրապետութեան նախա-
գահին, որ ընտրւում է 7 տարի ժամանակով. աշխարհիս և ոչ
մի երկիր կարճ ժամանակի ընթացքում. (այսինքն 1789
թւից ի վեր) իր կառավարութեան ձևը և երկրի սահմանա-
գրութիւնը այնքան շատ չէ փոխել, որքան Փրանսիան: 1870
թւին Փրանսիան երրորդ անգամ հանրապետութիւն դարձաւ,
իսկ 1790 թւից մինչև այժմ նա բաժանւում է 86 մասերի,
որոնք կոչւում են գեպար տամենաներ:

Փրանսիայի նահանգներից և քաղաքներից նշանաւոր են:
Իլ-դը-Փրանս — գլխաւոր քաղաքն է Պարիզ (2¹/₂ մի-
լիօն բնակիչ), որ գտնւում է Սենա գետի ափին: Պարիզը
ամբողջ Փրանսիայի մայրաքաղաքը, նախագահի աթոռա-
նիստը և երկրի մտաւոր ու առևտրական կենտրոնն է: Այս
քաղաքը ոչ միայն Փրանսիայի, այլ և ամբողջ Եւրոպայի

առևտրական և գործարանական նշանաւոր քաղաքներէ մէկն է: Պարիզը ցամաքային եւրօպայի ամենաբազմամարդ քաղաքն է, որի հին համայսարանը, ճեմարանը, նշանաւոր գրքադարանները և գիտութիւնների ու գեղարուեստի գանձազան ճիւղերին սլատկանոց յիշատակարանները մեծ հրուշակ են վայելում: Պարիզը որ պատմական տեսակէտից եւրօպայի նշանաւոր քաղաքներից մէկն է, քաղկացած է մի քանի մասերից. Սենա գետի երկու կողմների վրայ գտնւում է հին քաղաքը, որ կոչւում է *Cite* և նշանաւոր է *Նոտր-դամ* գօթական ճարտարապետութեամբ եկեղեցիով. գետի աջ ափին գտնւում է իսկական քաղաքը: Յետոյ աչքի է ընկնում մայրաքաղաքի այն մասը, որտեղ գտնւում է *Տիւլիւրի* սլախալը իր փառաւոր պարտէզներով: Դրա մօտ է գրտընւում և *Լուվրը*, որտեղ առաջներում ասլրում էին Փրանսիական թագաւորները և որը այժմ գիտութիւններին և գեղարուեստներին վերաբերող ժողովածուների թանգարան է: Գետի ձախ ափումն են գտնւում համալսարանը, գանազան բարձրագոյն դպրոցներ և *Լատինական* թաղը: Պարիզը շատ յայտնի է նաև իր բերդաքաղաք: Մայրաքաղաքի մօտն է գտնւում և *Վերսալը*՝ Լոււվրիկոս ԺԳ.ի պալատը, որտեղ այժմ ամփոփւած են Փրանսիական սլատմութեան վերաբերող նշանաւոր յիշատակարանները: Մայրաքաղաքի և Վերսալի մէջն է գտնւում *Սեւը* կոչւած տեղը, որ յայտնի է իր յախճապակէ գործարանով:

Նորմանդիա—գլխաւոր քաղաքն է *Ռանն*, որ Պարիզի նաւահանգիստն է: *Հաւը*, որ Փրանսիայի երկրորդ նաւահանգիստն է: *Երրորդ* պատերազմական նաւահանգիստ է՝ որտեղ կանգնում է պատերազմական նաւատորմը:

Պիկարդիա—գլխաւոր քաղաքն է *Ամիեն*, որ յայտնի է մետաքսէ գործարաններով:

Փլանդրիա—գլխաւոր քաղաքներն են *Լիլ* և *Դիւնկեր-*

խէն: *Եռաջինը* յայտնի է իր բնամրոց, իսկ երկրորդը՝ նաւահանգիստ:

Արտուա—գլխաւոր քաղաքն է *Կալէ*, որ ծովային ամրոց է:

Շամպայն, որ յայտնի է իր աշխարհահռչակ գինիներով: գլխաւոր քաղաքներն են *Սեռան*, որ յայտնի է իր բնամրոց, *Շալոն* (Մարնի վրայ) և *Ռեյմս*: Վերջին երկու քաղաքները շամպանիա գինու ընդարձակ առևտուր ունին:

Օրլիանէ—համանուն գլխաւոր քաղաքով, որ գտնւում Լուարա գետի և այն ջրանցքի ափին, որ միացնում է Սենա և Լուարա գետերը միմեանց հետ:

Բրետայն—գլխաւոր քաղաքն է *Բրեստ*, որ ամուր նաւահանգիստ և առևտրական նշանաւոր քաղաք է: Երկրորդ քաղաքն է *Նանտ*, որը յայտնի է նաւաշինութեան վերաբերեալ իր բերի գործարաններով:

Գիեն և *Գասկօն Բիարնի* հետ որոնց գլխաւոր քաղաքներն են. *Բորն*, որ ծովային առևտրի համար երրորդ քաղաքն է. առևտուր է անում գլխաւորապէս համանուն գինիով և ունի մօտ 270,000 բնակիչ: *Բայօննա*, առևտուր է անում Թսպանիայի հետ: *Բիարրից*, յայտնի է իր ծովային լողարաններով և մարուր ու մեղմ օդով: *Րօքֆոր*, նշանաւոր է համանուն պանրի առևտրով:

Լանգեդօկ—նշանաւոր քաղաքն է *Տուլուզա*, որ առևտրական նշանաւոր կենտրոն է: *Մօնպելիէ*, նշանաւոր է իր գործարաններով:

Լօթարինգիա—գլխաւոր քաղաքներն են *Տուլ*, *Վերդին* և *Նանսի*: *Եռաջին* երկուսը նշանաւոր բերդաքաղաքներ են:

Բուրգունդիա—գլխաւոր քաղաքն է *Դիժօն*, որ գտնւում է Սօնա և Սենա գետերի միացնող ջրանցքի ափին: Առևտուր է անում գինիով և մանանեխով:

Օվերն—գլխաւոր քաղաքն է *Կլերմօն*, որ երկաթուղիով

միայամ է Ֆրանսիայի մի քանի խոշոր քաղաքների հետ: Այս նահանգի բնակիչները անցեալում յայտնի են եղել իբրև պատերազմասէր բնակիչներ, իսկ ներկայումս հռչակած են իրանց հաւատարմութեամբ ու աշխատասիրութեամբ:

Փրանշ-Կոնտէ—գլխաւոր քաղաքներն են *Բեզանտոն* և *Բելֆոր*: Առաջին քաղաքը նշանաւոր է ժամացոյցի գործարաններով, իսկ երկրորդը, իբրև ամրոց:

Դոֆինէ և *Լիօնէ*—գլխաւոր քաղաքներն են *Գրենսօբլ*, *Լիօն* և *Էտիկն*: Առաջինը յայտնի է իբրև բերդաքաղաք և ամրոց, երկրորդը իբրև Ֆրանսիայի առևտրական ՚ի արդիւնաբերական երկրորդ գլխաւոր կենտրոնը, որ ունի մօտ 470,000 բնակիչ, իսկ երրորդը՝ քարածխի առևտրով:

Սաւօյա, որ Եւրօպայի ամենաբարձր Ալպիական երկիրն է և ունի դաժան ու աղքատ բնութիւն: Գլխաւոր քաղաքն է *Շամբէրի*:

Պրովանս, *Օրանտ* և *Նիցցա*—գլխաւոր քաղաքներն են, *Մարսել*, որ Եւրօպայի ծովափեայ առևտրական նշանաւոր քաղաքներից մէկն, իսկ Ֆրանսիայում առաջինը: Նշանաւոր է օջառի, անուշահոտ իւզերի, շաքարի և կաշիների առևտրով: *Մարսէլը* Ֆրանսիայի երրորդ բազմամարդ քաղաքն է (450,000 բնակ), որտեղ կան նաև բաւականաչափ հայկական առևտրական տներ: *Տուլօն*, որ Ֆրանսիայի ամենամեծ պատերազմական նաւահանգիստն է Միջերկրական ծովի ափին: *Նիցցա* քաղաքը յայտնի է իր մեղմ և առողջարար կլիմայով և ամեն տարի ահազին բանակութեամբ թոքախտաւորներ է գրաւում զէպի իրեն:

Ֆրանսիայի հանրապետութեան քաղաքական գերիշխանութեան տակ է գտնուում և *Մօնակոյի* անկախ և փոքրիկ իշխանութիւնը, որի գլխաւոր քաղաքն է *Մօնտէ-Կարլօ*: Վերջինս յայտնի է իր աշխարհահռչակ խաղարանով:

Ֆրանսիայի հանրապետութեան է պատկանում և *Կորսի-*

կա կղզին՝ Նապօլիօնի I-ի հայրենիքը, որի գլխաւոր քաղաքն է *Այաչիօ*, որ նշանաւոր նաւահանգիստ է և Մարսէլից 17 ժամայ ճանապարհի հեռաւորութեան վրայ է գտնուում:

Եւրօպայից դուրս Ֆրանսիայի հանրապետութեան պատկանում են հետեւեալ երկիրները և գաղութները:

Աֆրիկայում—Ալժիր, Գամբիայի մի մասը, Թունիս, Մադակասկար և Բուրբօն կղզիները, *Տիւրուկատու* և *Սուդանի* ու *Վերին*—*Գվինէայի* մի մասը:

Ասիայում—Արևելեան Հնդկաստանի Պօնտիշէրի քաղաքը և Հնդկա-Չինի Սայգօնը:

Ամերիկայում—Գվինանայի մի մասը, Նիւֆաունդլէնդի մօտ մի քանի կղզիներ և *Մարտինիկ* ու *Գվադելուպ* կղզիները:

Աւտրալիայում — *Թայիդի*, *Նոր-Կալեդոնիա* և *Մարկիզեան* կղզիները:

Վերոյիշեալ բոլոր գաղութների ազգաբնակչութեան ընդհանուր թիւը հասնում է մօտ 47 միլիօնի:

ՀԻՒՍԻՍ-ԱՐԵՒՄՏԵԱՆ ԵՒՐՕՊԱ

ԱՆԳԼԻԱՅԻ ԹԱԳԱՆՈՐՈՒԹԻՒՆ

Անգլիայի թագաւորութիւնը իր բոլոր գաղութներով կազմում է աշխարհիս ամենամեծ պետութիւնը: Այդ թագաւորութիւնը Եւրոպայում բազկայցած է Մեծ Բրիտանիա, Իռլանդիա և մի շարք մեծ ու փոքր կղզիներից, որոնք գտնւում են դրանց շորս կողմերում: Վերջին կղզիներից նշանաւոր են Ծօտլանդեան, Օրկանդեան, Հեբրիդեան և Նորմանդեան խմբերը: Այդ թագաւորութեան ամբողջ տարածութիւնն է մօտ 6000 քառ. մղոն, որի վրայ ապրում են մօտ 39 միլիոն բնակիչ:

Անգլիան իրեն պատկանող բոլոր կղզիներով շրջապատւած է Ատլանտեան ովկիանոսի մասերով և հետևապէս ներկայացնում է Եւրոպայի միակ կղզիական պետութիւնը:

Շրջապատող ովկիանոսը շորս կողմից կտրատել է Անգլիայի ավերը և առաջացրել է մի շարք նշանաւոր ծովեր, որոնք հարուստ են յայտնի նաւահանգիստներով: Անգլիայի նոյն իսկ կենտրոնական մասերը բաւական մօտ են գտնւում շրջապատող ովկիանոսից:

Սակայն անգլիական թագաւորութեան գլխաւոր մասերը կազմում են Մեծ-Բրիտանիա և Իրլանդիա բաւական խոշոր կղզիները, որոնք միմեանցից բաժանւում են Իրլանդական ծո-

ւով: Մեծ-Բրիտանիայի հարաւային մասը կազմում է իսկական Անգլիան, իսկ հիւսիսայինը՝ Զօտլանդիա կամ Սկոտլանդիա երկիրը:

Ամենից շատ կտրատւած է և ամենից լաւ նաւահանգիստներ ունի Մեծ-Բրիտանիայի արեւմտեան ափը: Այդպէս է նաև Իրլանդիա կղզին, որի արեւելեան ափը անհամեմատ աւելի քիչ է կտրատւած և քիչ էլ յարմար նաւահանգիստներ ունի: Այդ հանգամանքը մի լաւ ապացոյց է այն բանի համար, որ երկու կղզիներն էլ հաւանօրէն երբեմն Եւրոպական մայր ցամաքի հետ միացած են եղել և յետոյ ծովային ալիքների ազդեցութեան ներքոյ ժամանակի ընթացքում կտրել են մայր ցամաքից և կղզիներ են գառել Մեծ-Բրիտանիայի երկարութիւնը մօտ 120 մղոն է, իսկ լայնութիւնը դէպի հիւսիս աստիճանաբար փոքրանում է:

Մեծ-Բրիտանիան իր մակերեսով իր կազմութեամբ բաժանւում է հիւսիս-արեւմտեան բարձր և հարաւ-արեւելեան ցածր մասերի: Կղզու բոլոր լեռնաշղթաները տարածւում են նրա հիւսիսային արեւմտեան մասերում, որոնցից սկիզբն են առնում երկրի քիչ շատ աչքի ընկնող գետերը. օր. Թայմզը և ուրիշները: Այդ լեռներից նշանաւոր են Կորնուէլսի, Ուէլսի և Պիպլինեան սարերը, որոնց արանքներում գտնւում են բաւական ընդարձակ հովիտներ: Զօտլանդիայի մակերեսովը ամբողջապէս լեռնոտ է: Ինչպիսեպէս է Իրլանդիային, նա ընդհակառակը, շատ լեռնոտ չէ: Եղած լեռները տարածուած են նրա ծայրերով, դրա համար էլ Իրլանդիայի կենտրոնական մասը անհամեմատ աւելի ցածր է:

Վերսյիշեալ երկու կղզիների կլիման բոլորովին ծովային է. նրանք ունին բարեխառն ձմեռ և ոչ այնքան տաք ամառ: Այդ բանին շատ նպաստում է հարաւ-արեւմտեան տաք հողմերի և Գոլֆշտրոմի ազդեցութիւնը: Երկու կղզիներում էլ առատութեամբ անձրևներ են թափոււմ, մանաւանդ Իր-

գանգիայում: Կլիմայի այդօրինակ մեղմութիւնն է գլխաւոր պատճառը, որ Անգլիայում աճում են նաև Միջերկրական փեթի մօտ գտնւող երկիրների մի քանի բոյսերը. օր. խաղող, դափնի, օլեանգր և այլն: Թէ Անգլիալի և թէ Իրլանդիայի մարգագետինները գրեթէ ամբողջ տարին կանաչով են ծածկւած, որին բաւական նպաստում է երկրի բաւարար ուռուցումը:

Անգլիայի գետերը կարճ, դանդաղահոս, ջրառատ և նաւարկելի են: Մեծ-Բրիտանիայի գետերից աչրի են ընկնում Թայմզ, Հիւսիսային և Հարաւային Ուզ, Մերսի և այլն, իսկ Իրլանդիայում յայտնի է միայն Շանօն: Այդ գետերի մեծ մասը իրար հետ միացած են ջրանցքներով:

Անգլիայի ազգաբնակչութիւնը գլխաւորապէս բաղկացած գերմանական ցեղին պատկանող անգլիացիներից: Բացի անգլիացիներից Զօտլանդիայի հիւսիսային կողմերում և Իրլանդիայի մի քանի մասերում մինչև այսօր էլ ապրում են հին կելտերի մնացորդները: Ազգաբնակչութեան խտութեան կողմից աչրի է ընկնում իսկական Անգլիան, որտեղ մէկ քառ. կիլօմետրի վրայ ապրում են մօտ 200 հոգի: Տիրապետող եկեղեցին անգլիականն է, որ կոչւում է նաև թաղաւորական կամ եպիսկոպոսական եկեղեցի: Զօտլանդիան ունի իր առանձին եկեղեցին, որ կոչւում է պրեսվիտերիան եկեղեցի, իսկ Իրլանդիայի ազգաբնակչութեան $\frac{3}{4}$ մասը պատկանում է կաթոլիկ դաւանութեան: Բացի վերոյիշեալ եկեղեցիներից և դաւանութիւնից Անգլիայում գոյութիւն ունին կրօնական մի քանի աղանդներ, որոնք կրօնական ազատութիւն են վայելում:

Ժողովրդական տարրական կրթութիւնը Անգլիական թագաւորութեան բոլոր մասերում հաւասարաչափ կերպով չէ զարգացած: Այդ տեսակէտից շատ յետամնաց վիճակի մէջ է գտնւում Իրլանդիան, որի ազգաբնակչութեան ընդհանուր կր-

թութեան համար տէրութիւնը ցանկալի կերպով հոգ չէ տանում: Սակայն շնայելով այդ բացասական հանգամանքին, Անգլիայի գործնական բնակիչները կեանքի մէջ կարողանում են հարթել իրանց ընդհանուր կրթութեան մակերևոյթը: Անգլիան յայտնի է իր միջնակարգ և բարձրագոյն մասնագիտական դպրոցներով: Կան 12 համալսարաններ, որոնցից շատերը մասնագիտական բարձր դպրոցներ են: Ժողովրդական ընդհանուր և պարտադիր կրթութիւնը լաւ է դրւած Զօտլանդիայում:

Անգլիայի ազգաբնակչութիւնը պարապում է հողագործութեամբ, անասնապահութեամբ, արդիւնագործութեամբ, հանրագործութեամբ, ծովագնացութեամբ, ձկնորսութեամբ և առևտրով: Հողագործութիւնը բաւական զարգացած է, որովհետև հողը մշակւում է վերին աստիճանի կատարելագործւած ձևով: Սակայն, որովհետև մշակելի հողի տարածութիւնը ազգաբնակչութեան խտութեան պատճառով փոքր է Անգլիայում, գրա համար տարեկան ահագին քանակութեամբ հացահատիկներ են ներմուծւում օտար երկիրներից: Արդիւնագործութիւնը շատ զարգացած է երկրի բնական հարստութիւնների շնորհիւ, որոնք բնական կերպով մշակւում են անգլիական բաղմաղտն գործարաններում: Հարուստ և զարգացած արդիւնագործութեան շնորհիւ Անգլիան ունի արտարին ընդարձակ առևտուր և այն էլ գլխաւորապէս իր բաղմաթիւ կօլօնիաների հետ:

Ահագին տարածութիւն են կազմում նաև անգլիական արօտատեղիները, որոնք բաւական նպաստում են նաև անասնապահութեան զարգացմանը: Անգլիացիները ոչ միայն մտածում են ընտանի կենդանիների բաղմացնելու, այլ և նրանց օգտակար յատկութիւնները զարգացնելու մասին: Չատ հրուշակւած են անգլիական ձիերը, եղները, խոզերը, ոչխարները և այլն:

Անգլիայի լեռները հարուստ են հանքերով և մետաղներով, որոնցից նշանաւոր են քարածուխ, երկաթ, պղինձ, կապար, արծիճ և այլն: Աշխարհիս և ոչ մի երկիրը Անգլիայի շափ քարածուխ և երկաթ չէ տալիս: Միայն վերջերս Հիւսիսային-Ամերիկայի Միացեալ-Նահանգները սկսել են իրանց երկաթի արդիւնագործութեամբ լուրջ կերպով մրցել անգլիացիների հետ: Անգլիական գործարանների ապրանքները օտար երկիրների ապրանքների հետ մրցում են իրանց լաւ յատկութեամբ և էժանութեամբ: Աչքի են ընկնում մանաւանդ անգլիական մահուզի, երկաթէ և պողպատէ ապրանքները:

Երտարին ընդարձակ առևտրի կողմից Անգլիան աշխարհիս առաջին երկիրն է, որ գրեթէ մրցակից չունի: Երկրի առևտրի զարգացմանը շատ են նպաստում բազմաթիւ գաղութները, երկրի գարպացած արդիւնագործութիւնը, ճանապարհների կանոնաւոր հաղորդակցութիւնը և այլն: Անգլիական առևտրական նաւատորմը աշխարհիս ամենաառաջինն է: Անգլիան արտահանում է բրդէ և բամբակեայ ապրանքներ, քարածուխ, երկաթ ու մերենաներ և ներմուծում է հացահատիկներ, փայտ, բուրգ, թէյ և այլն:

Անգլիան սահմանադրական պետութիւն է: Թագաւորի իրաւունքները սահմանափակում է երկի պարլամենտը, որ բաղկացած է վերին և ստորին պալատներից: Գործադիր իշխանութիւնը պատկանում է թագաւորին, իսկ օրէնսդրականը՝ պարլամենտին: Վարչական տեսակէտից Անգլիայի թագաւորութիւնը բաժանւում է 117 գրաֆութիւնների: Թագաւորութեան նահանգներից և քաղաքներից նշանաւոր են.

Ամբողջ թագաւորութեան մայրաքաղաքը և թագաւորի աթոռանիստն է Լոնդոն, Թայմզ գետի ափին, որ աշխարհիս ամենամեծ քաղաքն է (մօտ 4 միլիօն բնակ.) թէ իր ընդարձակութեամբ և թէ բազմամարդութեան կողմից: Բացի դրանից նա

աշխարհիս առաջին առևտրական քաղաքն է, որի նաւահանգիստը տասնեակ հազարաւոր նաւեր են մտնում: Լոնդոնը միևնոյն ժամանակ ամբողջ երկրի քաղաքական և մտաւոր կենդրօնն է, ունի երկու համալսարան և գիտական ու զեյարուեստական բազմաթիւ հաստատութիւններ: Լոնդօնի արուարձաններից նշանաւոր են Վինդզօր (թագաւորների ամառանոցը), Գրինիչի—աստղաբաշխական հռչակաւոր դիտարանով, Վուլիչ և Չատամ:

Քեանտըքի—անգլիական առաջին արքեպիսկոպոսի աթոռանիստը: Պօրտսմուտ—նշանաւոր նաւահանգիստ է, որ յայտնի է նաւաշինութեան վերաբերող իրերի գործարաններով: Սօնտօգենքոն, առևտրական նշանաւոր նաւահանգիստ և կենտրօն է: Պլիմուտ նշանաւոր նաւահանգիստներից մէկն է, որտեղ կանգնում է անգլիական պատերազմական նաւատորմի մի մասը: Բրիստօլ—առևտրական մեծ քաղաք է, որ ունի մօտ 320,000 բնակիչ: Օլսֆօրտ և Բեմքրիշ, որոնք յայտնի են իրանց համալսարաններով: Բերմինհամ—յայտնի է գանակի, մկրատի, ասեղների և մերենաների բազմաթիւ գործարաններով և ունի¹/₂ միլիօնի բնակիչ: Շեֆֆիլդ, Մանչեստր և Լիվերպուլ, որոնք առևտրական և գործարանական նշանաւոր քաղաքներ են: Լիվերպուլը իր բնակիչների թւով ամբողջ թագաւորութեան երրորդ քաղաքն է (535,000 բն.), իսկ Մանչեստր չորրորդ քաղաքը (545,000): Նիւկաստլ—քարածխի մեծ առևտուր ունի:

Ուէլս—գլխաւոր քաղաքներն են Մերտիր—Տրիոֆիլ և Կարռիֆ, որոնք երկաթի և քարածխի ընդարձակ առևտուր ունին:

Շօտլանդիայի գլխաւոր քաղաքն է Էդինբուրգ, սա Անգլիայի ամենազեղեցիկ քաղաքներից մէկն է, ունի նշանաւոր համալսարան, մօտ 300,000 բնակիչ և ընդարձակ առևտուր մի քանի երկիրների հետ: Երկրորդ նշանաւոր քաղաքն

է Գլազգօ, որ իր բնակիչների թւով (725,000) Անգլիայի թագաւորութեան երկրորդ քաղաքն է, զարգացած առևտրով և արդիւնագործութեամբ:

Իրլանդիա—գլխաւոր քաղաքն է Դուբլին, որ առևտրական և արդիւնարեւրական նշանաւոր քաղաք է: Երկրորդ քաղաքն է Բելֆաստ, նշանաւոր է մահուդի գործարաններով:

Անգլիան իր գաղութների մեծութեամբ և բազմութեամբ աշխարհիս առաջին տէրութիւնն է. նրան պատկանում է:

Եւրոպայում—Մալտա կղզին և Զիբրալտարի ամրոցը Իսպանիայում:

Ասիայում—Ադէն Արաբիայում, Հնդկաստան Տէլլօն կղզով, Հնդկաշինի արևմտեան մասը, Սինգապուր կղզին, Մալակկայի մի մասը, Հոնգօնգ Չինաստանում և Կիպրոս կղզին:

Ամերիկայում—Կվեբէք, Օնտարիօ, Նոր-Բրաունշվայգ, Նոր-Շոտլանդիա, Հուդզօնի երկիր, Բրիտանական Կոլումբիա և Նիւֆաունդլէնդ, Բահամեան, Եամայկա և Փալկլանդեան կղզիները և Գվիանայի մի մասը:

Աւտրիայում—Նոր-Հոլլանդիա, Վանդիմինի երկիր, Նոր-Զելանդիա, Փիշի և ուրիշ կղզիները:

Աֆրիկայում—Ս. Համբարձման, Ս. Հեղինէ, Մաւրիկիա, Ամիրանթեան, Սէյշէլեան և Սոկոտորա կղզիները, Կապի երկիր, Նատալի գաղութը, Գվինէի ծոցի ափերում մի բանի կալուածներ, Տրանսվալ ինքնավար երկիրը և այլն:

Անգլիական բոլոր գաղութների ազգաբնակչութեան ընդհանուր թիւը հասնում է 370 միլիօնի:

ԴԱՆԻԱՅԻ ԹԱԳԱՆՈՐՈՒԹԻՒՆ

Դանիայի թագաւորութիւնը բռնում է Իւթլանդիա թերակղզու հիւսիսային մասը և այն բոլոր կղզիները, որոնք

գտնուում են նրա և Սկանդինավիա թերակղզիների միջ՝ Բալթիկ ծովում: Այդ թագաւորութեան ամբողջ տարածութիւնն է 700 քառ. մղոն, որի վրայ ապրում են 2 1/4 միլիօն բնակիչ: Դանիային պատկանող կղզիներից նշանաւոր են. Իսլանդիա, Զելանդիա, Փիօնիա, Լանդելանդ, Լալանդ, Փալստէր, Բօրնհօլմ, Մէն և այլն:

Բալթիկ ծովը բաւականաչափ կտրատել է դանիական արշիպելագին պատկանող կղզիների ափերը և կազմել մի շարք յարմար նաւահանգիստներ, որոնցից ամենանշանաւորը երկրի մայրաքաղաքի նաւահանգիստն է: Վերոյիշեալ բոլոր կղզիների մակերևոյթի կազմութիւնը գրեթէ միատեսակ հարթ է. մասնաւորապէս Իւթլանդիա թերակղզին կազմում է հիւսիսային Գերմանիայի ցածր հարթութեան շարունակութիւնը: դանիական Արշիպելագին պատկանող կղզիները, բացառութեամբ Բօրնհօլմի, շատ բիշ են բարձր շրջապատող ծովմակերևոյթից:

Դանիայի ոռոգումը բաւարար է. երկիրը զուրկ է խոշոր գետերից, եղածները կարճ և ոչ ախրան էլ ջրառատ են: Կլիման ծովային է, որովհետև երկրի մակերևոյթը բաւական ցածր է և այն էլ շրջապատւած ծովերով:

Դանիայի թագաւորութեան ազգաբնակչութիւնը բազկացած է դանիացիներից, որոնք պատկանում են Գերմանական ցեղին և բողոքական դաւանութեան: Ժողովրդական տարրական կրթութիւնը պարտադիր է և դրա համար էլ երկրի գրեթէ բոլոր բնակիչներն էլ գրել ու կարդալ գիտեն: Դանիան շատ յայտնի է իր ժողովրդական կամ գիւղական համալսարաններով, որոնց շնորհիւ գիտութեան զանազան ճիւղերը ժողովրդականացում են երկրի ազգաբնակչութեան ըստորին խւերին համար: Նրա պետական միակ համալսարանը գտնուում է Կոպենհագէն մայրաքաղաքում:

Դանիայի բնակիչները պարապում են հողագործութեամբ,

ձկնորսութեամբ և վաճառականութեամբ: Հոգապործութեան համար Դանիայի տարածութեան մեծ մասը շտտ նպաստաւոր հող ունի, որ առատ հացահատիկներ է տալիս. հոգապործութիւնը շատ զարգացած է մանաւանդ Իւթլանդիա թերակղզու արևելեան մասում և արշիպելագի կղզիների մեծ մասի վրայ: Երկրի արգիւնագործութիւնը քարածխի և երկաթի բացակայութեան շնորհիւ անախանձելի վիճակի մէջ է գտնուում, այն ինչ վաճառականութիւնը շատ զարգացած է, որովհետև Դանիան իր աշխարհագրական նպաստաւոր դիրքի շնորհիւ հեշտութեամբ առևտրական հաղորդակցութեան մէջ է մտնում հարևան երկիրների և ուրիշ մայր ցամաքների հետ:

Դանիան սահմանագրական միապետութիւն է, թագաւորի իրաւունքները սահմանափակում է *րայխստաւոր*:

Տէրութեան մայրաքաղաքն և աթոռանիստն է *Կոպենհագէն*, որ միևնոյն ժամանակ ամբողջ երկրի առևտրական, արդիւնաբերական և հասարակական կենտրոնն է: Կոպէնհագէնը ունի մօտ 450,000 բնակիչ և բաւական յայտնի համալսարան:

Դանիային Եւրօպայում պատկանում է *Փարը-Էր* և *Դաւանդիա* կղզիները: Առաջինը գրեթէ մի աննշան կղզի է Անգլիայի հիւսիս-արևմտեան կողմում, իսկ երկրորդը երեք անգամ աւելի մեծ է Դանիայից և ունի մօտ 75,000 բնակիչ: Իսլանդիա կղզին յայտնի է իր գործող հրաբուխներով և տարազբիւրններով, որոնք կոչւում են *հայգէրներ*: Հրաբուխներից նշանաւոր են *Հելլա* և *Գրաքլա*, իսկ տարազբիւրններից՝ *Մեծ-Հայգէր*: Կղզու բնակիչները մեծ մասամբ պարպում են անասնապահութեամբ և ձկնորսութեամբ. գլխաւոր քաղաքն է *Րէյկիավիկ*:

Դանիային Ամերիկայում պատկանում է *Գրենլանդիա* կղզին:

ՍՊԱՆԻԱ

Եւրօպայի ամենամեծ թերակղզի Սկանդինավիայի տարածութիւնն է 14,000 քառ. մղոն, որի վրայ ապրում են 7 միլիոն բնակիչ: Այդ թերակղզին երեք կողմից ջրջագատւած է Հիւսիսային ցուրտ կամ Սառուցեալ ովկիանոսով Գերմանական և Բալթիկ ծովերով ու նրանց մասերով, իսկ չորրորդ կողմից միացած է Ռուսաստանի հետ. թերակղզու ամբողջ արևմտեան մասում տարածւած է Սկանդինավիական լեռնաշղթան: Սկանդինավիայի հիւսիսային և արևմտեան ափերը շրջապատող ջրերով շափաղանց շատ են կտրատւած: Այդ ափերը յայտնի են բազմաթիւ նեղ, երկար և խոր ծոցերով, որոնք կոչւում են *Ֆիորդներ*: Դրանց մուտքի մօտ գտնուում են բազմաթիւ ժայռոտ կղզիներ, որոնք նկարշական տեսարան ունին, թերակղզու հիւսիս-արևմտեան կողմում ձգւած են *Հաթոլենտան* կղզիները, որոնց մակերևութի կազմութիւնը լեռնոտ է:

Սկանդինավիա թերակղզու արևմտեան ափը լեռնոտ և բարձր է, իսկ արևելեանը հարթ և ցածր: Ոռոգման կողմից թերակղզին շատ նպաստաւոր պայմանների մէջ է գտնուում: Սկանդինավիան հարուստ է մի շարք գետերով, լճերով և ճահիճներով. գետերից նշանաւոր են *Սօրնէտ*, *Դալէլֆ*, *Գօթա*, *Կլարա*, *Գլոմմէն* և *Թարա*, իսկ լճերից՝ *Մեյլար*, *Վետտէրն* և *Վենէրն*: Վերջին երկու լճերը միացած են իրար հետ *Գօթայի* ջրանցքով:

Թերակղզու արևմտեան մասի՝ Նորվեգիայի կլիման ծովային է, որովհետև ովկիանոսին շատ մօտ է. հարաւարևմտեան հողմերը և Գօլֆշտրօմը սաստիկ մեղմացնում են ձմեռը, այն ինչ արևելեան մասում՝ Չվեդիայում, որ ովկիանոսից բաւական հեռու է, կլիման աւելի ցամաքային է. ձմեռը Նորվեգիականից աւելի տաք:

Սկանդինավիայի բուսական և կենդանական աշխարհը

բոլոր մասերում միատեսակ չէ. թերակողու հարաւային մասի փլօթան և ֆառնան յիշեցնում է գերմանականը, այն ինչ հիւսիսայինը զգալի կերպով ազքատ է և ոչ բազմազան: Սկանդինավիա թերակողին բաղկացած է երկու՝ միմիանցից անկախ պետութիւններից. *Նորվեգիայից* և *Շվեդիայից*:

ԶՎԵԳԻՍ ԵՒ ՆՈՐՎԵԳԻՍ

Այս երկու երկիրներն ունին շատ նոսր ազգաբնակչութիւն չնայելով որ բաւական մեծ տարածութիւն են ներկայացնում, դրա պիտաւոր պատճառը երկրի լեռնոտ դիրքը, լճերը, դետերը, ճահիճները և խիտ անտառներն են: Ամբողջ թերակողու ազգաբնակչութիւնը բաղկացած է նորվեգիացիներից, շվեդներից և ֆիններից: Առաջին երկուսը պատկանում են գերմանական ցեղին և դաւանութեամբ բողոքական են:

Տարրական կրթութիւնը պարտադիր է երկու երկիրների ամբողջ ազգաբնակչութեան համար. իւրաքանչիւր երկիր ունի իր տարրական, միջնակարգ և բարձրագոյն դպրոցները, որոնք բաւական ծաղկած վիճակի մէջ են գտնուում:

Չվեդիայի և Նորվեգիայի բնակիչները պարապում են անասնապահութեամբ, հողագործութեամբ, ձկնորսութեամբ, արդիւնագործութեամբ և վաճառականութեամբ: Մշակելի հողի քանակութիւնը չնչին տարածութիւն է կազմում և դրա համար էլ հողագործութեան արդիւնքները բաւականութիւն չեն տալիս թերակողու ամբողջ ազգաբնակչութեան. ամենից շատ Նորվեգիան ստիպւած է օտար երկիրներից հացահատիկներ ներմուծել: Հողագործութիւնը շատ զարգացած է Չվեդիայի հարաւային մասում: Անտանապահութիւնը զարգացած է առանձն արօտատեղիների շնորհիւ: Արդիւնագործութիւնը համեստ չափով զարգացած է Սկանդինավիայի

երկու երկրներում. այդ բանին նպաստում են երկաթի և պղնձի հանքերը, որոնցով բաւական հարուստ են Սկանդինավիայի լեռները: Սկանդինավիան ներմուծում է քարածուխ, հացահատիկներ, մեքենաներ, սուրճ և այլն և արտահանում է փայտ, երկաթ, իւղ, ձկներ, լուցկի և այլն. նրա առևտրական նաւատորմը աշխարհումս իններորդ տեղն է բռնում:

Սկանդինավիայի երկու երկիրները անկախ թագաւորութիւններ են. կառավարութեան կազմը սահմանադրական միապետութիւն է: Չվեդիայի թագաւորի իրաւունքները սահմանափակում է չվեդական բայխստագը, իսկ Նորվեգիայի թագաւոր՝ ստորտինգը:

Շվեդիայի քաղաքներից նշանաւոր են. *Չուօկհօլմ*, երկրի մայրաքաղաքը և տէրութեան աթոռանիստն է, ունի մօտ 300,000 բնակիչ և նշանաւոր համալսարան: Զտօկհօլմը ամբողջ երկրի մտաւոր կենտրոնը և առաջին գործարանական քաղաքն է: Դիրքի գեղեցկութեամբ նրա հետ կարող են մրցել միայն *Լիսսաբօն*, *Նիապօլ* և *Վ. Պօլիս* քաղաքները: Երկրորդ քաղաքն է *Սալտալա*, որ նշանաւոր է իր համալսարանով: *Կարլսկրօնա*—Չվեդիայի պապերազմական նաւահանգիստն է: *Գօթենբուրգ*—Չվեդիայի երկրորդ նշանաւոր առևտրական քաղաքն է:

Նորվեգիայի քաղաքներից նշանաւոր են. *Խրիստիանիա* - տէրութեան մայրաքաղաքը և թագաւորի աթոռանիստը. ունի մօտ 200,000 բնակիչ և յայտնի համալսարան. բնակիչները առևտուր են անում փայտով և երկաթով: *Բերգէն*—առևտրական նշանաւոր քաղաք է: *Համմերֆետտ*—աշխարհիս ամենահիւսիսային առևտրական նաւահանգիստն է: *Դրօնտալ*—պղնձի և ձկների մեծ առևտուր ունի:

Յ Ա Ն Կ

Յտուաջարան	4
Ե Ի Ր Օ Պ Ա	
Եւրօպայի դիրքն ու մեծութիւնը	5
Եւրօպայի արեւելի գծադրութիւնը	6
Եւրօպայի մակերևոյթի կազմութիւնը	7
Եւրօպայի ոռոգումը	8
Եւրօպայի կլիման	10
Եւրօպայի բուսականութիւնը	12
Եւրօպայի կենդանիները	13
Եւրօպայի ազգաբնակչութիւնը	14
Բալկանեան թերակղզու պետութիւններ և ազգերը	17
Ռումինիայի թագաւորութիւն	21
Չեքոսլովակիայի իշխանութիւն	22
Յունաստանի թագաւորութիւն	23
Բուլղարիայի իշխանութիւն	25
Սերբիայի թագաւորութիւն	27
Եւրօպական Թիւրքիա	28
Ալբանիան թերակղզի	32
Իտալիայի թագաւորութիւն	34
Պիրինեան թերակղզի	40
Պորտուգալիայի թագաւորութիւն	42
Իսպանիայի թագաւորութիւն	44
Ըվէյցարիայի հանրապետութիւն	51
Գերմանիայի կայսերութիւն	55
Պրուսիայի թագաւորութիւն	61
Սաքսոնիայի թագաւորութիւն	63
Բաւարիայի թագաւորութիւն	64
Վիւրթեմբերգի թագաւորութիւն	65
Աւստրո-Ունգարիայի կայսերութիւն	66
Հոլլանդիայի թագաւորութիւն	74
Բելգիայի թագաւորութիւն	77
Փրանսիայի հանրապետութիւն	80
Անգլիայի թագաւորութիւն	87
Դանիայի թագաւորութիւն	94
Սկանդինավիա	97
Ըվեգիա և Նորվեգիա	98

Հայաստանի Ազգային գրադարան

 NL0429622

ՀՐԱՏԱՐԱՅՈՒԹԻՒՆ. Գ. ԳԱԼՍՏԵԱՆԻ-ԵՊՈՒՏՏԵՆԲԵՐԳ-Ի.:

- 1. Պօմպէլի վերջին օրերը, Թ. Յ. Միրզապեանի . 1—50 Կ.
- 2. Ապպետ, Վ. Փափաղեանի . 15 Կ.
- 3. Կեանքը ծովերի խորքում, Լուսինովիչի, Թարգմ. Ստ. Մալխասեանի . 30 Կ.
- 4. Տրիլբի, զրամա 4 արար. Թ Լ. Մելիք-Աղամ. 25 Կ.
- 5. Եադ-աստ, վոդ. 1 արար. Յակ. Ղազարեանի . 25 Կ.
- 6. Դարվինիզմ, Ս. Բալաղեանի. 50 Կ.
- 7. Ազնիւ գող, Ֆ. Մ. Կոստօպիսկու, Թ. Ն. Չ. 10 Կ.
- 8. Ինքնավարութիւն և Չեմաովօ, Բէլովոսկու. Թարգմ. Կ. Ջալալեանի . 15 Կ.
- 9. Տնտեսագիտական գրույցներ, Կարիշևի, Թարգմ. Կ. Ջալալեանի . 40 Կ.
- 10. Къ введенію на Кавказъ Земскаго Самоуправленія, Кн. Г. М. Туманова. 20 Կ.
- 11. Բերականութիւն մալրեանի լեզուի, Ա. Բ. և Գ. մաս. Ստ. Պալասանեանի . 75 Կ.
- 12. Ընդհանուր, պատմ. Հին-Դար, Վինագրադովի Թարգմ. Սաժակի . 1 Բ.
- 13. Եւրօպա և Հայաստան, Ամֆրատեարովի, Թարգմ. Ս. Մխիթարեանցի. 10 Կ.
- 14. Փուչ զաւակ, զրամա 5 զործ. Գ. Ղարաջեանի. 50 Կ.
- 15. Արիւնի աւետարանը, Թարգմ. Տ. Զաւէնի . 25 Կ.
- 16. Գծադրութեան օրինակներ, Լևոնեան Ա. մաս . 20 Կ.
- 17. Բ մաս " " " " . 20 Կ.
- 18. Գ մաս " " " " . 35 Կ.
- 19. Դասագիրք ընդհանուր աշխարհագրութեան քաղաքական մաս կազմեց Լ. Բարալեան . . 65 Կ.
- 20. Начальная книжка для армян. школа С. М. . 55 Կ.
- 21. Կառապան Հենչէլ, գերմ. Թարգմ. Լ. Բարալեան 50 Կ.
- 22. Հող և նրա մշակութիւն, Գ. Ղազարեանի . 20 Կ.
- 23. Դասագիրք ընդհանուր աշխարհագրութեան, Գ. մաս, կազմեց Լ. Բարալեան 50 Կ.
- 24. Սերմ և ցանք, Գ. Ղազարեանի 25 Կ.
- 25. Գիշորը, Յովհաննէս Թումանեանցի 20 Կ.

БИБЛИОТЕКА
ИНСТИТУТА
ВОСТОКОВЕДЕНИЯ
Академии Наук
СССР

Գրախանութիւնը վերադիր վճարով ուղարկում է նրանց, որոնք ուղարկում են կանխավճար: Իրմել.—Тифлисъ. Книжный магазинъ „Гуттенбергъ“ Г. И. Галустьяну.

Մամուլի տակ է և շուտով լոյս կտեսնի Ընդհանուր աշխարհագրութիւն Ա. Բնական մաս (պատկերազարդ):